



---



**MENSAHE  
SA KATAPUSAN NGA  
PANAHOON**

---



*“Nagpadayag sa mga tinago  
sa Biblia alang sa kaayohan sa  
mga Kristohanon sa katapusan  
nga mga adlaw”*

**PTR RONNIE MILLEVO**

# MGA NILALAMAN

(TABLE OF CONTENTS)

- 1 ANG GUGMA SA DIOS ALANG SA IYANG MGA PINILI
- 15 ANG KAMAHINUNG DANON SA BAUTISMO SA TUBIG SA NGALAN NI JESUS CRISTO
- 22 TINUOD BA GAYUD NGA NAKAILA KA SA DIOS NGA IMONG GIALAGAD?
- 33 MANSANAS BA ANG HINUNG DAN SA PAGKAHULOG SA TAWO?
- 40 MAY KALUWASAN BA SA PAGPASAKUP SA RELIHIYON?
- 56 ANG PAGSAKGAW UG ANG KATAPUSAN SA KALIBUTAN
- 65 ANG PITO KA KAPANAHONAN SA IGLESIA NGA GENTIL
- 83 ANG MENSAHERO NGA PROFETA SA DIOS SA KATAPUSANG KAPANAHONAN
- 102 ANG PINADAYAG SA PITO KA TIMRI
- 129 REVELATION EXPLOSION SEMINARS

First Printing, 2017.  
All rights reserved.  
[www.endtimemessage.info](http://www.endtimemessage.info)

**K**ini nga basahon nga gipatik sa *The Spoken Word Christian Assembly*, sa #58 Sammar1 Street corner Luzon Avenue, Old Balara, Quezon City, Philippines, nga gipanguloan ni *Pastor Ronnie Millevio*. Kon imong gikinahanglan ang uban pang mga basahon, mahimo kang motawag o sa magtext sa **0919-3681887, 7349607 o 4563857**, o mag-email sa [ronmillevo@yahoo.com](mailto:ronmillevo@yahoo.com) ug magbisita sa atong website sa [www.endtimemessage.info](http://www.endtimemessage.info).

# ANG GUGMA SA DIOS ALANG SA IYANG MGA PINILI

**I**mo na bang nasinati ang gugma sa Dios? Motoo ka ba nga adunay usa ka Dios nga makadungog sa imong mga pag-ampo?



Ang usa ka kalig-onan nga ang Dios matuod sa Iyang kaugalinong kabuhatan. Ang pagtungha sa kalibutan maoy usa ka kalig-onan nga anaay usa ka Dios. Ang pagsubang ug ang pagsalop sa adlaw, ang pagtungha sa mga planeta diha sa universo, ug ang gininhawa sa kinabuhi nga gihatag sa Dios sa mga katawhan, mga mananap, ug mga tanum, sila maoy kalig-onan sa pagkaanaa sa Dios.

Sumala sa Balaang Biblia, kinahanglan nga atong dawaton nga ang Dios matuod. Diha sa mga Hebreohanon 11:6 kini nag-ingon, “*Apan kong walay pagtoo dili gayud mahimo ang pagpahimuot Kaniya: tungod kay siya nga magaduol sa Dios kinahanglan nga motoo nga Siya anaa, ug Siya maoy mohatag ug ganti kanila nga matinguhaon nagapangita Kaniya.*”

Gusto sa Dios kanato nga ipaubos ang atong mga kaugalingon sa atubangan Niya. Kini maoy gisulti sa Dios diha sa Jeremias 9:23-24, “*Mao kini ang giingon ni JEHOVA, ayaw pagpahimayaa ang tawong manggialamon sa iyang kaalam, ni pagpahimayaon ang tawong kusganon sa iyang kusog, ayaw pagpahimayaa ang tawong adunahan sa iyang mga bahandi: Apan pahimayaa siya nga nagahimaya niini, nga siya nakasabot ug nakaila kanako, nga Ako mao si JEHOVA nga nagahatag sa*

*mahigugmaong kalolot, sa justicia ug sa pagkamatarong, dinhi sa yuta: kay niining mga butanga ako nahimuot, nagaingon si JEHOVA.*”

## ANG DIOS NAKAILA KANIMO

Sa taliwala sa mabug-at nga mga pagsulay ug kapakyasan dinhi sa atong kinabuhi karon, ang usa ka yanong tawo kanunayng mangutana, “Nahigugma ba ang Dios kanako? Kon ang Dios tinuod pang nahigugma kanako, nganong Iya mang gitugotan ako nga mahiadto sa kinabuhing may mga problema, mga balatian, kawaladon ug kapakyasan? Dili ba masayon ra sa Dios nga himuon lang ako nga malipayon sa usa ka kinabuhi nga adunahan ug madagayaon?” Mao kini sila ang mga pangutana nga nakasamok sa mga tawo karon ni kinsa matinud-anong nagapangita sa tinuod nga mga tubag sa matuod nga kahulogan sa kinabuhi. Atong pangitaon ang matuod nga mga tubag ngadto niining mga pangutanaha diha sa Biblia.

Ang Dios miingon diha sa Jeremias 29:11-“*Kay ako mahibalo sa mga hunahuna nga gihunahuna ko alang kaninyo, nagaingon si JEHOVA, mga hunahuna sa pakigdait, ug dili sa kadaotan sa paghatag kaninyo ug paglaum sa inyong kaugmaon.*”

Si Jesus miingon diha sa Mateo 6:25-27,34, “*Busa sultihan ko kamo nga dili kamo mabalaka sa inyong kinabuhi, kon unsa ang inyong kaonon o imnon, o unsa ang inyong isul-ob. Kay kon gihatagan kamo sa Dios sa kinabuhi ug lawas, dili mahimo nga dili niya kamo hatagan sa pagkaon ug bisti. Tan-awa ninyo ang mga langgam nga nagalupad-lupad. Wala sila magtanom, wala mag-ani, ug wala silay gitigom sa bodega, apan sa gihapon gipakaon sila sa inyong Amahan nga langitnon. Dili ba mas labaw pa kamo kaysa mga langgam? Kinsa ba kaninyo ang makapalugway sa inyong kinabuhi bisag gamay lang pinaagi sa inyong kabalaka? Wala gayod! Busa ayaw kamo kabalaka bahin sa ugma, kay ang ugma may kaugalingon nga suliran. Dili na kinahanglan nga dugangan pa ninyo ang suliran nga nagaabot sa matag adlaw.*”

Ang Dios nahibalo sa imong kahimtang sa kinabuhi, bisan pa sa mga problema nga imong hingagian, tungod kay ang Dios nagahunahuna kanato. Gitugot sa Dios kining mga pagsulaya nga moagi aron ang matag usa ka tawo mosangpit kaniya sa panabang. Ang tawo kinahanglan nga moila nga kong walay Dios wala kitay mahimo ug ang Dios mao ray bugtong tubag sa matag panginahanglan sa tawo.

*“Duol kamo kanako, kamong tanan nga gikapoyan ug gibug-atan, ug papahulayon ko kamo. Sunod kamo ug magpatudlo kanako kay malumo ako ug mapainubsanon. Makapahulay kamo, kay ang akong pagtulon-an sayon sundon, ug ang akong sugo sayon buhaton”* (Mateo 11:28-30).

*“Si Jesus miingon, “Ako mao ang punoan sa ubas, ug kamo ang akong mga sanga. Ang tawo nga nagapabilin kanako ug ako diha kaniya, maoy mamungag daghan, kay kon wala ako kaninyo wala gayod kamoy mahimo. Ang tawo nga mobulag kanako ibalibag, sama sa mga sanga nga ibalibag ug unya malaya, dayon tigomon ug ilabayngadto sa kalayo aron masunog. Kon magpabilin kamo kanako ug tipigan ninyo sa inyong mga kasingkasing ang akong mga pulong, makapangayo kamo kanako bisan unsa nga inyong gusto, ug madawat ninyo kini”* (Juan 15:5-7).

### SI JESUS MAO ANG TUBAG

Tinuod ba gayud nga nagkinahanglan kag kalinaw, kalipay, tinuod nga kalipay, gugma ug kalampusan sa kinabuhi?

Si Jesus nagtanyag kanimo sa usa ka relasyon nga igahatag kanimo tanan niining mga butanga. Si Jesus mao ang dalan sa madagayaong kinabuhi. Ang maayong balita mao kini: Si Jesus nahigugma kanimo ug Siya namatay didto sa krus aron pagluwas kanimo ug paghatag kanimog usa ka kinabuhi nga madagayaon.

*“Kay gihigugma gayud sa Dios ang kalibutan, nga tungod niana Iyang gihatag ang iyang bugtong Anak, aron ang tanan nga mosalig kaniya dili malaglag, kondili makabaton sa kinabuhing dayon”* (Juan 3:16).

Unsang matanga sa kinabuhi ang imong nasinati karon? Nagkinabuhi ka ba sa sala, kalibug, kakabus, kamasulob-on, madinumtanon, ug kakapoy? Nagkinabuhi ka ba sa walay kapuslanan nga kinabuhi nga walay usa nga nagtagad kanimo? Tinuod ba gayud nga malisud nga kinabuhi kong wala si Cristo. Si Satanas ug ang sala maoy hinungdan niining mga butanga nga modangat sa imong kinabuhi.

*“Ang tanan nga akong gihigugma gibadlong ko ug gidisiplina. Busa paghinulsol kamo ug ayoha gayod ninyo ang inyong pamatasan. Nagatindog ako sa pultahan ug nagatuktok. Kon adunay makadungog sa akong pagtawag ug mopadayon kanako sa iyang balay, mosulod ako, ug mag-uban kami sa pagpangaon,”* usa ka imbitasyon gikan ni Jesus (Pinadayag 3:19-20).

Makadawat lamang kita sa kapasayloan, gugma, kalinaw ug kalipay pinaagi sa atong Ginoo. *“Wala nay lain pa sa tibuok kalibotan nga makaluwas kanato kondili si Jesus lamang”* (Gawa 4:12). *“Mitubag si Jesus kaniya, “Ako mao ang dalan, ang kamatuoran, ug ang kinabuhi. Walay makaadto sa Amahan kon dili pinaagi kanako”,* si Jesus miingon sa Juan 14:6.

Ang usa ka personal nga relasyon uban ni Jesus mohatag kaninyo sa kaluwasan, kalinaw ug kinabuhi nga dayon. Kinahanglan nimo siyang dawaton sa imong kinabuhi. Kinahanglan ka mosalig ug motoo kaniya, sumala sa Mateo 22:37-39. *“Misulti pag-usab si Jesus sa mga tawo, “Ako ang suga sa mga tawo sa kalibotan. Ang nagasunod kanako, dili gayod magkinabuhi diha sa kangitngit, kondili mahayagan siya sa suga nga nagahatag ug kinabuhi”* (Juan 8:12).

## ANG DIOS DILI MOBIYA KANIMO

Kon ikaw usa ka anak sa Dios, ang Dios dili mobiya kanimo. Mahimong tugotan sa Dios nga ikaw maihagom sa mga pagsulay sama sa Job, apan kini mao ang temporaryo lamang ug kini alang sa inyong kaugalingon nga kahingpitan. *“Nasayod kita nga ang tanang panghitabo ginabuhat sa Dios alang sa kaayohan sa mga nagahigugma kaniya nga iyang mga pinili sumala sa iyang katuyoan”* (Roma 8:28).

Ang Dios dili mapakyas kaninyo kon kamo naghupot Kaniya. Kon itugyan mo ang imong kinabuhi ngadto ni Jesus, Siya mohatag kanimo sa kadaogan ibabaw sa tanan nga mga pagsulay sa kinabuhi niini nga.

*“Tungod niini maglipay kamo bisan may miabot karon nga nagkalain-lain nga mga pagsulay. Kay kini nga mga pagsulay lumalabay lang, ug kinahanglan nga masinati ninyo aron masulayan ang inyong pagtuo, sama sa bulawan nga gisulayan sa kalayo aron masayran kon tinuod o dili. Apan mas mahinungdanon ang atong pagtuo kaysa bulawan nga mawala lang. Busa kon mapamatud-an nga ang inyong pagtuo tinuod gayod, dayegon niya kamo ug pasidunggan sa adlaw nga si Jesu-Cristo moabot”* (1 Pedro 1:6-7).

Kong ang Dios Mismo miuyon nga ang Iyang Anak mosinati sa mga pag-antus ug mga paglutos ug ilansang sa krus nga misangko ngadto sa Iyang kamatayon aron kita mapasaylo sa atong mga sala, Siya usab nagsaad nga Siya magauban kanato ug motagad kanato luyo sa atong mga pagsulay hangtud sa katapusan sa kapanahunan. Mga Hebreohanon 13:5-6 naga-ingon, *“Bantaye ang inyong pagkinabuhi nga mahigawas kini sa pagkamahigugmaon sa salapi; ug himoa nga matagbaw kamo sa inyong mga ginabatonan karon; kay siya gayud mao ang nag-ingon, dili ko gayud ikaw pagapahikabsan ni pagabiyaan.”* *“Tungod kay ang tanang mangayo sa Dios makadawat. Ang moduol kaniya tabangan niya. Ug ang mag-ampo tubagon niya”* (Lucas 11:10).

## ANG DIOS NASAYUD SA TANANG MGA BUTANG

Tungod sa dili hitupngan nga kaalam sa Dios, ang Dios nasayud sa matag tawo nga mahimugso niining kalibutana bisan sa wala pa matukod ang kalibutan, ug ang Dios nagsulat sa ilang mga ngalan sa Basahon sa Kinabuhi nga Iya sa Kordero. Si haring David nagpamatuod niini diha sa mga Salmo 139:1-4, 13-14 nagaingon, *“Oh JEHOVA, ikaw nakasusi kanako, ug nahibalo kanako. Ikaw nahibalo sa akong paglingkud ug sa akong pagtindog; Ikaw nakasabut sa akong hunahuna bisan sa halayo. Ikaw nagasusi sa akong alagianan ug sa akong paghigda ug ikaw nahibalo sa atanan ko nga mga dalan. Kay walay mausa ka pulong sa akong dila, kondili, Oh, JEHOVA, ania karon, ang tanan nahibaon nimo. Kay ikaw nag-umol sa akong mga sulod nga bahin: Sa tagoangkan sa akong inahan imong gitabonan ako. Mohatag ako ug pasalamat kanimo; tungod kay makalilisang ug kahibulongan uyamot ang pagbuhat kanako kahibulongan man ang imong mga buhat; ug kini hibaloan kaayo sa akong kalag.”*

Walay kinutoban ang gahum sa Dios. Iyang hidunggan ang imong pag-ampo bisan sa dili mo pa litukon sila sumala sa *Isaias 65:24*. Bisang gidaghanon sa buhok sa inyong ulo Iya nang ginaisip sila, matud sa *Mateo 10:30*. Ug Iyang gikulit ang inyong mga ngalan diha sa Iyang palad (*Isaias 49:16*).

Ang Ginoong Dios gitawag usab nga *“ang Alfa ug Omega”* (*Pinadayag 1:8*) maoy hinungdan nga Siya nahibalo sa tanang butang nga nanglabay na, mga butang nga karon nagakahitabo, ug mga butang nga magakahitabo pa sa umalabot.

## ANG DIOS ANAAY “PINILING” KATAWHAN

Ang Dios anaay mga piniling katawhan kinsa Iyang giandaman sa kaluwasan. Bisang ang langit ug ang yuta wala pa

buhata, Iya nang gipili sila kinsa Iyang hatagan sa kinabuhing dayon. Oo, kini may kalig-onan sa Mga taga Efeso 1:4-6 nga giingon, “*Diha kaniya sa wala pa matukod ang kalibutan siya nagpili kanato aron kita mabalaan ug dili masalawayon diha sa atubangan sa Dios. Pinaagi sa gugma kita iyang gipili nga daan aron mahimong Iyang mga anak nga sinagop pinaagi kang Jesu-Cristo, sumala sa tuyo sa iyang kabubut-on. Aron pagadaygon ang Iyang mahimayaong grasya nga sa walay bayad Iyang gihatag kanato pinaagi sa Pinalangga.*”

Kong ikaw kabahin sa mga pinili sa Dios, ang imong ngalan nahisulat na diha sa Basahon sa Kinabuhi nga Iya sa Cordero sa wala pa matukod ang kalibutan, ug ikaw kabilang na sa Diosnong laraw sa pagpanubos ug pagkabanhaw. Ang Dios dili makompleto kung wala ka maoy hinungdan nga Siya nagapangita kanimo karon aron makabalik ka sa Iyang toril. Ikaw usa sa Iyang nawala nga carnero.

“*Kay sila nga giila Niyang daan, gikabut-an usab Niyang daan nga mahisama sila sa dagway sa Iyang Anak, aron Kini Siya mahimong panganay sa daghang mga magsoon. Ug sila nga gikabut-an niyang daan, Iya usab sila nga gitawag, ugsila nga iyang gitawag, iya usab nga gimatarung; ug sila nga iyang gimatarung, iya usab sila nga gidala sa himaya*” (Mga taga Roma 8:29-30).

Kong kabahin ka sa pinili sa Dios, imong hingpit nga madawat ang kaluwasan nga giandam sa Dios kanimo sa wala pa matukod ang kalibutan. Ikaw modawat gayud sa Mensahe sa katapusan nga panahon kong ikaw usa sa Iyang pinili, ug modawat ka kang Jesu-Cristo ingon nga imong kaugalingong Ginoo ug Manluluwas. Iya usab pasayloon ang tanan mong mga sala pinaagi sa Iyang dugo, tungod kay Siya mao ray bugtong Carnero sa Dios nga makawagtang sa mga sala sa kalibutan. Dili ka na silotan sa Dios sa imong mga sala tungod kay gikuha na man ni Jesus ang imong pagkahinukman sa imong dapit. Si Jesus maoy nagbayad ug nag-antus sa imong mga sala didto sa Calbaryo ug nagpapas sa imong tulobagon sa Dios.

Ang Biblia nag-ingon nga, “*Apan Siya gisamaran tungod sa atong mga kalapasan, siya napangos tungod sa atong mga kasal-anan: ang silot sa atong pakigdait diha sa ibabaw niya; tungod sa iyang mga labod kita nangaayo.*” (Isaias 53:5).

“*Tungod kanato siya nga wala makasinati ug sala, aron diha kaniya kita mahimong pagkamatarung nga anaa sa Dios.*” (2 Cor. 5:21). Ug sa Mga taga Roma 8:1, kini nag-ingon, “*Busa sila nga anaa kang Cristo Jesus dili na karon mga hinukman sa silot, nga wala magalakaw uyon sa unod, kondili uyon sa Espiritu.*”

### ANG IMONG KALAG BILILHON KAAYO

Tingalig nagpuyo ka karon alang sa imong kaugalingon lamang ug tingalig naghunahuna ka nga wala mo kinahanglana ang Dios sa imong kinabuhi tungod kay malampuson ka na man, ikaw popular, ug imong nabatongan ang madagayaong material nga mga butang. Apan himatikdi nga ang pagkapupolar ug bahandi dili paigo alang sa tawo aron maluwas. “*Kay unsa may kapuslanan sa usa ka tawo, kong maangkon niya ang tibuok kalibutan, ug mapildi ang iyang kaugalingong kalag? O unsa may ikahatag sa tawo nga igabaylo sa iyang kalag?*” (Mateo 16:26).

Hinumdumi kung unsay nahitabo sa usa ka datu batanon nga punoan diha sa Biblia sa dihang nangutana siya kang Jesus kung unsaon niya sa pagpakabaton sa kinabuhing dayon:

“*Mateo 19: 21-24~ “Mitubag si Jesus, “Kon gusto mo nga mahingpit sa atubangan sa Dios, lakaw ug ibaligya ang imong mga kabtangan, ug ang halin ipanghatag sa mga kabos. Sa maong pamaagi mahimo kang adunahan didto sa langit. Pagkahuman, balik ug sunod kanako.” Sa dihang nadungog kini sa batanon mibiya siya nga masulob-on kay daghan man ang iyang kabtangan. Busa miingon si Jesus sa iyang mga sumusunod, “Sa pagkatinuod, lisod alang sa usa ka adunahan nga magpasakop sa paghari sa Dios. Sayon pa ang paglusot sa usa ka mananap*

*nga kamelyo sa bangag sa dagom kaysa pagpasakop sa adunahan sa paghari sa Dios.” (Basaha usab sa Lucas 16:19-31).*

Dili mo madala ang imong katigayonan uban kanimo kung mamatay ka. Wala kay dala bisag unsa ug natawo ka nga hubo sa imong pag-anhi sa kalibutan ug wala kay madala kong mobiya ka. “*Ang tinuod, sa pagkatawo nato dinhi sa kalibotan wala kitay gidala, ug kon mamatay kita, wala usab kitay madala gikan sa kalibotan*” (1 Timoteo 6:7). Ang batasan ni Jesu-Cristo mao ray imong gikinahanglan aron mamaluwas ka. Kadtong batan-on dato nga punoan sa katapusan hingkaplagan didto sa infierno nag-antus sa nagdilaab nga dapit. (Mabasa usab sa Lucas 16:19-31).

### ANG PAGPASAYLO SA DIOS

Unsay matuod nga kahulogan sa “pagpasaylo: ug nganong gikinahanglan man nato kini?

Mga Buhat 2:38 nagaingon, “*Ug si Pedro mitubag kanila, “Paghinulsol kamo, ug pabautismo kamo ang matag-usa kaninyo sa ngalan ni Jesu-Cristo tungod sa kapasayloan sa inyong mga sala, ug madawat ninyo ang gasa nga Espiritu Santo.”*

Ang pulong “kapasayloan” kauban ra sa paghinlo sa atong nanglabayng kinabuhi. Kong kita nakasala batok sa atong isigkatawo, mangayo kitag kapasayloan kanila aron ang atong maayong relasyon kanila mabangon. Atong gipaabot ang atong pagpasaylo sa usa ka tawo dili tungod kay sila takus pasayloon apan tungod kay gusto natong ipakita ang atong gugma, grasya ug kalooy kanila. Mao kini ang decision nga atong nahimo aron ang atong kapaitan batok kanila mohunong luyo sa unsay atong nabuhat kanila.

Kini mao rang butanga diha sa Dios. Kinahanglan nga mangayo ta sa Dios sa kapasayloan sa atong kalapasan.

Kitang tanan nangatawo sa sala sumala sa Mga Taga Roma 3:23, ug matud sa Ecclesiastes 7:20, “*Sa pagkatinuod walay tawo nga matarung sa ibabaw sa yuta, nga nagabuhat ug maayo, ug wala magpakasala.*” Ug usab sa 1 Juan 1:8-10, kini nag-ingon, “*Kon kita magaingon nga wala kitay sala, kita ra ang nagpahisalaag sa atong kaugalingon, ug wala kanato ang kamatuoran. Kon isugid ta ang atong mga sala, siya kasaligan ug makataronganon nga tungod niana mopasaylo siya sa atong mga sala ug magahinlo kanato gikan sa tanang dili pagkamatarung. Kon kita magaingon nga wala kita makasala, siya atong gipakababakon, ug wala kanato ang iyang pulong.*”

### UNSA BA GAYUD ANG “SALA”?

Ang sala mao ang pagsupak batok sa Dios (Salmo 51:4). Ang sala mao ang pagkadili matinoohon sa Pulong sa Dios ug mao kanay paglapas sa mga sugo sa Dios. Mga Taga Roma 3:23 nagaingon, “*Sanglit nakasala man ang tanan, ug nakabsan sa himaya sa Dios.*”

Tungod niini, mahinungdanon kaayo nga atong pangitaon ang pagpasaylo nga nagagikan sa Dios. Kon dili kita makahimo pagdawat sa maong pagpasaylo gikan sa Dios, mag-antus kita sa silot sa Dios didto sa Linaw nga Kalayo ug ang atong mga ngalan papason gikan sa Basahon sa Kinabuhi (Mabasa sa Mateo 25:45; Juan 3:36).

Ang atong Dios usa ka maloloy-on ug usa ka mahigugmaong Dios. Siya andam mopasaylo kanato sa atong mga sala kong atong isugid sila. 2 Pedro 3:9 nag-ingon, “*Bahin sa iyang saad ang Ginoo dili langaylangayan, nga maoy pagsabot sa uban; hinonoa siya mapailubon kaninyo, nga wala magtinguha nga adunay mahanaw kondili nga ang tanan managpakakab-ot unta sa paghinulsol.*”

Gusto sa Dios nga mopasaylo kanato nga tungod niana nangita Siyag paagi alang kanato aron kita makadawat niini.

Ang kamatayon sa Iyang Anak maoy bayad sa atong mga sala. Mga Taga Roma 6:23 nag-ingon, *“Kay ang suhol sa sala mao ang kamatayon; apan ang gasa nga walay bayad sa Dios mao ang kinabuhing dayon pinaagi kang Jesu-Cristo nga atong Ginoo.”*

Ang kamatayon sa Anak sa Dios mao ang resulta sa atong mga sala! Sumala sa laraw sa Dios, ang Dios Mismo nagpakatawo pinaagi kang Ginoong Jesu-Cristo aron nga Siya Mismo maoy magbayad sa atong mga sala (Basahon sa Juan 1:1, 1Tim. 3:16). Si Jesus namatay sa krus ug nagbayad sa bili alang sa silot nga kitang tanan ang angayan nga modawat tungod sa atong mga kasal-anan ug paglapas sa kabubot-on sa Dios.

Diha sa 2 Mga Taga Corinto 5:21 kini nag-ingon, *“Tungod kanato siya nga wala makasinati ug sala gihimo niya nga sala, aron diha kaniya kita mahimong pagkamatarung nga anaa sa Dios.”* Giingon usab kini diha sa 1 Juan 2:2-*“Ug siya mao ang halad pasig-uli alang sa atong mga sala, ug dili lamang sa ato rang mga sala kondili sa mga sala usab sa kalibutan.”*

Si Jesus nabanhaw pag-usab gikan sa kamatayon ingon nga pagpamatuod nga siya nagmadaugon sa sala ug sa kamatayon (1 Cor.15:1-28). Himaya sa Dios nga sukad Siya nabanhaw gikan sa kamatayon, kini nagtuman sa ikaduhang bahin sa Mga Taga Roma 6:23, *“Apan ang gasa sa Dios mao ang kinabuhing dayon pinaagi kang Jesu-Cristo nga atong Ginoo.”*

### **PAGHINULSOL SA IMONG MGA SALA**

Ang imo bang kaisipan nagsamok kanimong tungod sa mga sala nga imong nabuhat sa imong kinabuhi? Gusto ka bang pasayloon sa Dios tungod sa mga sala nga imong nabuhat?

Madawat mo ang kapasayloan kong motoo ka kang Jesu-Cristo ingon nga imong Manluluwas ug Manunubos. Sa Efeso 1:7 nag-ingon, *“Diha kaniya kita may katubsanan pinaagi sa iyang dugo, may kapasayloan alang sa atong mga paglapas, sumala sa kadagaya sa grasya sa Dios.”*

Gibayran na ni Jesus ang atong mga kasal-anan aron ang Dios sa kinabubot-on mopasaylo kanato sa atong mga sala. Ang imo lamang pagabuhaton mao ang paghangyo sa Dios nga pasayloon ka sa imong mga sala ug motoo nga si Jesus nagpakamatay na didto sa krus alang sa imong kapasayloan. Sa 2 Cronicas 7:14 nag-ingon, *“Kong ang akong katawhan nga gihinganlan sa akong ngalan magmapaubsanon sa ilang kaugalingon, ug mag-ampo, ug mangita sa akong nawong, ug motalikud gikan sa ilang mga daotang dalan, nan ako magapatalinghug gikan sa langit, ug magapasaylo sa ilang sala, ug magaaayo sa ilang yuta.”*

### **KITA NANGALUWAS PINAAGI SA GRASYA**

Mga Taga Efeso 2:8,9 nagaingon, *“Kay tungod sa grasya kamo nangaluwas pinaagi sa pagtoo, ug kini dili inyong kaugalingon kahimoan, kini hatag sa Dios. Dili tungod sa mga binuhatan aron walay bisan kinsa nga magpasigarbo.”*

Mga Taga Colosas 1:21-22 nagaingon, *“Ug kamo kaniadto mga nahimutang sa halayo ug mabinatukon diha sa panghunahuna, nga nanaghimo sa mga dautang buhat. Karon iya nang napasig-uli ngadto kaniya diha sa iyang tawhonon nga lawas pinaagi sa iyang kamatayon, aron iya kamong ikapaatubang nga binalaan ug dili masaway ug dili mabadlong diha sa iyang atubangan.”*

Mga Taga Roma 3:24-25 nagaingon, *“Sila pagamatarungon pinaagi sa iyang grasya ingon nga gasa, pinasikad sa pagkatinubos tungod kang Cristo Jesus: Nga gitanyag sa Dios ingon nga halad pasig-uli pinaagi sa iyang dugo, sa maong halad nga pagadawaton pinaagi sa pagtoo. Kini maoy pagpakita sa pagkamatarung sa Dios, kay sa iyang langitnong pagkamainantuson gisayloan man lamang niya ang kasal-anan nga nangahimo kaniadto.”*

Delaygon ang Dios tungod sa iyang malomo nga gugma ug kalooy. Kitang tanan nanagpakaangkon sa kagawasan gikan



sa sala pinaagi sa dugo sa Iyang Anak nga si Jesus! Ug sumala sa Iyang kalooy, kitang tanan nangaluwas.

## HUNA-HUNA-A, AKONG IGSOONG LALAKI UG BABAYE

Kon ikaw tinuod nga sa Dios ginahin ug pinili, ang Dios nagtawag kanimo karon, pinaagi niining Mensahe sa Katapusang Panahon. Kini mao nay panahon nga imong itugyan ang imong kinabuhi ngadto sa Dios sa dili pa Niya kuhaon pagbalik ang imong kinabuhi ug Siya mobalik aron gub-on kining kalibutana. Paghinulsol sa imong mga sala ug ipahimulag ang imong kaugalingon gikan sa tanan pagkadili matinoohon. Alagara ang Dios samtang ang Iyang kalooy mapuslanon pa kanimo karon. Ang imong kinabuhi dili kon imong kaugalingon; hinulaman mo lang kini gikan sa Dios ug sa bisan unsang takna mahimong kuhaon sa Dios kini gikan kanimo. Itugyan sa Dios ang imong kinabuhi aron imong madawat ang madagayaong mga panalangin nga imong gipangandoy ug nga giandam nang daan sa Dios kanimo. *“Pangitaa pag-una ang Iyang Ginghamarian ug ang Iyang pagkamatarung ug ang tanang mga butang igadugang ra kanimo”* (Mateo 6:33).

Hunahunaa karon dayon. Pangayog pasaylo gikan sa Dios ug paghinulsol sa imong mga sala. Mga Taga Roma 10:9 nagaingon, *“Kay kon pinaagi sa imong baba magasugid ikaw nga si Jesus mao ang Ginoo, ug magatoo sa sulod sa imong kasingkasing nga siya gibanhaw sa Dios gikan sa mga patay, nan, maluwas ikaw.”*

Hebreohanon 3:7 nagaingon, *“Busa ingon sa gisulti sa Espiritu Santo, Karong adlaw inigkadungog ninyo sa iyang tingog, Ayaw ninyo pagahia ang inyong mga kasingkasing, ingon niadtong pagpangsupil nila batok kanako sa adlaw sa pagpanulay didto sa kamingawan.”*

Si Jesus miingon sa Juan 14:15, *“Kong kamo nahigugma kanako, tumana ang akong mga sugo.”*

## USA KA SINSERO NGA PAG-AMPO

Isulti kining mga pulonga gikan sa inyong kasingkasing, mangakaigsoonan ko, ug himoa kini nga inyong pag-ampo karon samtang mangita kamo sa Diosong pagpasaylo:

*“Ginoo ko ug Dios ko, moduol ako kanimo ingon nga makasasala. Pasayloa ako sa akong mga sala ug sa akong mga kalapasan. Akong gipaubos ang akong kaugalingon sa atubangan mo ug naghinulsol ako sa akong pagkadautan. Hinloi ako sa dugo sa imong Anak, nga si Jesus. Akong gitugyan ang akong espiritu, kalag ug lawas diha kanimo. Tudloi ako paglakaw diha sa mga dalan sa pagkamatarung ug pagkabalaan. Ako nagatoo nga ang imong Anak nga si Jesus nabanhaw gikan sa patay alang sa among kadaugan. Ako kang gidapit nga kon mahimo sumolud ka sa akong kasingkasing ug himoon ko ikaw nga akong Hari ug Manonubos. Mandoi ang akong kinabuhi, akong salabotan ug sa tibuok kong pagkatawo. Akong isaad nga alagaron ko ikaw uban sa bug-os kong kinabuhi. Pun-a ako sa imong Balaang Espiritu ug himoa akong takus nga ulipon ni Cristo. Kini mao ang akong pangamuyo ug pag-ampo, sa labing bililhong Ngalan ni Jesus. Amen.”*

## PAHALIPAY

Akong pahalipay kanimo, igsoon kong lalaki ug babaye tungod sa paghimo mo sa maalamong paghukom sa imong kinabuhi sa pagdawat kang Jesu-Cristo ingon nga imong Ginoo ug Manluluwas. Padayon sa pag-alagad Kaniya pinaagi sa adlaw-adlaw nga mga pag-ampo, ug pinaagi sa pagbasa sa Biblia. Pagpabautismo sa tubig sa Ngalan ni Ginoong Jesu-Cristo, ug pangita ug simbahan nga imong kaadtoan, usa ka simbahan nga nagtudlo sa Mensahe sa Katapusang Panahon. Pag-alagad sa Ginoo nga mapadayonon hangtud nga mobalik Siya ug kohaon ta niya sa puloy-anan diha sa pagsakgaw.

## ANG KAMAHINUNG DANON SA BAUTISMO SA TUBIG SA NGALAN NI JESUS CRISTO

**“Ang motoo ug mag-pabautismo maluwas; apan ang dili motoo pagahukman sa silot.”**

(~Marcos 16:16)



Daghang katawhan nga nagpabilin pang wala masayud sa tinuod nga kahulogan sa pulong “bautismo”. Ang pulong “bautismo” nagkahulogan nga “ilubong” ang usa ka tawo sa ilalum sa tubig ingon nga ilhanan sa iyang pag-ambit sa kamatayon, paglubong ug pagkabanhaw ni Jesu-Cristo sumala sa Mga Taga Roma 6:3-4, “Wala ba kamo mahibalo nga kitang tanan nga nabautismohan ngadto kang Cristo Jesus gibautismohan man ngadto sa iyang kamatayon? Busa pinaagi sa bautismo gilubong kita uban kaniya ngadto sa kamatayon, aron maingon nga si Cristo gibanhaw gikan sa mga patay pinaagi sa himaya sa Amahan, kita usab managgawi diha sa kabag-o sa kinabuhi.”

Ang “bautismo” maoy usa ka lakang paingon sa pagkamasinugtanon ug mao kanay pagpahibalo sa imong pagtoo kang Jesu-Cristo ngadto sa katawhan nga nag-asoy sa imong matinud-anon nga panumpa sa pagpangalagad Kaniya. Ang buhat sa paglubong sa usa ka tawo sa ilalum sa tubig maoy ilhanan nga siya miapil sa kamatayon ni Jesu-Cristo, samtang ang buhat sa paggula gikan sa tubig usa ka ilhanan nga siya nahimo nang bag-ong binuhat kang Cristo.

Ang Cristohanong Bautismo maoy buhat sa pagpakita sa imong kaugalingon diha sa publiko nga ikaw karon nahimo nang alagad ug usa ka magtotoo kang Cristo, ug moingon nga “Akong gipahibalo sa tibuok kalibutan nga ako usa na ka Cristohanong magtotoo karon, ug nga ang akong mga sala gihinloan na pinaagi sa dugo ni Jesus, ug magsugod ako sa pagpuyo sa usa ka balaan nga kinabuhi diha sa pagpangalagad sa Dios.”

### ANG HUSTONG NGALAN NGA IBAUTISMO

Nabautismohan ka ba kaniadto diha sa mga TITULO sa Amahan, Anak ug Espiritu Santo? O kaha gikabautismohan ka diha sa NGALAN ni Jesu-Cristo? Tingalig mangutana ka, “Aduna bay kalainan tali niining duha ka mga bautismo? Oo. Anaay usa ka dakung kalainan tali sa duha. Tugoti ako sa pagpahayag kanimo sa kalainan sa tumang katin-aw kon mahimo.

Nahisulat kini diha sa Mga Buhat 4:12 nga, “Kay wala nay kaluwasan kang bisan kinsa pa nga lain: kay wala nay laing NGALAN sa silong sa langit nga gikahatag sa mga tawo, nga niini mangaluwas kita,” gawas sa NGALAN ni Jesu-Cristo.

Sa dihang gisugo ni Jesus kining mga pulonga sa Iyang mga apostoles diha sa Mateo 28:19~“Busa panglakaw kamo, ug himoa ninyong mga tinun-an ang tanang kanasuran, sa pagpamautismo kanila sa ngalan sa Amahan, ug sa Anak, ug sa Espiritu Santo”, nagkinahanglan kinig langitnong pinadayag gikan sa Dios ngadto kanila aron ipakita kung unsa kanang NGALAN nga gihisgotan ni Jesus.

Ang pinakaunang buhat sa mga apostoles diha sa ofisyal nga bautismo alang sa tanang tinuod nga mga Cristohanon diha sa Biblia gibuhat sumala sa pagtudlo ni Apostol Pedro ni kinsa gitugyanan ni Jesus sa mga yawe sa Ginharian. Kini nahisulat sa Mga Buhat 2:38 “Ug si Pedro mitubag kanila, Maghinulsol, ug magpabautismo ang matag usa kaninyo sa NGALAN ni JESU-CRISTO alang sa kapasayloan sa mga sala, ug inyong madawat

ang gasa nga *Espiritu Santo*.”

Si Pedro ug ang uban pang mga apostoles nakasabot pag-ayo sa pulong “Amahan”, “Anak” ug “Espiritu Santo” nga sila mga Titulo lamang nga nagtumbok sa Usa ka Dios, ug dili sila mga NGALAN. Ang tinuod ug tibuok nga NGALAN sa DIOS mao si GINOONG (naghisgot sa Pagka-Amahan), JESUS (nahisgot sa Pagka-Anak), ug CRISTO (naghisgot sa Espiritu Santo), nga mao ang tulo ka pagpadayag sa Dios.

TITLE	FATHER	SON	HOLY GHOST
NAME	LORD	JESUS	CHRIST

#### ANG ORIGINAL NGA BAUTISMO SA MGA APOSTOLES

Ang usa ka tinuod nga Cristohanon diha sa Bag-ong Tugon ang tanan gikabautismohan sa NGALAN ni GINOONG JESU-CRISTO. DILI gayud nato makita sa tanan mga panid sa Biblia nga adunay gibautismohan nga gigamit ang mga TITULO sa Amahan, Anak ug Espiritu Santo. Tabangi pagpangita ang imong kagugalingon ug DILI ka gayud makakitag usa. Ang tanan mga Cristohanon diha sa Biblia, bisan kong Judio ug Gentil ug mga Samaritanhon silang tanan gikabautismohan sa Ngalan ni Jesu-Cristo tungod kay mao kanay hustong bautismo nga sumala sa Biblia. Kini maoy tinuod nga pinadayag nga dugay nang gipadayag niining katapusang mga adlaw sa dihang gibangon kita pagbalik sa tinuod nga pagpanudlo sa Apotolikanhong mga Amahan (Malaquias 4).

Ang lagda sa bautismo ginamit ang mga TITULO sa Amahan, Anak ug Espiritu Santo usa ka kredo sa Simbahang Romano Catoliko nagsugod sa 325 AD human ni San Constantino tukora ang Cristianismo ngadto sa usa ka mini nga relihiyon nga naglangkub sa mga Romano, mga Griego,

mga Pagano ug sa nanagpanibog nga mga Cristohanon ngadto sa hiniusang simbahan. Kadaghanan sa mga Protestanteng kasimbahanan karon wala sila magpaila nga misundog sa ilang bautismo sa Roma nga wala una magsusig halalum sa kasaysayan sa Cristianismo.

Ang matag usa sa mga tinu-an ni Jesus gikan kang Pedro hangtud kang Juan, kang Pablo ug kang Felipe, silang tanan namautismo sa NGALAN ni JESU-CRISTO. Sila nanagpakasabot pag-ayo sa pinadayag gikan sa Dios kung unsa ang tinuod nga NGALAN sa luyo nianang mga TITULO.

#### KASULATANONG BARUGANAN SA BIBLIA

Ang mosunod nga panghitabo bahin sa bautismo sa tubig sa Ngalan ni Jesu-Cristo gipaluyohan sa mga mosunod nga mga kasulatan:

**A. Mga Buhat 19:1-5:** Gibautismohan pag-usab ni Apostol **Pablo** ang panon ni **Apolos** sa Ngalan ni Jesu-Cristo:

“Ug samtang didto si Apolos sa Corinto, si Pablo, tapus niya malatas ang ang mga kayutaan sa ibabaw, nahiabot sa Efeso diin iyang gikahibalag ang pipila ka mga tinun-an. Ug siya miingon kanila, “Nakadawat ba kamo sa Espiritu Santo sa diha nga mitoo kamo?”

Ug sila miingon kaniya, “Wala. Wala man gani kami makadungog nga aduna diay Espiritu Santo.”

Ug siya nangutana kanila, “Ngadto ba diay sa unsa ang pagbautismo kaninyo?” Sila mitubag kaniya, Ngadto sa bautismo ni Juan.”

Ug si Pablo miingon, “Si Juan nagbautismo sa bautismo sa paghinulsol nga nag-agda sa katawhan sa pagsalig niadtong moabot sa ulahi kaniya, sa ato pa, kang Jesus.”

Ug sa ilang pagkadungog niini sila gipangbautismohan sa ngalan sa Ginoong Jesus.”

**B. Mga Buhat 8:14-16** Si Apostol **Pedro** nagbautismo sa mga taga **SAMARIA** sa Ngalan ni Jesu-Cristo—

*“Ug unya sa pagkadungog sa mga apostoles didto sa Jerusalem nga ang Samaria midawat sa Pulong sa Dios, ilang gipaadtoan sila ni Pedro ug ni Juan, nga sa ila nang paghiabut, nanag-ampo alang kanila nga unta managpakadawat sila sa Espiritu Santo; (Kay wala pa man kanilay hingkunsaran niini, ug sila igo man lamang nabautismohan sa ngalan sa Ginoong Jesus.)”*

**C. Mga Buhat 10: 45-48** Si Apostol **Pedro** nagbautismo sa mga **GINTEL** didto sa balay ni Cornelio sa Ngalan ni Jesu-Cristo-

*“Ug ang mga magtotoong may sirkunsisyon nga nanguban kang Pedro nahingangha nga ang gasa nga Espiritu Santo gibubo man usab diay sa mga Gentil. Kay sila nakabati man sa mga Gentil nga nanaglitok sa laing pinulongan ug nanag-ambahan sa Dios. Unya si Pedro miingon, Aduna bay makasalanta sa tubig aron dili kabautismohan sila nga nanagpakadawat sa Espiritu Santo sama kanato?”* Ug iyang gisugo sila sa pagpabautismo sa Ngalan ni Ginoong Jesu-Cristo.

**D. Mga Buhat 2:38** Gibautismohan ni Apostol **Pedro** ang mga **JUDIO** sa Ngalan ni Jesu-Cristo-

*“Ug unya si Pedro miingon kanila, Paghinulsol, ug pabautismo ang matag usa kaninyo sa ngalan ni Jesu-Cristo tungod sa kapasayloan sa inyong mga sala, ug madawat ninyo ang gasa nga Espiritu Santo.”*

### NGALAN O MGA TITULO?

Usa ka katoohan kaayong pananglitan sa bautismo sa tubig sa Ngalan ni Jesu-Cristo sama ra nga kung ikaw magpailis sa usa ka tseke diha sa banko. Kinahanglan nga isulat mo ang kaugalingon mong **NGALAN** niini aron kini mailisan. Tingalig

usa ka anak o usa ka amahan, usa ka bana o usa ka lolo, apan ang banko dili gayud motahud sa imong mga titulo kung gisulat kini diha sa tseke. Kinahanglan nga isulat mo ang tinuod mong ngalan diha niana una kini dawaton sa banko ug toohan kini. Mao ra usab nga paagi sa pag-adto sa langit. Kinahanglan nga makasiguro ka kung kinsang ngalan ikaw nabautismohan, tungod kay adunay usa ra ka ngalan nga gihatag sa kalibutan nga niini maluwas kita.

*“Si Jesus miingon kaniya, Ako mao ang DALAN, ang kamatuoran, ug ang kinabuhi: walay si bisan kinsa nga makaadto sa Amahan, kondili pinaagi kanako”* (Juan 14:6).

*“Kini nga mga ilhanan makita diha sa mga tawo nga nagatuo kanako: pinaagi sa akong NGALAN magaabog sila ug daotan nga mga espiritu; magasulti sila sa uban nga mga pinulongan nga wala nila matun-i; kon makakupot sila ug mga bitin o kaha makainom sa bisan unsa nga hilo dili sila maunsa; ug kon ipandong nila ang ilang mga kamot sa mga masakiton, mangaayo kini”* (Marcos 16:17-18).

Kong wala ka pa hibautismohi sa **NGALAN** ni **JESU-CRISTO**, ang imong mga sala wala pa gayud mapapas ug mapasaylo. Kinahanglan nga kabautismohan ka sa Ngalan ni Jesu-Cristo tungod sa “Kapasayloan sa mga sala”. Ang tanan mga banay sa langit lunsay ng gikabautismohan niana nga ngalan, sumala sa mga taga Efeso 3:14-15. Ang Pangasaw-onon ni Jesu-Cristo midawat sa ngalan sa iyang Pamanhonon, tungod kay siya pagatawgon nga “**MRS. JESU-CRISTO**”.

### USA KA PAGDAPIT

Kong wala ka pa sukad hibautismohi sa hustong bautismo sa Ngalan ni Ginoong Jesu-Cristo, anaa pay panahon

sa gihapon nga tul-iron ang imong sayup. Panahon na kini nga ikaw hibautismohan sa Ngalan ni Jesu-Cristo aron ka makasiguro sa pag-adto sa langit. Dili ka kapildihan sa bisan unsang butang kondili makaangkon kag dugang kasigurohan sa imong pagtoo pinaagi sa hustong bautismo. Pangitag usa ka simbahan nga nagbautismo sa Ngalan ni Jesu-Cristo ug ingna ang ministro diha sa pagbautismo kanimo pinaagi sa pagtuslob. Ug unya makasiguro ka nga madawat mo ang saad nga bautismo sa Espiritu Santo tapus niana. Kay ang saad alang kanimo, ug sa imong mga kabataan, ug kanila nga atua sa halayo, bisan kanila nga pagatawgon sa Ginoo nga atong Dios (Mga Buhat 2:39). Ang Dios magapanalangin kanimo.

### MAKASAYSAYANONG MGA BUHAT UG MGA TIMAAN

**BRITANNICA ENCYCLOPEDIA** nagaingon, “*Bisan asa sa karaang mga tinubdan, kini nagpahayag nga ang bautismo gibuhat pinaagi sa Ngalan ni Jesu-Cristo.*” (11th Edition/ Vol.3/p.82)

**CANNY ENCYCLOPEDIA OF RELIGION** nag-ingon, “*Ang Nag-una nga Iglesia kanunayng magbautismo sa Ngalan ni Ginoong Jesus hangtud sa pagkamugna sa Doctrina sa Tinidad sa ika-3 nga Siglo.*” (Pp.53).

**HASTINGS ENCYCLOPEDIA OF RELIGION** nag-ingon, “*Ang Cristohanong Bautismo ginabuhat ginamit ang pulong “Sa Ngalan ni Jesus”. Ang paggamit sa Trinidad nga paagi bisan asa wala gayud isugyot sa sayong kasaysayan sa iglesia. Ang bautismo kanunay diha gayud sa Ngalan ni Ginoong Jesus hangtud sa panahon ni Justin Martyr sa dihang ang tulo ka pormula gigamit na.*” (Volume 2/Pp.377-378.)

## TINOUD BA GAYUD NGA NAKAILA KA SA DIOS NGA IMONG GIALAGAD?

**A**ng Dios, sa tibuok Daang Tugon walay usa ka lawas, apan nagpakita sa katawhan sa nagkalainlaing panagway, sama sa Nagdilaab nga Kahoy diha kang Moises, ang Panganud kung adlaw, ug ang Haligi nga Kalayo sa gabii, ngadto sa mga anak sa Israel.

Bisan kung magpadala Siya sa Iyang mga manolunda ngadto sa daghan diin mipakita ingon nga tawo, apan walay usa nga nakakita sa Dios diha sa unodnon nga kahintang hangtud nga si Jesu-Cristo natawo.



**Juan 1:18** nag-ingon, “*Wala pa gayuy tawo nga nakakita sa Dios sa tanan panahon; ang bugtong anak lamang, nga anaa sa sabakan sa Amahan, Siya maoy nagpaila Kaniya.*”

### ANG DIOS ESPIRITU

Ang Kasulatan nag-ingon nga, ang “*Dios Espiritu; ug sila nga nagsimba Kaniya, magsimba Kaniya diha sa Espiritu ug sa Kamatuoran*” (**Juan 4:24**). Diha sa **Isaias 43** ug sa **45** atong

mabasa nga ang Dios Amahan nag-ingon nga Siya lamang ang Dios... *“Ug [wala na] wala nay laing Dios gawas kanako; usa ka matarung nga Dios ug manluluwas; [wala] wala gawas Kanako” (Isa.45:21).* *“Una Kanako walay Dios nga nahimo, ni aduna pay mosunod Kanako. Ako, [bisan] Ako, [ako] ang GINOO; ug gawas kanako [wala nay] Wala nay Manluluwas” (Isa.43:10-11).*

Niining kasulatana atong makita sa tataw nga adunay usa lamang ka Dios, (dili kon duha o tulo sama sa gituohan sa uban) tungod kay diha sa Iyang Nahaunang Sugo, si Elohim (ang naglungtad nga Nag-inusara) matitud-anon nga nag-ingon nga *“Dili ka MAGBATON ug laing mga dios sa atubangan Ko...” (Exo.20:3).*

## MGA HUNAHUNA NGA NADAYAG DIHA SA “PULONG”

Ug unya ang Dios, misugod sa pagpadayag sa Iyang kaugalingon gikan sa eternidad, pinaagi sa Iyang gilitok nga Pulong. Ang panahon nagsugod sa dihang misugod ang Dios pagsulti. Kining dakung Tuboran sa Espiritu ni kinsa walay sinugdan o walay katapusan, misugod sa pagpadayag sa Iyang mga kinaiya pinaagi sa Gilitok na Pulong. Gikan sa pagkaanaa sa Amahan migawas ang **“Logos”**, nga mao ang Pulong, nga mao ang **“Theophany”**. Mao kadto ang makita nga lawas sa gamhanang Jehova nga Dios nga nagpadulong sa sinugdan. Kini gitawag nga **“Logos”**, nga diha sa original nga Griego, nagkahulogan nga *“usa ka butang gilitok; nga gilangkuban sa mga hunahuna sa Namulong”*.

Kadtong Logos mao ang “nadayag nga dagway” sa Dios. Kadto mao ang Dios Mismo nga nahimong Pulong. Kadtong **Logos** nga miguwa gikan sa gamhanang walay katapusang Espiritu nga gihinganlan nga **“Anak”** sa Dios. Mao lamang kana ang bugtong makita nga dagway nga anaa sa Espiritu. Ug

mao Kadto ang **“Theophany”**, nga nagkahulogan lawas nga langitnon, ug kadtong lawasa sama sa usa ka **“tawo”**.

Ang panahon, dihadia, nagsugod nga kadtong **“Logos”** miguwa gikan sa Dios, nga kalig-onan sa mosunod nga kasulatan. Juan 1:1-3, *“Sa sinugdan mao na ang Pulong ug ang Pulong kauban sa Dios, ug Dios ang Pulong. Kini siya sa sinugdan uban sa Dios. Ang tanang mga butang nangahimo pinaagi Kaniya; ug niadtong mga nangahimo na, walay bisan usa nga nahimo nga dili pinaagi kaniya”...Ug ang Pulong nahimong unod ug mipuyo ipon kanato.” (Juan 1:1-3,14).*

## ANG DIOS NADAYAG SA LAWAS

Ug sa ingon, gituman sa Dios ang Iyang laraw sa kaluwasan, ang katumanan nga nahisulat diha sa **1 Timoteo 3:16** nga nag-ingon: *“Ug dili malalis, nga daku ang tinago sa atong Pagkadiosnon, ang Dios nadayag diha sa lawas.”*

Kanus-a ba ang Dios madayag sa lawas? Niadtong si Jesu-Cristo natawo pinaagi sa usa ka babaye; nga wala mag-agi sa lawasnong buhat kondili ang Dios Mismo maoy nagbuhat ug hemoglobin ug celyula sa itlog diha sa tagoangkan ni Maria, ang Dios Mismo mikuha sa dagway sa usa ka tawo.

**Si Jesu-Cristo mao ang UNOD sa Dios**, walay lain kondili ang Dios Mismo naglalang ug usa ka LAWAS sa Iyang kaugalingon. **Kadtong unodnon nga LAWAS gitawag nga “ANAK”, samtang ang ESPIRITU nga nagpuyo niadtong lawasa mao ang “AMAHAN”**. Dili kay duha ka Dios karon, kondili ang Dios nagtakuban sa Iyang kaugalingon diha sa UNOD. Maoy hinungdan nga si Jesus nag-ingon *“Ako ug ang Akong Amahan usa ra.” (Juan 10:30).*

Si Filipe, nga apostol, usa ka higayon miingon kang Jesus (**Juan 14:8-9**), *“Ginoo, ipakita kanamo ang Amahan, ug igo na*

kana kanamo.” Ug si Jesus mitubag, “Kadugay nang pakig-uban Ko kaninyo ug unya wala pa kamo makaila Kanako, Filipe? Ang NAKAKITA KANAKO nakakita sa Amahan.”



Ang ngalang “Jesus” nagkahulogan si Jehova mao ang atong “Manluluwas”. Si Jesus gitawag usab nga “**Emmanuel**”, nga ang kahulogan, ang “Dios UBAN kanato”, Ang Dios nagpuyo uban sa mga tawo.

Sa pagpakahukom sa Amahan nga manaug ingon nga atong Manluluwas, nagsul-ob Siya ug bisti sa unod ug nagpugas sa Iyang kaugalingon, usa ka binhi, sa sulod sa tagoangkan ni Maria. Kining binhi-a mohatag ug unod ug dugo sa Lawas nga Iyang pagapuy-an ingon nga Anak, si Jesu-Cristo.

Si Jesus mao ang Dios nga nahimong tawo, sa pagtubos sa tawo balik sa Iyang kaugalingon. Ang Dios dili mamatay diha sa Espiritu tungod kay Siya walay katapusan. Apan Siya kinahanglan nga mosul-ob ug usa ka MASKARA ug MOBUHAT sa bahin sa kamatayon. Siya namatay, apan dili

Niya kini mabuhat diha sa Iyang Diosnong kahimtang. Mabuhat Niya kini diha sa dagway sa Anak, ingon nga Anak sa Tawo dinhi sa kalibutan.

### SI JESUS, MAO ANG DAGWAY SA DIOS NGA DILI MAKITA

Si Apostol Pablo nag-ingon niini bahin kang Jesus diha sa Colosas 2:9-10~ “*Kay diha Kaniya nagpuyo ang bug-os KINATIBUK-AN sa PAGKADIOS sa LAWAS, ug kamo nangahingpit diha Kaniya, nga mao ang Ulo sa tanan pamunoan ug kagamhanan*”... “*Kay diha Kaniya kita may KATUBSANAN pinaagi sa Iyang DUGO, bisan sa kapasayloan sa mga sala: Nga mao ang DAGWAY sa DILI MAKITA NGA DIOS... Ug Siya mao na sa wala pa ang tanan mga butang, ug pinaagi Kaniya ang tanang mga butang nanaglungtad*” (Colosas 1: 14-15,17).

Busa, si Jesus, mao ang MAKITA NGA DAGWAY sa dili makita nga Dios, ang Dios naglalang ug LAWAS NGA UNOD sa Iyang kaugalingon. Ug ang tawo dili gayud makakita sa Dios gawas kong pinaagi kang Jesu-Cristo, nga mao ang UNOD sa Dios.

### TULO KA DISPENSASYON SA USA KA DIOS

“Ang DIOS sa IBABAW Kanato”- mao kana nga ang Dios nailhan sa Daang Tugon, diha sa dispensasyon sa pagka-Amahan. Ang Dios nagpuyo didto sa kalangitan, diin walay usa nga makahikap Kaniya.

Sa paghiabot na sa panahon sa pagka-Anak, ang dispensasyon miabot, nga nagtuman sa profesiya ni **Isaias 9:6** nga nag-ingon, “*Alang kanato usa ka bata matawo, alang kanato usa ka ANAK gihatag: ang kagamhanan igatungtong sa Iyang abaga; ug ang Iyang Ngalan pagatawgon Kahibulogan, Magtatambag, Dios nga Makagagahum, ug AMAHAN nga walay*

katapusan, Principe sa Pakigdait”, kining tanan gipahinungod sa UNOD sa Dios- si JESUS, ingon nga Dios Mismo nahimong Emmanuel, nga kon hubaron “ang Dios UBAN kanato”- ang Dios Kinsa karon mahikap na pinaagi sa pagbati sa atong mga kaluyahon.

Kini usab mao ang Dios nga nagtuman sa **Isaias 53:5**, “Apan Siya (ang Dios) GISAMARAN alang sa atong mga kalapasan, Siya napangus tungod sa atong mga kasal-anan: ang silot sa atong pakigdait anaa sa ibbaw Niya: ug tungod sa Iyang mga labod kita nangaayo”- ang tanan nangatuman ug nangahingpit didto sa Krus sa Calbaryo.

Niining katapusang mga adlaw, human sa pagkabanhaw ni Jesus ug gibayaw, nagpadala ang Dios kanato pagbalik sa Iyang Espiritu Santo, ang Maglilipay, aron mopuyo sa matag magtotoo. Tungod niini, kita karon nagpuyo na sa Dispensasyon sa Espiritu Santo.

Matud sa **1 Cor. 6:19-20** naga-ingon, “Unsa? Wala ba kamo masayud nga ang inyong lawas **TEMPLO** sa Espiritu Santo nga anaa sa **SULOD NINYO**, nga kamo iya sa Dios, ug kamo dili sa inyong kaugalingon? Tungod kay gipalit na kamo sa usa ka bili: busa himayaa ang **DIOS DIHA SA INYONG LAWAS**, ug sa inyong espiritu nga iya sa Dios.”

**ANG ESPIRITU NI JESUS DIHA SA IGLESIA**

Si JESUS mao sa gihapon ang Epiritu Santo; ingon nga Iyang gipamatud-an sa **Juan 14:18**, nga nag-ingon, “Dili ko kamo biyaan nga daw mga ilo, “Ako” (Personal nga Puli-sa ngalan) **MOBALIK RA KANINYO**.” “Ako maga-uban kaninyo, bisan maanha sa **SULOD NINYO** hangtud sa katapusan sa kalibutan.”

Sa Mga Taga **Galacia 4:6** nag-ingon kini, usab, “Ug tungod kay mga anak man kamo, ang Dios mipadala sa **ESPIRITU** sa Iyang **ANAK** sa inyong mga kasingkasing, nga magatuaw Abba,

Amahan.”

Ang kang Jesus kaugalingong Espiritu mao na karon ang “Dios sa **SULOD Nato**”, ang “Paglaum sa Himaya” (Mga taga Colosas 1:27).



Kini ang MAO RA NGA DIOS sa tanang panahon, nga wala mag-usab sa Iyang gahum, igo lamang mag-usab sa Iyang panagway gikan sa pagkalangitnon ngadto sa pagka-yutanon, ug unya mibalik na usab sa Gamhanang Espiritu, human mamatuman ang Iyang dakung sugilanon sa pagtubos.

Siya ang “DIOS SA IBABAW KANATO” sa dispensasyon sa Iyang Pagka-Amahan; ang “DIOS UBAN KANATO” sa dispensasyon sa Iyang Pagka-Anak; ug karon ang “DIOS SA SULOD NATO” sa dispensasyon sa Espiritu Santo.



Si Jesus miingon, “AKO MAO ANG ALFA UG ANG OMEGA, ang Sinugdan ug ang Katapusan, nagaingon ang Ginoo, nga mao KARON, ug KANIADTO, ug sa UMAABOT, ANG MAKAGAGAHUM” (Pinadayag 1:8) Dili kay tulo ka personas diha sa Usa ka Dios kondili USA KA DIOS diha sa tulo ka dispensasyon.

### SI JESUS DIOS UG TAWO NGA MATUOD

Si Jesus, nakigsulti ngadto sa mga Judio usa niana ka adlaw, ug miingon, “Ang inyong amahan nga si Abraham nalipay sa pagkakita sa akong adlaw: ug siya nagmaya.” Unya mitubag ang mga Judio Kaniya, ‘wala ka pa gani magkalim-an ang imong panuigon ug unya nakakita ka Abraham?’ Si Jesus miingon ngadto kanila, “sa pagkatinuod, sa pagkatinuod, Ako magaingon kaninyo, sa wala pa si Abraham MAO, na AKO” (Juan 8:56-58).

Kinsa ba ang gamhanang “MAO AKO”? Hinumdumi ang nagdilaab nga kalayo sa kahoyng talongon nga nakigsulti kang Moises didto sa bukid nga balaan? Mao kadto si “MAO AKO”, mao ra usab si Jesus misulti ngadto sa mga Judio. Wala nila makita nga si Jesus mao ang ilang kaugalingon nga Dios nga NAGTAKUBAN DIHA SA UNOD.

“Ang mga Judio mitubag kaniya nga nagaingon,” Batohon ikaw namo dili tungod sa imong pagbuhay ug mayo, tungod sa pagpasipala batok sa Dios, kay Ikaw nagpaka-Dios nga tawo ka ra man unta.” Sila nangapakyas sa pagpakita nga Siya mao si Emmanuel – DIOS ug TAWO nga matuod. Si Jesus usab mao ang PULONG nga nahimong TAWO ug mipuyo ipon kanato (Juan 1:1,14).

Si Jesus tinuod nga usa ka tawo nga mihilak sa lubnganan ni Lazarus. Apan sa Iyang pagsinggit, “Lazarus, gomula ka!”, ug

ang patay nga tawo, upat na adlaw ug mabaho na, mibangon ug nabuhi pag-usab- kadto labaw pa kay sa TAWO! Kinsa bay makabanhaw sa patay kondili ang Dios lamang.

Usa Siya ka tawo nga gigutom usa niana ka gabii samtang nagtan-aw sa usa ka kahoy aron makakuha ug makaon. Apan sa Iyang pagkuha sa lima ka tinapay ug duha ka isda ug gipakaon ang lima ka libo- kadto labaw pa kay sa usa ka tawo. Mao kadto ang magbubuhay, si JEHOVA!

Siya usa ka tawo nga mihigda didto sa Bangka niadtong gabhiona, gikapoy ug nahikatulog, samtang ang mga balud nagsingabot. Apan sa dihang mibangon siya ug gibadlong ang hangin ug mga balud ug miingon, “Molinaw ka”. Kadto labaw kay sa tawo. Dios kadto Kinsa makahimo pagsugo sa kinaiyahan.

<b>GOD MANIFESTED IN THREE ATTRIBUTES</b>			
<b>OFFICE/TITLE</b>	<b>FATHER</b>	<b>SON</b>	<b>HOLY GHOST</b>
<b>DIMENSION</b>	God ABOVE us	God WITH us	God IN us
<b>DISPENSATION</b>	Old Testament	New Testament	Seven Church Ages
<b>NAME</b>	<b>LORD</b>	<b>JESUS</b>	<b>CHRIST</b>
<b>PURPOSE</b>	<b>CREATION</b>	<b>REDEMPTION</b>	<b>REGENERATION</b>

Usa ka tawo nga nangayo sa kalooy didto sa krus, “Dios ko, Dios ko, nganong gibiyahan Mo man Ako?” Apan sa buntag sa Pagkabanhaw, sa dihang Iyang giablihan ang mga timri sa kamatayon, inferno ug lubnganan, ug nabanhaw pag-usab ug miingon, “AKO MAO SIYA nga namatay, apan tan-awa, AKO BUHI HANGTUD SA KAHANGTURAN!” Kinsa ba kadto? Mao kadto ang mao sa gihapon nga Dios Kinsa miingon usab, “Ako anaay kagahum sa pagtugyan sa akong kinabuhi, ug banhawon kini pagbalik” (Juan 10:18).

## SI JESUS, MIBALIK SA “PAGKAHALIGI NGA KALAYO”

Atong hinumduman nga human sa kamatayon ni Jesus, gilubong ug nabanhaw, si Jesus misaka sa langit. Ug samtang si SAUL sa Tarsus didto sa iyang dalan sa Damascus aron sa pagpanglutos sa mga Cristohanon (Basahon sa Mga Buhat 9:1-5), usa ka DAKUNG KAHAYAG, usa ka HALIGI nga KALAYO ang mibangga kaniya, ug nangutana siya, “Kinsa ka ba GINOO?” Si SAUL nakaila nga Kadto mao ra nga Haligi nga KALAYO ang mipakita kang Moises, apan kadtong Haligi nga KALAYO mitubag kaniya, nga nagaingon, “AKO MAO SI JESUS, nga imong ginalutos.”

Tan-awa, Siya MITALIKUD, husto kaayo nga mibalik sa MAO RA NGA DAGWAY sa wala pa Siya magsul-ob sa usa ka tabernaculo nga UNOD- ang Haligi nga KALAYO nga misugat kang Moises sa kamingawan.

Hinumdumi, Kadto MAO ra nga Haligi nga Kalayo nga miabot kang PEDRO niadtong gabhiona ug gibuhian siya gikan sa celda sa bilangoan (Basaha sa **Mga Buhat 12:5-7**).

Kadtong MAO RA nga Haligi nga Kalayo (Mga Dila nga Kalayo) mipakita sa Adlaw sa PENTECOSTES ug mipatong sa matag usa niadtong atua sa taas nga lawak, nga nagbahin-bahin sa Iyang kaugalingon, miapodapod sa Iyang Espiritu sa Iyang iglesia (Mga Buhat 2).

Si Pedro namahayag diha sa **Mga Buhat 2:36**, “Kinahanglan hibaloan sa banay sa Israel nga ang Dios naghimo sa MAO RA nga JESUS, nga inyong gilansang sa krus, GIHIMO NGA GINOO UG CRISTO”.

Anaa ra Siya- GINOO (Pagka-Amahan), JESUS (Pagka-anak), CRISTO (GIDIHOGAN Espiritu Santo). Si GINOONG JESU-CRISTO, ang hingpit nga pagpadayag sa USA KA

## MATUOD NGA DIOS.

Sa katapusan, pamalandunga kini: Kinsa ba ang AMAHAN ni Jesus? Sa **Mateo 1:18** nag-ingon, “Siya (si Maria) hingkaplagan nga nanamkon ug usa ka bata sa ESPIRITU SANTO.” Apan si Jesus Mismo miangkon nga ang DIOS mao ang Iyang AMAHAN. Busa, ang Dios nga Amahan ug ang Dios Espiritu Santo naghimo sa Amahan ug sa Espiritu nga USA, O TINGALIG SI JESUS MA-DUHAY AMAHAN. Apan himatikdi usab nga si Jesus miingon nga “AKO ug ang Akong AMAHAN USA RA”, DILI DUHA. Kana naghimo nga USA KA DIOS, DILI TULO.

Ang tibuok Biblia wala magsultig usa ka butang mahitungod sa Una o Ikaduha o Ikatulo ka Persona sa USA KA DIOS. Ang misteryo makita diha sa **1 Timoteo 3:16**: “Ug dili malalis, nga daku ang MISTERYO sa Pagkadiosnon, ang Dios nadayag sa LAWAS, gimatarung sa Espiritu, nakita sa mga manolunda, giwali sa mga Kanasuran; gitooan sa kalibutan, mikayab ngadto sa himaya”.

Ang USA KA MATUOD NGA DIOS, nadayag diha sa LAWAS. Ingon niana ka YANO niini. ANG DIOS MIANHI DIHA SA TAWHONONG KAHIMTANG. Wala kana maghimo Kaniya nga laing Dios. Siya mao ang Dios, ANG MAO RA NGA DIOS.

Kon dili ka makadat niini nga KAMATUORAN sa Pagka-Dios, apan lantugia kini, Si Jesus miingon nga nagpabalina pa kamo sa inyong mga SALA; apan Siya miingon sa **Juan 8:24**, “Kon kamo DILI motoo nga AKO MAO SIYA ang (Dios), mangamatay kamo sa inyong mga sala”. “Siya nga dili motoo sa ANAK dili makakita sa kinabuhi; hinonoa ang kapungot sa Dios magpabilin diha kaniya” (Juan 3:36).

## MANSANAS BA ANG HINUNGDAN SA PAGKAHULOG SA TAWO?

**S**a daghang mga katuigan gikatudloan kita ug mitoo nga si Adan ug si Eva, ang atong unang mga ginikanan didto sa tanaman sa Eden, mikaon sa mansanas gikan sa kahoy sa taliwala sa tanaman, ug pinaagi sa buhat sa pagkamasinupakon ang tibuok kalibutan naangin sa kasal-anan.



Una sa tanan, dili gayud nato hikaplagn ang pulong “mansanas” diha sa Libro sa Genesis nga may kalabotan sa bunga nga gikaon ni Eva.

Ang ikaduha, kini usa lamang ka hamabawng katarungan alang sa Dios ang pag-silot sa Iyang kaugalingong mga anak uban sa kamatayon tungod lamang sa pagkaon sa mansanas. Kinahanglan nga ilakip sa Dios ang “dili pagkaon sa mansanas” diha sa Napulo ka Sugo.

Ang ika-tulo, kong ang tinuod nga hinungdan nganong nahulog ang tawo sa pagkaon ug mansanas, si Adan ug si Eva kinahanglan gayud unta nga tabonan nila ang baba sa mga dahon sa igira kay mao man kadtoy hinungdan sa pagpakasala. Apan nganong mao man hinuoy ilang gitabonan ang mga kinatawo?

Ang ika-upat, ngano nga ang silot nga gihatag kang Eva

sa pagkaon sa mansanas mao man ang pag-antus sa subrang kasakit sa pagpanganak inay nga silotan pa siya sa pagpakaon pag daghang mga mansanas? Dili ba nga ang pagsamkon may kadugtongan sa orihinal nga sala?

Ang ika-lima, kong ang sirpinti daan pang nagkamang nga bitin sa sinugdanan, nganong gitunglo man sa Dios pinaagi sa paghimo niini sa pagkamang pag-usab? Dili ba nga ang sirpinti nagtindog man nga linalang sa wala pa tungloha? Ang Biblia nag-ingon nga siya nakigsulti ug nangatarungan kang Eva.

Ang ika-unom, ngano man nga ang Dios nagkinahanglan mag dugo ingon nga suhol o bayad sa sala? Ang dugo ba may kabahin sa pagpakasala? Diha bay panagkasagol sa dugo sama sa tawo ug sa mananap?

Ang ika-pito, nganong gikinahanglan man sa tawo nga “iganaak pag-usab” aron makasulod sa Gingharian sa langit? Nagpasabot ba kini nga ang atong unang pagkatawo nasayup o sayup?

### ANG BINHI SA SIRPINTI

Ania dinhi diin kita makadawat sa tinuod nga pinadayag sa BINHI SA SIRPINTI, ug ania dinhi kung unsa gayuy nahitabo didto sa Tanaman sa Eden. Ang Pulong nag-ingon nga si Eva gilimbungan sa sirpinti. Siya tataw gayud nga gitintal sa sirpinti. Si Satanas nagpahimulos sa lawasnong mga kinaiya sa sirpinti nga gamiton siya aron paglimbong kang Eva.

Hinumdumi nga mao kadtoy tinguha ni Lucifer ang pagtukod sa iyang kaugalingon ug usa ka dakung gingharian kay sa kang Miguel didto sa langit, sa wala pa siya hinginli ngahi sa yuta. Ug sa gihapon buot pa niyang padayunon ang iyang dautan nga laraw niining kalibutana human niana. Ug ang bugtong paagi ni Satanas aron pagtuman kung unsay iyang gusto mao ang pagsulod sa sirpinti didto sa Eden sama nga misulod siya pinaagi sa dautang mga espiritu didto sa baboy sa

Gadara. Dili siya makabaton ug usa ka anak nga laktud pinaagi kang Eva sama sa gibuhat sa Dios kang Maria, busa misulod siya sa sirpinti ug unya gitintal si Eva. Iyang gitintal siya ug pinaagi kaniya nakabaton si Satanas ug usa ka anak nga ilis- si CAIN, ang binhi sa sirpinti, ni kinsa midalag lunsayng espirituhanong mga kinaiya ni Satanas ug sa mananapon (unodnon, lawasnon) nga kinaiya sa sirpinti, ug mamomuno, usab.

Nag-ingon kini sa **Genesis 3:1**, “*Karon ang sirpinti malalangon labi pa kay sa ngatanan nga mga mananap sa kapatagan nga gibuhat ni Jehova nga Dios*”. Kining mananapa hilabihan ka suod sa tawong linalang (hinuon usa siya ka mananap) nga siya makahimo sa pagpangatarungan ug makasulti. Siya suod kaayo sa tawo. Siya mao rag tawo. Siya magtindog nga binuhat ug sulosama sa usa ka chimpanzee ug usa ka tawo, apan sulosamag tawo. Siya hasuod ingon sa usa ka tawo nga niini ang iyang binhi mahimo, ug ikasagol sa iya sa babaye kang Eva, ang sirpinti anaay kaalam nga nakauna kaniya. Ug kanang usa nga natawo niini mao si CAIN. “*Si Cain iya sa (anak sa, gipanganak sa) “Daotan”, sumala sa I Juan 3:12*. Ug naghimo kaniya sa pagsamkon. Sa wala pa si Adan makahilabot kaniya sa unodnon nga kahibalo.

Hinumdumi kung unsay giingon sa Dios sa SIRPINTI didto sa tanaman Eden. Sa **Genesis 3:15**, “*Ug akong ibutang ang panagkabangi tali kanimo ug sa babaye, ug taliwala sa imong kaliwat ug sa iyang kaliwat, siya magasamad sa imong ulo ug ikaw magasamad sa Iyang tikud*.” Kong atong ihatag ang pagsalig sa Pulong nga ang babaye makabaton ug kaliwat, nan ang sirpinti anaa gayud usab ing KALIWAT. Kong ang KALIWAT sa babaye usa man ka TAWONG-BATA nga pinasahi sa tawo, nan ang KALIWAT sa sirpinti mao ra nga kahimtang, ug kana laing lalaki nga natawo nga pinasahi gikan sa tawong lalaki nga kasangkapan.

## ANG KALIWAT SA BABAYE

Maingon nga ang Kaliwat sa babaye tinuod nga ang Dios mipagula sa Iyang tawhonong lawas, sa ingon nga paagi ang kaliwat sa sirpinti usa ka tinuod nga paagi nga hingkaplagan ni Satanas nga mahimo niya pagbukas sa ganghaan sa iyang kaugalingon ngadto sa tawohonong kaliwat. Dili gayud mahimo alang kang SATANAS ( tungod kay siya usa lamang ka binuhat nga espiritu) aron pagpadaghan sa iyang kaugalingon diha sa kahimtang nga ang babaye Iyang giingnan, Pagadaghanon ko sa hilabihan gayud ang imong mga kasakit ug ang imong mga PAGPANAMKON; ug sa may kasakit ikaw MAGAPANGANAK UG MGA ANAK ug ang imong tinguha mao ang pagpangandoy sa imong bana.” (Gen.3:16).

Kining mangilngig nga buhat maoy nagdala sa pag-abot sa tawohong kaulag sa lawasnong pagpadaghan, nga dili maoy tiunay nga laraw sa Dios, tungod kay ang Dios igo lamang ipamulong ang Iyang mga anak motungha ug sila manggula gikan sa abog, sama ra sa Iyang pagbuhat sa unang tawo, nga si Adan.

Ang bunga o linugdangan nga si Eva ingon nga nakasinati sa lawasnong pakighilawas sa sirpinti ug kang Adan mao nga siya nanamkon ug duha si CAIN ug si ABEL. Ang kamatuoran sa butang mao nga si Eva anaay DUHA ka bata (KALUHA) diha sa iyang tagoangkan gikan sa NAGAKALAHY nga PAKIGHILAWAS. Nagsabak siyag KALUHA, Nagsamkon kang Cain nga nag-una kang Abel.

Apan kanila nga naghunahuna nga kini dili masayon, alang sa kasayuran sa tanan nga ang timaan sa medico napuno sa mga kaso diin ang mga babaye nagdala ug kaluha sa managkalahi nga similyahanan ug sa managkalahi nga tagoangkan uban sa pagpatambok sa mga itlog sa managkalahi nga mga adlaw, ug DILI LAMANG KAY KANARA, kondili sa ubang mga timaan

nagpakita nga ang kaluha gipangamahanan sa managkalahi nga lalaki. Dili pa lang dugay nabalita sa tibuok kalibutan gihatag ngadto sa Norwegian nga inahan nga misumbong sa iyang bana aron suportahan siya ug ang kaluha, nga ang usa niini maputi ug ang usa maitum. Iyang gidawat nga anaa siyay gikalambigit nga Negro. Ang duroha ka pagpanamkon hapit magtulo ka simana ang lat-ang Didto sa Beaumont, Texas, sa 1963, ang rikord naghigot nga daghan ang nangatawo diin ang pagsabak nanagkalahi ang mga adlaw, apan labaw pa niana ang babaye hapit mamatay nga may bata pa sa tiyan nga igaanak.

### ANG KALUHA SA KASULATAN

Sukad niadtong panahona sa diha nga si Satanas nagmalampuson pagpayuhot sa iyang BINHI ngadto sa katawohan, anaa kanunayng KALUHA nga nag-away diha sa mga Kasulatan. Atong makita si Cain ug si Abel, si Esau ug si Jacob, si Ismael ug si Isaac, si Moises ug si Faraon, si Judas ug si Jesus nga mao ang BINHI sa BABAYE ug ang BINHI sa SIRPINTI, nga anay PANAGKABANGI sa usag us.

### ANG NAWALA NGA SINUMPAYAN TALI SA TAWO UG SA MANANAP

Sa diha nga kining ginadili nga buhat nahitabo tali kang Eva ug sa Sirpinti, gitunglo sa Dios ang sirpinti. Iyang gipang-usab ang matag bukog diha sa lawas sa sirpinti aron siya magkamang sama sa bitin. *“Ug ang Ginoong Dios miingon ngadto sa SIRPINTI, tungod kay gibuhat mo man kini, MATINUNGLO ka labaw sa tanang mga baka, sa tanan nga matag mananap sa kapatagan; pinaagi sa imong TIYAN ikaw magakamang ug sa abog ikaw mabuhi sa tanan adlaw sa imong kinabuhi.”*

Ang siyensiya misulay sa tanan niyang kagustohan, ug wala niini hikaplaga ang NAWALA NGA KASUMPAY tali sa tawo ug sa mananap. Ang Dios nakakita niana. Ang tawo manggialamon ug nakakita siya ug kapunungan sa tawo uban sa mananap ug iyang gisulayan pagpamatuod kini gikan sa ebolusyon. Wala kanang bisan unsang ebolusyon. Apan ang tawo ug ang mananap magakatipon. Mao kana ang usa sa mga tinago sa Dios nga nagpabilin pang gililong, apan ania karon gipadayag na kini. Kini nahitabo na didto sa taliwala sa Eden sa dihang mitalikod si Eva gikan sa Kinabuhi ngadto sa Kamatayon.

Dihadiha human sa PAGKAON sa BUNGA (hinumdumi nga kita mao ang mga BUNGA sa atong inahan ug amahan), sila sa labing madali nakasabot nga sila mga HUBO. Ug sila nanago sa ilang kaugalingon gikan sa Dios ug nanagtahi ug mga tapis sa mga dahon sa higira aron tabonan ang ilang PAGKAHUBO (Gen.3:7-8). Sa pagkatinuod kini kinahanglan gayud nga mosulti sa atong salabotan nga kadto maoy PAGHILAWASAY, ug WALA MAGKAON UG MGA MANSANAS (o kaha si Adan ug si Eva magtahi unta ug mga tapis alang sa baba kay sa pagtabon sa ilang mga pribadong mga bahin).

Ug usab bantayi nga pagkatapus niining maong hitabo, ang Dios wala magtunglo kang Eva pinaagi sa pagsilot kaniya sa daghang mga mansanas nga kan-on, apan miingon kini *“ngadto sa babaye Siya miingon, Pagadaghanon ko sa hilabihan gayud ang imong kasakit ug ang imong mga PAGPANAMKON; ug sa may kasakit ikaw magapanganak ug mga anak ug ang imong tinguha mao ang pagpangandoy sa imong bana, ug siya magabuot kanim.” (Gen.3:16).*

Kining makalilisang nga buhat maoy nagdala sa pagsaka sa lawasnong pagpadaghan, nga dili gayud mao ang orihinal nga laraw, tungod kay ang Dios igo lamang ipamulong ang Iyang mga kabataan diha sa pagpanungha ug manungha sila

gikan sa abog, sama rang kahimtanga sa Iyang pagbuhat sa **unang tawo, si Adan.**

### SI ENOCH, ANG IKA-PITO GIKAN KANG ADAN

Makapatingala nga sa Judas 14 nagtimaan nga si ENOCK mao ang IKA-PITO gikan kang Adan, nga nagpamatuod nga si CAIN tinuod nga DILI anak ni Adan, kondili ANAK sa SIRPINTI.

Ang kagikan ni ADAN ingon niining kahimtanga: (1) Adan, (2) Seth, (3) Enos, (4) Cainan, (5) Mahaleel, (6) Jared, (7) Enoch.

Himatikdi nga si Cain wala gayud kahisgoti diha sa listahan sa Biblia ingon nga anak ni Adan; ug si Abel, dayag na lang, nga wala mahisgoti tungod kay siya gipatay man ni Cain, ug walay iyang kaliwatan.

### KALIWATAN SA MGA BITIN

Diha sa Bag-ong Tugon, atong makita ang mga tunob sa kaliwat sa sirpinti pinasubay sa mga tawo sa relihiyosong mga **Fariseo** ug mga **Saduceo** sama sa gingalan ni **Juan Bautista** ingon nga mao kana. Diha sa Bag-ong Tugon, atong makita ang mga tunob sa binhi sa sirpinti pinasubay sa mga relihiyosong mga Fariseo ug mga Saduceo sama sa pagtawag kanila ni Juan Bautista sa ingon. Si **Jesus** nagtawag kanila sa mga Fariseo diha sa **Mateo 12:34**~ “*O kaliwatan sa mga bitin, unsaon ba ugod ninyo, pagpakasultig maayo nga mga dautan man kamo? Kay gikan sa kadagaya sa kasingkasing magasulti ang baba.*”

Ug usab diha sa **Mateo 23:33**- “*Kamong mga halas, kamong kaliwatan sa mga bitin, unsoan man ninyo paghilingkawas gikan sa pagkahinukman ngadto sa inferno?*”

## MAY KALUWASAN BA SA PAGPASAKUP SA RELIHIYON?

**N**apamalandong mo na ba kong diin ang tanangmgarelihiyon sa kalibutan magagikan? Nganong gitugot man sa Dios ang ingon nga kaguliyangsa denominasyon nga midagsang sa kalibutan karon?



Gibanabana nga anaay atong kapin kung kulang 33,000 ka denominasyon sa nawong sa yuta karon. Ang matag usa miangkong nga silang tanan husto, ang matag-usa miangkong nga anaa kanila ang dihog sa Dios ug diha lamang kanila ang kaluwasan.

Nagmatuod karon kining makapa-ukyab nga pagdaghan sa relihiyosong mga sekta, mga kasimbahanan, ug mga denominasyon, daghang mga matinud-anon sa tinagsa-tagsa nga nangalibog kung asa man gayud niining mga organisasyona ang migakus sa tibuok kamatuoran sa kaluwasan sa Dios. Halos ang matag denominasyon karon nag-angkon nga anaa kanila ang kamatuoran, ug nga sila iya sa Dios, apan ang matag-usa managkalahi ang mga doctrina ug mga prinsipyo tali sa usag usa kung maoy basihan ang yawi sa kamatuoran sa Kasulatan kung maoy pasultihon.

Ang katawohan karon moingon, “Oh, kinahanglan nga magpasakop ka dinhi o diha, sa usa ka sekta, sa relihiyon,

o sa usa ka denominasyon. Kong ang imong ngalan wala sa among libro, mawala ka.” Kini usa ka binuang. Usa ka kulto ang magsulti niana. Ang Dios dili gayud moluwas sa usa ka tawo nga pinaagi sa pagkahimong sakop sa usa ka organisasyon, kondili nga pinaagi sa pagpili pinaagi sa pagtoo diha sa PULONG. Siya “*nga nagluwas kanato ug nagtawag kanato sa pagtawag ngadto sa pagkabalaan, DILI TUNGOD SA ATONG MGA BINUHATAN, kondili tungod sa Iyang kaugalingong katuyoan ug sa grasya nga iyang gihatag kanato diha kang Cristo Jesus sa wala pa ang mga kapanahunan nga walay katapusan*” (II Timoteo 1:9).

Ang Dios wala magtawag sa Iyang katawohan pinaagi sa usa ka organisasyon. Siya nagtawag kanila ingon nga tinagsabisan kong ikaw usa ka Catoliko, Baptist, Methodist, Protestante, o bisan kung unsa ka. Sa wala pa matukod ang kalibutan, an gang Dios naka-ila na kanimo, ug naggahin na kanimo-kaha sa kinabuhing walay katapusan o sa pagkahinukman nga dayon.

### ANG PAGKATAWO SA MGA DENOMINASYON

Busa, ato na bang gipangutana ang atong kaugalingon kung diin man kining tanang mga denominasyon magagikan? Himatikdi baya nga ang DENOMINASYON nagagikan sa Simbahang Catoliko. Siya mao ang Inahan sa tanang mga denominasyon ug ang matag denominasyon nagagikan gayud kaniya.

Ang kasaligan makasaysayanong mga timaan nagpakita nga ang Simbahang Catoliko mao ang labing unang ORGANISADONG relihiyon nga gitukod ni **Constantino** sa Hippo niadtong 325 A.D. didto sa Roma.

Apan ang kasaysayan nagpakita nga ang TINUOD nga CRISTOHANON wala gayud magsud sa Roma. Kini nagsugod sa JERUSALEM sa Adlaw sa **Pentecostes (33A.D.)** sa dihang

ang Espiritu Santo mikunsad nga daw mga dila nga Kalayo nga mopuyo sa matag magtotoo, nga maoy naghatag kanilag gahum, mga milagro ug labawng katingalahang kahibulongan.

Ang IKADUHANG organisasyon, sumala sa kasaysayan, mao ang mga LUTHERAN, sa dihang si **Martin Luther** miprotesta sa Simbahang Catoliko niadtong 1517 A.D. ug ang iyang mga sumosunod nag-organisa sa iyang mga pagtulon-an human nga si Luther mawala. Ug unya sa pagkahuman niana miabot si ZWINGLI. Ug kini mousos ngadto kang CALVIN, ug gikan didto miabot ang mga ANLICANO, ug gikan sa mga Anglicano mipaubos ngadto sa mga METHODISTA. Gikan sa mga Methodista miabot ang mga CAMBELLITE, ug unya miabot si John Smith, ug unya CHURCH OF CHRIST. Ug unya miabot ang SIMBAHANG BAPTIST, ug ang tanang Baptist nga mga kasimbahanan anaa na karon.

Ug gikan sa Methodista miabot usab ang WESLEYAN Methodist, ug misipak-na usab ngadto sa FREE METHODIST. Ug gikan didto nga pagkasip-ak miabot ang mga NAZARENE, ug gikan sa mga Nazarene ngadto sa PILGRIM HOLINESS, ug mipaus-os. Ug unya sa katapusan mipadulong sila sa mga PENTECOSTAL. Ug unsa may gibuhath sa mga Pentecostal? Mao rang butanga nga gibuhath sa ilang Inahan, mibalik sila ngadto sa ORGANISADONG RELIHIYON – ngadto sa ASSEMBLIES OF GOD, THE CHURCH OF GOD, ang APOSTOLIC ONENESS, ang mga FOURSQUARE, ug ang tanan pang ubang charismatic nga misip-ak nga mga pundok. Sa pagkakaran, anaay kapin sa 3,000 ka mga denominasyon sa tibuok kalibutan- ang TANANG mga organisado, ang TANAN anaay ilang KAUGALINGONG HUBAD sa Biblia, ang TANAN nag-angkon nga maoy orihinal nga Pulong, managlalis, mag-inilogay ug maglantugiyang usag-usa.

## ANG TANAN DILI MAHIMONG HUSTO

Unsa man kini, busa, nga kining mga denominasyona may gisukaran ba? Mao kana ang pagpangangkon sa pagkagigikanan, ug nga sila iya sa Dios, ug ang pagpangangkon nga ang ilang mga doctrina husto. ANG TANAN DILI MAHIMONG HUSTO; NGANI, WALAY USA KANILA NGA HUSTO. Sila moingon nga sila husto tungod kay sila mao may nagsulti niini, apan ang pag-ingon niini wala magpasabot nga mao na. Ang mga kasimbahanan nanag-usab ngadto sa pagkawala nay gahum nga pundok sa katawohan diin ang ilang bugtong hinagiban mao ra ang pakiglalis. Walay iyang ikapagula diha sa Espiritu, tungod kay ang iyang mga paglaum nangatukod man lamang diha sa mga programa ug dili sa pagtoo diha sa Pulong. Hain na man ang gahum nga gisaad ni Jesus alang sa iglesia diha sa **Marcos 16:17-18**, nga nag-ingon, “*Kining MGA ILHANAN MAGANUNOT kanila nga NAGATOO, sa AKONG NGALAN, magahingilin sila sa mga yawa, mosulti silag bag-ong mga sinultihan; makakupot silag mga bitin ug makainum silag makahilong butang, dili sila mangadaot. Ug kong ilang pagdungon sa ilang mga kamot ang masakiton, sila mangaayo.*”

Wala kini diha, tungod kay adunay butang nga nasayup diha. Ang Espiritu wala maglihok sa bisan unsa nga denominasyon. Wala kini magtinguha sa paghimog organisasyon, tungod kay ang Espiritu Mismo kasupak man sa organisasyon. Ang mga organisasyon nagapangita sa kalibutanong mga butang, ang hunahuna sa kalibutan, ug nagbuhat silag dagkung mga templo ug pinasinaw nga mga butang, ug dagkung pinahapsay nga mga organisasyon, ug mga hanas nga magwawali, ug uban pa nga sama niana, ug sa labing maayong eskuelahan sa siyudad. Unsaon man sa Espiritu sa pagpamuhat diha sa organisasyon samtang kini naglimud,

ug nagdawat sa mga credo inay sa Pulong? Ang pagpasakop maoy gikinahanglan karon sa denominasyon. Daghang mga membro, dagkung eskuelahan Dominica, mohatag ganti kanila nga makapamihag ug modala kang bisan kinsa nga gikan sa ubang simbahan, tan-aw kong kinsay labing maayo.

## ANG DIOS DILI MAGMUMUGNA SA KASAMOK

Ang mga denominasyon DILI iya sa Dios. Sila bisan kanus-a dili gayud ug dili gayud makapaabot. Ang denominasyon maoy hinungdan sa pagkabihinbahin sa pagkamagsoonay pinaagi sa ilang panagkalahi sa doctrina, ug kana, maoy gigikanan sa sistema nga wala ang Dios mahimout. Ang Dios dili maoy nagmugna sa denominasyon tungod kay ang denominasyon MAKAPALIBOG, ug ang Dios dili maoy namugna sa kalibog. Ang denominasyon sa tin-aw NAGPUGAS kinig panagkabulag tali sa pagkamagsoon, ug ang Dios wala gayud mag-ila sa usa kanila nga Iyang kaugalingon. Walay nahitipo sa denominasyon diha sa Kasulatan hinuon sa TORRI ni BABEL, diin ang Dios naglahugay kanila sa ilang mga kabuang.

Sila mitalikud gikan sa hingpit nga kabubot-on sa Dios pinaagi sa ilang kaugalingong binuhatbuhat nga mga patootoo, mga credo ug mga doctrina, ug sugoon ang ilang mga sakop sa pagkinabuhi niini, bisan pa sila KASUPAK sa Pulong sa Dios.

Hain mo man makita ang “Ilis ni Cristo” diha sa Pulong? Hain mo man makita ang “Purgatory”? Hain mo man makita ang “Mesa”? Hain mo man makita “Mobayad kag salapi aron ka makagawas sa infierno”? Wala sila sa Biblia. Sila mugna lamang sa tawo pinaagi sa miztiso nga pagpanudlo. Ang Biblia usab nag-ingon nga si Jesu-Cristo lamang ang



TIGPATALIWALA tali sa Dios ug sa tawo; apan ania karon ilang gihimo si Maria usa ka “tigpakilouy”. Si Maria nagpakamatay ba alang nato? Sila miingon usab nga si Pedro maoy unang “papa”. Usa kana ka bakak. Ang Biblia nag-ingon nga si Pedro minyo ug may asawa, busa, siya dili gayud mahimong usa ka “papa”. Sa **Mateo 8:14** nag-ingon, “*Ug sa paghiadto ni Jesus sa balay ni Pedro, iyang nakita ang iyang ugangan nga babaye naghigda, ug gihilantan.*”

KINING PAGPANUDLOA WALA DIHA SA PULONG. Ang magtutuis nga espiritu sa sirpinti nakahimo na usab sa tanang denominasyon magsulat sa ilang kaugalingong mga TALAMDAN ug itudlo ang ilang mga credo, ipahimutang ang ilang mga buhatan ug panggoberno sa simbahan, ug unya angkonon nga siya, ug siya lamang, ang makasulti ngadto sa Dios, ingon nga siya ang angayan nga makahimo, sumala sa matag-usa kanila. Mao kanay ginabuhat sa denominasyon. Diha sa pag-organisa, ilang gipalain ang ilang kaugalingon gikan sa Pulong (sama sa gibuhat ni Eva) ug miganoy sa ilang kaugalingon ngadto sa ESPIRITUHANONG PAGPANAPAW. Siya, ang simbahan, midawat pag-usab sa kaalam ni Satanas inay sa lunsay nga Pulong sa Dios.

### MGA KALAGDAAN, MGA CREDO UG MGA PAGPATO-TOO

Ang KAMATAYON miabot pinaagi sa pagsagol sa kaliwat, ang pagsagol sa Pulong sa Dios ug sa mga pagpatoo-too ug credo. Gibadlong ni Jesus ang mga Fariseo sa samang butang nga nagaingon, “*Pinaagi sa inyong mga kalagdaan, inyong gihimo ang Pulong sa Dios nga walay pulos ngadto sa katawohan*” (**Mateo 15:6**). “*Sa WALAY KAPUSLANAN kamo nagsimba Kanako, ug inyong gipaka-doctrina ang mga*

*kalagdaan nga hinimo lamag mga tawo*” (**Mateo 15:9**).

Si bisan kinsang tawohana nga anaa sa organisadong denominasyon anaa na siya sa taliwala sa Anticristo nga sistema. Oo, mao kanay tinuod. Aron mahibaw-an sa tanan nga wala kita manaway ni magtawag sa mga “tawo” nga anaa sa denominasyon nga ‘anticristo’, apan hinuon kita nagpasabot lamang sa “SISTEMA sa organisadong relihiyon” nga naggapos niining mga tawhana. Dili kon ang mga tawo ang nasayup; kondili kanang sistema nga ilang gisudlan, maoy nakapadaot kanila.

Buotan ug matinud-anon nga mga tawo ang Catoliko, mga Protestante, mga Judio, ug uban pa-sila mga tawong linalang kinsa naningkamot kutob sa ilang mahimo aron mahiduol sa Dios. (Ang madre wala mosulod sa convento aron mahimong usa ka daotang babaye). Apan ang sistema maoy nakapahugaw kanila ngadto sa pagkadili-matinouhon sa Biblia ug midawat sa hinimog mga tawo nga kalagdaan inay sa Pulong.

Si Jesus dili kon supak sa mga katawohan. Nagpakamatay man gani Siya kanila. Apan supak Siya niadtong mga sistema nga maoy naghimo kanilang mahilayo Kaniya-Fariseo-ismo, Saduceo-ismo, ug uban pa. Kining Mensahe-a tingalig makasupak sa imong organisasyon, apan dili kon ikaw. Ang Dios nahigugma sa tanang katawohan, silang tanan lunsayng tawong linalang nga gipakamatyan ni Cristo. Apan supak Siya nianang sistema nga maoy naghimo kanimong ginapus diha sa mga credo ug kalagdaan. Ang kalibutan dili kon supak batok sa katawolang German sa panahon ni Hitler sa paghari sa Ika-duhang Gubat sa Kalibutan, apan supak kita batok sa Nazismo. Fascismo, Cumunismo, Atheismo, ug sa tanang hinimo sa tawo nga sistema sama niini nga maoy nagdala sa katawohan sa pagpahilayo sa Dios- mao kanay atong gisupakan.

Wala nato agdaha ang katawohan nga “moipon” niini nga simbahan o niana nga simbahan- kondili ipahimutang mo ang imong kaugalingon pinaagi sa paghinulsol ug pinaagi sa usa ka Bag-ong Pagkatawo diha kang Jesu-Cristo, ang Pulong. Walay simbahan dinhi sa kalibutan nga makaluwas kanimo. Gibuhat na kana ni Jesus didto sa Krus sa Calvaryo.

Wala gayud nato hidunggi si Jesus nga nagtudlo kanato nga ang Catoliko mao ang “Dalan” ni ang Protestante mao ang “Kamatuoran” ni nga Siya miingon nga ang Pentecostal mao ang “Kinabuhi”.

Nakita ninyo, Siya miingon, “*Ako mao ang Dalan, ang Kamatooran ug ang Kinabuhi. Walay si bisan kinsa nga makaadto sa Amahan gawas kon pinaagi Kanako.*” Tingalig mahitudlo nato ang katawohan ngadto kang Jesu-Cristo alang sa ilang kaluwasan, dili ngadto sa bisan unsang pundoka, sa tawo o organisasyon. Hagita ang matag-usa o ang bisag unsang pundok sa pagkuha nianang himayaa gikan kang Jesu-Cristo.

“*Diin gani ang duha o tulo nga magkatigum sa Akong ngalan, Ako anaa sa ilang taliwala,*” mao kana ang kasarangan “bilang sa membro” nga gitinguha ni Jesus alang sa Iyang presencia nga bation diha sa iglesa. “Duha o tulo” (dili kon gatusan sa tinaglibo) kinsa nanagkatigum sa Iyang Ngalan makahimo sa presencia ni Cristo nga tinuod nga anaa sa ilang taliwala.

Siya miingon, “*Ayaw kahadlok GAMAY panon, tungod kay gikahimuot sa Inyong Amahan ang paghatag kaninyo sa* ” Sa pagkatinuod, “*Daku ang pultahan ug hiktin ang dalan nga paingon sa kinabuhi ug DIOTAY ra ang nakatultol niini.*” Si Cristo dili usa ka kalagdaan o denominasyon. Si Cristo usab diha sa kadaghanan, kondili anaa sa labing ubos. Maingon sa mga adlaw ni Noe (diin 8 lamang ka tawo ang naluwas latas

sa tubig). Ug maingon man sa mga adlaw sa Sodoma (diin 3 lamang ka kalag ang nangaluwas gikan sa kalayo sa Dios). **MAINGON MAN USAB KINI SA PAGBALIK SA ANAK SA TAWO!** (Mateo 24)

Si Cristo mao ang Pulong, ang lunsay nga walay igppapatubo nga Pulong sa Dios. Gawas sa bisan unsang pagpanudlo, busa, pasagdi kon kini Catoliko, Protestante, Baptist, Methodist, Adventist, Pentecostal, pasagdi bisan kong unsa man kini, nga dili magpabilin sa litra ug litra uban sa BIBLIA-SAYOP gayud. Kini “Mao kini ang giingon sa mga Kasulatan, nga PULONG sa Dios.”

## ANG KALUWASAN IYAIYA NGA BUHAT UBAN SA DIOS

Ang kaluwasan maoy iyaiya nga buhat tali sa matag usa ka tawo ug sa Dios. Ang matag tawong linalang usa ka tawo, ug dili ka gayud makaadto sa langit ingon nga usa denominasyon o ingon nga organisadong simbahan. Kinahanglan nga ikaw ang manubag sa imong kaugalingon sa adlaw sa paghukom. Ang Dios wala magluwas kanimo tungod kay ikaw Catoliko, Baptist, Methodist, Protestante o bisan kung unsang “klasiha” anaay imong “timaan” diha kanimo. Wala kini igsapayan sa Dios. Kondili giluwasa ka pinaagi sa Iyang Gugma pagpili.

Mga **Taga Efeso 1:4-11** nag-ingon niini. “*Diha KANIYA, sa wala pa matukod ang kalibutan, Siya NAGPILI kanato aron kita mabalaan ug dili masalawayon diha sa atubangan sa Dios. Pinaagi sa gugma, kita iyang GIPILI nga daan aron mahimong iyang mga anak nga sinagop pinaagi kang Jesu-Cristo, sumala sa tuyo sa iyang kabubot-on.*” Mga taga **Roma 8:30** nagtug-an: “*Ug sila nga gikabut-an niyang daan, iya usab sila nga gitawag; ug sila nga iyang gitawag; iya usab sila nga gimatarung ug sila nga iyang gimatarung, iya usab sila gidala ngadto sa HIMAYA*”

(miagi na). Ug ang Dios nagpadala kang Jesu-Cristo aron pagtubos niining mga tawohana lamang ug dili ang tibuok kalibutan.

### **ANG BAG-ONG SUGO SA KALIBUTAN: KALIBUTANONG SISTEMA SA RELIHIYON**

Pagbantay niini: Moabot ang usa ka dakung denominasyonal nga tigum sa dili madugay diin ang TANAN denominasyonal nga relihiyon sa kalibutan adunay usa ka PANAGHIUSA sa mga KASIMBAHANAN, ug ang tanang mga denominasyon mapugos ngadto sa pagpasakop niini.

Sa musunod nga mga katuigan, ang TANANG organisadong relihiyon makighiusa sa ilang kaugalingon ngadto sa dakung ECUMENIKAL NGA CONCILLO nga maoy magbout sa tibuok kalibutan nga pagpangulo ug maoy magbuot sa panalapi sa kalibutan. Tungod kay ang sistema sa simbahan sa Romano Catoliko nga Simbahan ug sa iyang Protestanting anak nga dalaga nga mga kasimbahanan, diha sa panaghiusa, ilang pugson ang tibuok kalibutan diha sa usa ka relihiyosong lit-ag, o MOLUTOS kanila, pinaagi sa pagdili kanila sa kahigayonan sa pagpamalit ug pagpamaligya aron mangabuhi sila, o gawas kon moapil ka sa ilang mga ranko ug modala sa MARKA diha sa inyong KAMOT o diha sa inyong AGTANG (**Pinadayag 13: 16-17**).

Nunot niining panahon sa pag-usbaw sa kalibutanong telekomonikasyong sistema, ang internet, dili paggamit ug kwarta nga teknolohiya, ang gahum sa kasundalohan sa U.N., kining Anticristo nga sistema makahimo sa pagpatuman sa ilang plano sa pagmandu sa tibuok kalibutanong kaalam. Ilang itanyag ang pipila ka malibungon laraw nga daw takus nga

kalihokan aron ituboy ang kalibutanong kalinaw, ug pagpadali sa katilingbanong pagpabalik sa economiya, aron suklan ang terorista, ug ipausbaw ang kalibutanong harmoniya sa tanang kanasuran, aron lamang makuha ang pagtinabangay sa tibuok kalibutan.

### **ANG TAWAG ALANG SA MINI NGA PANAGHIUSA**

Dayag, nga sa dihang si Papa John Paul 11 sa buhi pa, siya miadto sa Israel sa Abril 2000 aron makigkita sa Judiong Rabbis ug sa Muslim nga kalibutan nga nangayo kanila sa pagsag-uliay aron andamon ang dakung panagkatigum ug paghiusa sa politicanhon, relihiyoso ug ekonomikanhong gahum sa kalibutan. Karon, si Papa Francis naningkamot pagayo alang niining “dili kapugngan nga panaghiusa” tali sa mga Catoliko, mga Protestante, mga Mohammedan, ug sa tanan nga nagpahimutang sa katapusang kahimtang sa dakung pagtalikud. Apan ang mga kasulatan nag-ingon, “*Unsaon man pagkakuyog sa duroha gawas kon magkauyon sila?*” Ang mga Catoliko mohatag bag kahigayonan ngadto sa Protestante ug mga kalagdaan ug magbali-bali? Sa pagkatinuod, aduna unyay pagpakigkombuya nga pagabuhaton bisan asa. Sila sa pagkatinuod magkauyonay sa politika ug sa mga economiya, apan dili diha sa Pulong sa Dios.

Daghang mga kasimbahanan ang mangatintal sa pagpakig-uban niining panaghiusa, tungod kay ilang bation ang maayo sa pagpangalagad sa Dios diha sa dayag sulod sa dugukan niining pagpakig-abin kay sa dili pagpangalagad sa Dios sa tanan diha sa ilang tulomanon sa mga kalagdaan.

Ang Roma maoy nagbaton halos sa tanang bulawan nga kinahanglanon sa tibuok kalibutan ug maoy mobungkag sa

sistema sa panalapi sa dili madugay aron angkonon ang bulawan ug ituboy ang salaping Euro aron kapugngan ang kalibutanong sistema sa panalapi. Sa dihang ang mga kasimbahanan sa kalibutan ug ang mga kanasuran magkahiusa, ang Ecumenical nga Concillo mohatag sa hingpit nga pagtabang sa usa ka kalibutanong pangagamhanan uban sa Hiniusang Kanasuran nga nagpaluyo niini uban ang kasundalohang gahum aron pagpahigayon sa katapusang lakang aron pagtuman sa ilang daghang laraw aron ihatag ang ilang mga kamandoan ngadto sa pagkabelaod. Sa diha nga ang mga terorista sa tibuok kalibutan dili na mapugngan (ang Al-Queda), ang U.N. ug ang Ecuminical nga Concillo magpahimutang sa tibuok kalibutan ilalum sa Balaud Militar.

Ug kamo- kitang tanan, ang usag-usa kanato, moatubang niining umaabot nga kamatuoran, tungod kay ang matag-usa mohimog pagpili. Makig- UBAN ug MODILI, ug ang tanang kasimbahanan nga dili moapil sa Concillo sa Kasimbahanan sa Kalibutan SIRHAN KINI ug ang ilang katungod sa pagwali




wad-on, gawas lamang nga sila makigkauban sa usa ka dakung organisasyon. Ang mga paglutos ug mga pagsakit, mahisama niadtong Mangitngit nga Kapanahunan (Ang Dili-Sagrado nga Pagpamatay), mosugod sa pagpatuman aron gukdon ang mga Buangbuang nga mga Ulay nga mahibilin ug dili makaapil sa pagsakgaw. Mao usab kini ang panahon sa paglimpiyo alang sa 144,000 nga piniling mga Judio kinsa moharang niining Kalibutanong Sistema sa Relihiyon aron magpabiling putli ug ulay diha sa Pulong sa Dios aron mahibalik ngadto kanila pinaagi kang Moises ug Elias nga gipanagna diha sa Pinadayag Capitulo 11.

### ANG MARKA SA MAPINTAS NGA MANANAP

Apan hinumdumi, nga kining panag-abin ug sa kalibutanong panaghiusa mao ang “MARKA SA MAPINTAS NGA MANANAP”, sumala sa gihisgotan sa Biblia- **Pinadayag 13:16-17**~“Ug ang mga timawa ug mga kadagkuan, mga datu ug mga kabus, mga ulipon ug mga tawong gawas, ang tanan iya usab nga GIPAMARKAHAN diha sa too nga kamot o sa agtang; nga tungod niini walay bisan kinsa nga makapamalit o makapaligya gawas kon anaa kaniya ang MARKA nga mao ang ngalan sa MAPINTAS NGA MANANAP, o ang NUMERO sa iyang NGALAN”.

Mao kini ang labing dakung paglimbong sa yawa nga sukad iyang gidugkal ngadto sa katawohan sa Dios. TANAN denominasyon sa walay pagkasayud NAGPALINGKUD SA TRONO kang ANTICRISTO nga gitagna sa Biblia.

Mao kanang si SATANAS mismo misul-ob sa tawhonong kahimtang nga ginganlag MAPINTAS NGA MANANAP nga mangulo niining panaghugpong aron ang kalibutan mosimba kaniya ilalum sa pagtakuban sa hiniusang Cristohanon (Mabasa sa **II Tesalonica 2:3-4**).



Hinumdami nga ambisyon kadto ni Lucifer aron pagasimbahon sama sa Dios sa sinugdanan, ug magtukod ug usa ka dakung gingharian kay sa iya ni Miguel, mao kanay hinungdan nga siya gipatiran gikan sa langit. Apan karon, siya magatuman sa iyang dakung tinguha dinhi sa yuta uban sa nahulog nga katawohan sa Dios-ang maki-denominasyon.

**Pinadayag 13:8-9** naghigot niining laraw nga nag-*ingon*, “*Ug ang tanang nagpuyo sa yuta magasimba kaniya, tanan sila kinsang mga ngalan, sa WALA pa ang pagkatukod sa kalibutan, wala mahisulat sa Basahon sa Kinabuhi nga Iya sa gipatay nga Cordero sa wala pa matukod ang kalibutan. Ang adunay igdulogog kinahanglan magpatalinghug niini*”. Nakita mo, umaabot na kini, mga higala, ug dili kini siaw.

Apan dinhi sa **Pinadayag 14:9-10** atong mabasa ang silot ug hampak kanila nga moipon niining mini nga panaghiusa: “*Busa kong anaay tawo nga mosimba sa MAPINTAS NGA MANANAP (ang “gahum” sa Papado nga Romanhon Emperio) ug sa LARAWAN (ang Ecuminicanhong Kalihokan ngadto sa Protestanting mga kasimbahanan), ug modawat sa iyang MARKA diha sa agtang ug sa iyang kamot, siya usab magainum sa bino sa kapungot sa Dios, nga ibubo nga walay sagol diha sa kupa sa kaligutgot; ug siya pagasakiton sa kalayo ug asupri diha sa atubangan sa balaang mga manulonda, ug sa atubangan sa Cordero.*”

Haduol na kita sa katapusan, mga higala. Ato nang nakita ang mga ilhanan dinhi sa kalibutan karon ug andam na siya alang sa paghukom sa Dios.

## ANG TRIGO UG ANG MGA BUNGLAYON

Sa **Mateo 13:30**, nagaingon, “*Pasagdi nga magdungan sila sa pagpanubo hangtud sa ting-ani: ug sa panahon sa ting-ani akong ingnon ang mga magaani, Pangibta una ninyo ang mga bunglayon, ug bangana aron sunogon, apan ang mga trigo hakota ninyo ngadto sa akong dapa.*”

Kining maong kasulatan naghigot sa “pagpanggula” karon sa tanan tinuod nga mga Cristohanon (ang Trigo) gikan sa Babilonyang kalibog aron pag-andam kanila alang sa Pagsakgaw (ang Ting-ani) samtang ang denominasyonal nga kasimbahanan (ang Bunglayon) gipangbugkos na karon diha sa mga Concillo sa Kasimbahanan sa Kalibutan aron sunogon (Ang gubat sa Armageddon).

Sa dili pa si Jesus mobalik, mahitabo una ang panaghugpong sa tanang relihiyosong organisasyon nga maoy mopahigayon sa katungdanan apan ilisan ang mga bahin sa Pulong sa Dios aron ipahaum ang ilang mga credo ug mga kalagdaan. Ug sa samang higayon lainon ni Jesus ang Iyang Kaugalingong mga anak pinaagi sa pagpangalagad nila gikan sa mga denominasyon ngadto sa pagtoo diha sa Iyang putli nga Pulong (Pinadayag 18:4). Ang ecuminikal ug karismatik nga kalihokan karon mao ang laktud nga katumanan niining makapatay-og nga profesiya- ang “pagpangbugkos sa mga bunglayon” aron sunogon.

## USA KA MENSAHE ALANG SA PINILI SA DIOS

Apan alang sa PINILI, ang Dios nagtawag. USA KA MENSAHE gipadala karon, “GUMOLA KAMO KANIYA, KATAWOHAN KO, aron dili kamo makaambit sa iyang mga kasal-anan, ug dili kamo makadawat sa iyang mga hampak!” (Pinadayag 18:4).

Ang Dios nagtawag sa Iyang buotan nga Pangasaw-onon, ang Pulong-Natawo nga Binhi. Kinsa ba kining mga tawohana? Sila mao ang TAGSATAGSA. Sila mao kadtong gihisgotan sa mga taga **Efeso 5:14**, “*Pagmata ikaw nga NAGKATULOG, ug BANGON GIKAN SA MGA PATAY, ug si Cristo magahatag kanimog Kahayag.*” Mao kana sila kadtong nanghikatulog diha sa mga nangamatay, nangamatay didto niadtong patay sa denominasyon ug naglutaw uban kanila. Ang Dios misinggit, **PAGMATA UG PAGHINULSOL GIKAN SA IMONG BINUANG!** Didto ilang gipahulaman ang ilang influwensiya, nga mihatag sa ilang panahon ug sa ilang kinabuhi mismo ngadto niining AntiCristo nga mga organisasyon ug sa tanan samtang namalandong niini nga kini husto. **NAGKINAHANGLAN SILA SA PAGHINULSOL UG MOBALIK NGADTO SA KAMATUORAN!**

Ang singgit sa matag panahon mao kanang pagbadlong: Imong GIBIYAAN ang Pulong sa Dios. Paghinulsol ug balik ngadto sa Pulong!” Gikan sa nahaunang libro sa Biblia ngadto sa Katapusang Libro, anaay USA lamang ka hinungdan tungod sa kaligutgot sa Dios-ANG PAGBIYA SA PULONG; ug anaay USA lamang ka paagi aron pagbakwi pagbalik sa Iyang pagsalig-BALIK SA PULONG.

## ANG PAGSAKGAW SA PANGASAW-ONON NI CRISTO UG ANG KATAPUSAN SA KALIBUTAN

**A**ng Pagsakgaw sa iglesia gipahinungod niadtong panahona kung ang trumpeta pagahoypon, ug ang atong Ginoong Jesu-Cristo manaug gikan sa langit inubanan sa usa ka pagsinggit ug uban sa tingog sa arkangel ug kita nga mga magtotoo nga buhi pa niadtong panahona kita mobangon aron pagsugat sa Ginoo didto sa kahanginan, samtang ang atong madunoton nga mga lawas mangausab gikan sa madunoton ngadto sa mahimayaon dili na madunot nga mga lawas.



Kini maoy literal sa umalabot nga panghitabo sumala sa tagna dinhi niining gisundan nga mga Kasulatan: **I MGA TAGA TESALONICA 4: 16-18**; “*Kay ang Ginoo gayud mao ang manaug unya gikan sa langit inubanan ug singgit sa pagsugo, sa tawag sa punoan sa mga manolunda ug sa tingog sa trumpeta sa Dios: ug ang mga nangamatay diha kang Cristo mouna sa pagpamangon: Ug kita nga mga buhi pa nga mahabilim pagasakgawon ngado sa panganud uban kanila, sa pagsugat sa Ginoo diha sa kahanginan: ug sa ingon niini kita magapakig-uban na sa Ginoo sa tanang panahon. Busa*

*paglinipayay kamo ang usa ug usa pinaagi niining mga pulonga.”*

Usab diha sa **I MGA TAGA CORINTO 15: 51-54:**  
*“Ania karon, ang usa ka tinago, Dili kitang tanan mangamatay, apan kitang tanan mangausab, sa kalit, sa usa ka pagpamilok, inig ingog na sa katapusang trumpeta: kay ang trumpeta pagapatunggon, ug ang mga patay pagabanhawon nga may mga lawas nga dili na mangadunot, ug kita mangausab. Kay kining lawas nga madunot ra pagailisan unyag dili na madunot, ug kining lawas nga mamatay ra pagailisan unyag dili na mamatay, nan matuman na gayud unya ang nahisulat nga nagaingon, ang kamatayon gilamoy diha sa kadaugan.”*

### **USA KA TINAGO NGA “PAGSAKGAW”**

Apan kadto lamang sila nga nakaandam ug ginahin nang daan sa Dios ang makauban sa pagsakgaw mao kana sila ang nahibalo sa hustong oras ug tukmang adlaw niining hitaboa, tungod kay kini usa man ka “tinago” nga pagsakgaw sa Pangasaw-onon ni Jesu-Cristo. Kining maong hitaboa, mahitabo sa dili pa moabot ang Dakung Kasakitan (ika-unom nga timri) ug dihadhiha sa dili pa ang Anti-Cristo nga sistema momandu sa tibuok kalibotan sa relihiyon ug politika nga mga sistema.

**I MGA TAGA TESALONICA 5:1-11:** *“Apan mahitungod sa mga panahon ug mga pitsa, mga igsoon, kamo wala na magkinahanglan nga pagasulatan pa. Kay kamo nasayud na pag-ayo nga ang adlaw sa Ginoong moabot ra unya sama sa kawatan sa kagabhion. Sa diha nga ang mga tawo magkanayon, Ania ang kalinaw ug kasigurohan; sa kalit moabot kanila ang pagkalaglag, maingon sa pagbati sa kasakit nga moabot sa babaye nga talianak, ug sila dili makaikyas. Apan mga igsoon, kamo*

*wala diha sa kangitngit nga tungod niana pagahikalitan kamo sa pag-abot sa maong adlaw maingon sa kawatan. Kay kamong tanan mga anak sa kahayag ug mga anak sa adlaw kita dili iya sa kagabhion o sa kangitngit. Busa dili kita magpangatulog, ignon sa gibuhay sa uban; hinonoa managtukaw kita ug magmahusay sa hunahuna. Kay sila nga mga nangatulog, nangatulog sa kagabhion; ug sila nga nagakahubog, nangahubog sa kagabhion. Apan, maingon nga kita iya man sa adlaw magmahusay kita sa hunahuna, ug magsul-ob kita sa kotamaya nga mao ang pagtoo ug paghigugma, ug sa salakot nga mao ang paglaum sa kaluwasan. Kay kita wala itagana sa Dios alang sa kapungot, hinonoa aron sa pagpakakab-ot sa kaluwasan pinaagi sa atong Ginoong Jesu-Cristo, Nga namatay alang kanato aron nga bisan magatukaw kita o magkatulog, kita mabuhi uban kaniya. Busa magdinasigay kamo ang usa ug maglinig-onay ang usa sa usa, ingon sa inyong ginabuhay karon.”*

### **SAMA KANHI SA MGA ADLAW SA SODOMA UG SA MGA ADLAW NI NOE**

Kini gitagna nga sa mga adlaw kung ang Anak sa Tawo mobalik na, ang kahimtang sa kalibutan mahisama “*maingon sa mga Adlaw sa Sodoma*”. Ang imoralidad ug ang pagpangadunot sa kadungganan modagsang. Dili ba kana mao ang kahimtang sa atong kalibutan karon? Giguba sa Dios ang kalibutan pinaagi sa lunop sa panahon sa unang 2000 ka mga katuigan sa mga adlaw ni Noe. Iya usab nga gigun-ob ang Sodoma ug Gomora pinaagi sa kalayo tungod kay ang hunahuna sa mga tawo nanagpadayon sa pagka-daotan.

**Mateo 24:37-39,** *“Maingon kaniadto sa mga adlaw ni Noe, mao man usab unya ang pag-abot sa Anak sa Tawo. Kay maingon nga niadtong mga adlaw sa wala pa ang lunop sila nanagpangaon ug nanag-inum, nanagpangasawa ug*

*nanagpamana hangtud sa adlaw sa pagsulod ni Noe sa arka, ug sila walay kasayuran niini hangtud sa pag-abot sa lunop ug gianod silang tanan, maingon man usab niini ang pag-abot sa Anak sa Tawo. Atong nakita ang samang mga ilhanan dinhi sa kalibutan karon nga siya hinog na alang sa paghukom.”*

Ang pagsakgaw moabot sa bisan unsang taknaa karon. Basaha ang Mateo 24 ug sa Lucas 21 kay sila naglangkob hapit sa mga ilhanan nga nagpahibalo sa ikaduhang pag-abot ni Jesus dinhi sa atong kaliwatan.

### TULO KA PAG-ANHI NI JESUS

Si Jesu-Cristo moanhi sa yuta tutulo ka higayon. Siya usab moanhi sa tutulo ka ngalan sa Pagkaanak gihinganlan, (1) ingon nga “Anak sa Tawo” (Matagnaong Dispensasyon sa Israel), ingon nga (2) “Anak sa Dios” (Dispensasyon sa Espiritu Santo hangtud sa Pito ka Kapanahunan sa Iglesia), ug ingon nga “Anak ni David” ( sa panahon sa 1000 ka tuig sa Iyang Paghari sa Millenyum).

### ANG UNANG PAG-ANHI NI JESUS

Ang katuyoan sa UNANG PAG-ANHI NI CRISTO mao ang “PAGTUBOS” sa Iyang Pangasaw-onon pinaagi sa pag-ula sa Iyang dugo didto sa Krus sa Calvaryo. **Pinadayag 5:9-10** nag-ingon- “Ug nanag-awit sila sa usa ka bag-ong awit nga nagaingon, Takus ikaw sa pagkuha sa basahong linukot ug sa pag-abli sa iyang mga timri: kay ikaw mao man ang gipatay ug pianaagi sa imong dugo gilukat mo ang mga tawo alang sa Dios, gikan sa tanang kabanayyan ug pinolungan ug katawhan ug kanasuran, ug gihimo mo sila nga usa ka gingharian ug mga sacerdote ngadto sa atong Dios: ug sila magahari sa ibabaw sa yuta.”

### ANG IKADUHANG PAG-ANHI NI JESUS

Ang IKADUHANG PAG-ANHI mao kanang Literal nga PAGSAKGAW sa Iglesia. mao kanay “TINAGO NGA PAGSAKGAW” sa Pangasaw-onon ni Jesus kinsa moabot sa tukma gikan sa Pito ka Kapanahunan sa Iglesia sa dili pa ang Panahon sa Kasakitan moigo sa kalibutan (1 Mga Taga Tesalonica 4: 16-18).

### ANG IKATULONG PAG-ANHI NI JESUS

ANG IKA-TULONG PAG-ANHI NI CRISTO nagtudlo ngadto sa GUBAT SA ARMAGEDDON hangtud sa pagkatapus sa kasaysayan sa Usa ka libo ka tuig nga Paghari ni Jesu-Cristo ug sa Iyang Pangasaw-onon kon mobalik sila sa kalibutan pag-usab aron pagpanalipod sa Israel batok sa mga kaaway niini. Kining panghitaboa gipahaum sa mosunod nga mga kasulatan:

**PINADAYAG 19: 11-16-** “Ug unya nakita ko nga naabli ang kalangitan, ug tan-awa, dihay usa ka maputi nga kabayo! Ang nagkabayo niini ginganlag Kasalagin ug Matuod ug uban sa katarungan Siya nagapanghukom ug nagapakiggubat. Ang iyang mga mata morag kalayo nga nagasiga, ug sa iyang ulo dihay daghang mga purongpurong; ug siya may sinulat nga ngalan, nga walay bisan kinsa nga nasayud bisan ang iyang kaugalingon. Siya nagasul-ob ug bisti nga gikatuslob sa dugo: ug ang ngalan nga gitawag kaniya mao kini: Ang Pulong sa Dios. Ug ang mga panon sa kasundalohan sa kalangitan, nga nanagbistig lino nga manipis, maputi ug ulay, kini sila nanagsunod kaniya, nanagkabayog mga maputing kabayo. Gikan sa iyang baba nagagula ang usa ka mahait nga espada nga maoy iyang itigbas sa kanasuran, ug sila iyang pagaharian pinaagi sa olisi nga puthaw, magapigis siya sa pigsanan sa mabangis nga kapungot sa Dios nga Makagagahum sa Tanan. Diha sa iyang bisti ug diha sa iyang mga paa siya may



*ngalan nga nasulat; HARI SA KAHARIAN, UG GINOO SA KAGINOOHAN.”*

Kining ikatulong pagbalik ni Jesu-Cristo mao usab kining panahona nga ang yuta pagasunogon ug ang “matarung magatamak sa ibabaw sa mga abo sa mga daotan” aron pagsugod sa usa ka Libo ka tuig nga Pagmando ni Jesu-Cristo.

**II Pedro 3:10-13** naghigot bahin niini: *“Apan ang adlaw sa Ginoo moabot sama sa usa ka kawatan, ug unya ang mga langit mawagtang uban sa dakung dinagook, ug ang mga kasugdanan sa kalibutan mangatunaw sa hilabihan kaninit, ug pagasunogon ang yuta ug ang mga buhat nga ania niini. Sanglit kining mga butanga pagatunawon man sa ingon, pagkakinahanglanon gayud diay nga magkinabuhi kamo sa pagkabalaan ug pagkadiosnon, nga magapaabot ug magapadali sa pag-abot sa adlaw sa Dios, nga tungod niini pagaduslitan ug pagatunawon ang mga langit, ug ang mga kasugdanan sa kalibutan mangatunaw sa kalayo! Apan sumala sa iyang saad, kita nagapaabot sa bag-ong mga langit ug usa bag-ong yuta diin nagapuyo ang pagkamatarung.”*

## ANG SINGGIT, ANG TINGOG UG ANG TRUMPETA

Adunay TUTULO KA MGA TIMAAN nga kinahanglan atong bantayan bahin sa PAGSAKGAW. Samtang si Jesus manaug dinhi sa kalibutan, Iyang buhaton tanan kining tulo ka mga ilhanan. **Pinadayag 10:1-7** managsama niining hitaboa. Kining hitaboa ginganlan usab nga IKA-PITONG TIMRI, ang pagbalik sa Ginoo. Himatikdi nga diha sa ika-pitong timri (**Pinadayag 8:1**) dihay kahilum, usa ka kahilum sa langit, walay manulonda nga nag-awit ug nagdayeg, sulod sa tunga sa takna, tungod kay si Jesus niining panahona nanaug sa kalibutan aron pagtapos sa Iyang wala matapus nga mga laraw alang sa katawhan. Kay ang Ginoo gayud mao ang manaug gikan sa langit inubanan ug singgit, ug sa pagsugo, ug sa tawag sa punoan

sa mga manulonda ug sa tingog sa trumpeta sa Dios...” (I Mga Taga Tesalonica 4:16)

Ang “**SINGGIT**” nagpasabot sa “**MENSAHE SA KATAPUSANG PANAHON**” nga maoy mag-andam sa pinili, sa Pangasaw-onon ni Cristo, alang sa umaabot nga Pamanhonon. “Gomula kamo kanila (sa denominasyon), mga katawhan, Ko, aron dili kamo makaambit sa iyang (Kaulag ug Pagkabigaon) mga sala aron dili kamo makaambit sa iyang mga hampak,” diha sa pag-singgit sa ika-pitong manulonda, ang singgit niining katapusang panahon. Ang Pangasaw-onon nahibulag na gikan sa tanang minao-mao nga mga credo ug mga dogma tungod kay gusto ni Cristo nga ulay siya sa Pulong. Dili usa ka makihilawason o usa ka bigaon. Dili, si Cristo dili mangasawa sa usa ka nasalaag sa denominasyon. Siya moabot sa usa ka Pangasaw-onon nga Pulong, sila nga nagpabiling putli uban sa mga pagtudlo sa Biblia.

Ang “**TINGOG**” ania karon ang tingog sa IKA-PITONG MANOLUNDA sumala sa gihigotan sa **Pinadayag 10:7**—*“Hinonoa nga sa mga adlaw sa tingog sa trumpeta inighuyop niini sa ikapitong manolunda, pagatumanon na ang tinago sa Dios, sumala sa iyang gipahibalo ngadto sa iyang mga ulipon nga mao ang mga profeta.”* Kining ika-pitong manolunda walay lain kondili ang ika-pitong mensahero sa ika-pitong panahon sa iglesia sa **Laodicea**, na mao si **William Marrion Branham**. Siya maoy gisugo sa Dios aron ibutyag ang tanang mga tinago nga gililong diha sa pito ka mga timri.

Ang ika-tulong timaan, mao ang “**TRUMPETA**” sa Dios nga nagkahulogan ug duha ka butang: (1) “**PAGDAPIT NGADTO SA FIESTA**” o sa usa ka (2) “**PAGPANGANDAM SA GUBAT**.” Sa dihang madawat mo ang pinadayag sa Mensahe

sa Katapusang Panahon, nahisulod ka ngadto niining duha ka mga “dapit” alang sa –pag-fiesta ug pakiggubat. Ang Nahauna, sa dihang makabig ka ug matawo ka pag-usab pinaagi sa Mensahe, mahimo ikawng usa ka “sakgawonon” nga binuhat, padulong sa pagsulod ngadto sa Fiesta sa Kasal sa Panihapon sa Kombira sa Kordero sa Dios didto sa langit sa diha nga ang panahon sa pagsakgaw mahitabo na.

Ang Ikaduha, nahilista ka ngadto sa espirituhanong sundalo sa Dios ug nahimo kang usa ka Cristohanong sundalo nga gitawag aron makig-away sa usa ka ESPIRITUHANONG GUBAT batok sa espirituhanong pagkadautan diha sa hatag-as nga mga dapit. Ang relihiyosong mga denominasyon mosugod pagdumot kanimo. Sama ra kung giunsa niadtong mga Fariseo ug mga Sadduceo ang pagdumot kang Jesus ug sa Iyang Mensahe sa Iyang mga adlaw, niining denominasyonal nga mga organisasyon nga molutos usab sa tinuod nga Pangasaw-onon ni Cristo karon ug moguba sa iyang influwensiya. Ila kamong tawagon sa dautan nga mga ngalan sama sa “holy roler,” “kulto,” “heretic,” tungod sa maong hinungdan nga kining Mensahe sa Katapusang Panahon magbutyag sa ilang binuang sa minao-mao nga mga kalagdaan, mga sistema dogma ug mga credo, batok sa Pulong. Apan sama sa giingon ni Jesus sa Iyang mga apostoles, “Kong ang Agalon sa Balay gitawag nga “Beelzebub”, ang ulipon dili molabaw sa Iyang Agalon.”

Sa pagkatinuod, ang tanan nga nagkinabuhi nga diosnon diha kang Cristo Jesus pagalutoson gayud hinoon. Walay igong pangutana bahin niini. Kay ang mga anak sa pagsupil magatawag kaninyo sa tanang matang sa daotang mga butang apan ang Pangasaw-onon ni Cristo magapahulay sa kasigurohan pinaagi sa pinadayag, nga si Jesus mokuha kaniya gikan niining kalibutana aron makig-uban Kaniya didto sa himaya. Busa, maglinipayay kamo ang usa ug usa pinaagi ning mga pulonga.

## MGA ILHANAN NGA ANG PAGSAKGAW HADUOL NA

Diha sa Mateo 24, si Jesus naghatag sa mga apostoles sa nagkaraiyang mga ilhanan nga may kalabotan sa Iyang ikaduhang pagbalik. Iyang gisultihan sila nga “*kining kaliwatana dili pa molabay hangtud nga ang tanang mga butang mamatuman.*” Iyang gipasabot ang kaliwatan nga makakita sa Israel “ang Kahoyng Igira” nga manalingsing na. Sa dihang ang Israel nahimong nasud pagbalik, gisultihan kita nga mohangad ngadto sa taas tungod kay atong katubsanan haduol na. Kining kaliwatana nga makakita sa Israel nga mahimong usa ka nasud nga dili molabay hangtud ang tanang mga butang mamatuman. Ang Israel nahibalik ingon nga usa ka nasud sukad sa 1948.

Human sa mga katuigan sa pagdumoluong, ang Dios mipugos sa mga Israelinhon sa pagbalik sa iyang yutang natawohan pinaagi sa pagpagahi sa mga kasingkasing ni Stalin, Hitler ug kang Mussolini sa panahon sa ika-duhang gubat sa kalibutan aron pagpugos kanila ug palagpoton sila gikan sa Europa ug sa Russia. Ang Israel may kaugalingon nang bandira, ang Bitoon ni David, nga giisip nga maoy labing karaan nga bandira dinhi sa kalibutan. Anaa nay iyang kaugalingong kasundalohan, sistema sa panalapi, ug economiya. Ang Israel anaa nay iyang Jubilee sa 1998. Ang pagsakgaw hataas na kaayo ang paglapas niini. Apan ang Biblia nagpahinudum kanato mahitungod sa mga adlaw ni Noe sa dihang gitakpan ang arka, apan wala pa gihapon moulan hangtud nga milabay ang dugang pito ka adlaw. Kining hilum nga mga adlaw gitawag kini nga “pagwali ngadto sa mga nangawala,” ug ang “ika-tulo nga pagbira”. Wala nay usa nga makasulod, ug walay usa nga makagawas pa. “Ang mahugaw papadayona nga mahugaw, ug ang balaan papabalaana sa gihapon”.

## ANG PITO KA KAPANAHONAN SA IGLESYANG NGA GENTIL

**P**inadayag 1:20- *“Ang tinago nga kahulogan sa pito ka mga bitoon nga imong nakita diha sa akong toong kamot. Ug sa pito ka mga kandiliro nga bulawan ang pito ka mga bitoon mao ang mga manolunda sa pito ka mga Iglesia, ug ang pito ka mga kandiliro mao ang pito ka mga Iglesia.”*



### ANG PITO KA MGA BITOON UG ANG PITO KA MGA KANDILIRO

Gikan sa profesiya nga gihisgotan sa taas, atong nabasa nga adunay pito ka mga bitoon o pito ka mga manolunda nga naglarawan sa pito ka espiritu sa Dios nga nahisulat sa Pinadayag 4:5. Sila pagasugo-on sa Dios sa atong kapanahunan aron modala sa

kahayag sa pito ka mga Iglesia sa Gentil. Nga miingon kang Juan, *“Ako ang Alfa ug ang Omega, ang nahauna ug ang naulahi: Ug ang imong nakita isulat mo kini sa usa ka basahon, ug imo kining ipadala ngadto sa pito ka iglesia nga anaa sa Efeso, ug sa Smirna, ug sa Pergamo, ug sa Tiatira, ug sa Sardis, ug sa Filadelfia, ug sa Laodicea.”*

Nakita ni Juan ang panan-awon ingon nga pasiunang pahamatngon nga gikan kang Cristo sa pagabuhatong ministryo sa maong mga manolunda sa pito ka mga Iglesyang Gentil sa Asia. Dinhi niini gipahimutang ang kinatibuk-ang plano sa Dios mahitungod sa Iyang pagpakig-uban sa Iyang “Pangasaw-onong Gentil” sukad nga gitalikdan sa mga Judio si Jesus ingon nga sa Adlaw sa Pentecostes (AD 33) diin gipuno sa Espiritu Santo sa Dios ang Iyang mga ulipon, dinhi gisugdan pagbiya sa Dios ang mga Judio tungod sa ilang hingpit nga pagsalikway kang JesuCristo ug Siya misugod pagpakiguban kanato.

Gisugdan pagtawag sa Dios ang mga Gentil pagsulod sa gingharian sa langit sa panahon A.D. 53 hangtud niining panahona. Unang gigamit sa Dios si Apostol Pablo aron sugdan ang “Dispensasyon sa Gracia” o “Panahon sa Gracia”. Ang Pito ka kapanahunan sa maong Iglesia gitooan nga milungtad sa kapin kung kulang sa 2,000 ka mga katuigan sukad sa AD 33 hangtud sa pagbalik pag-usab ni Jesus sa Iyang ikaduhang pag-anhi. Sa hamubong panahon niini, dinhi tigumon sa Ginoo ang tanan Niyang mga pinili gikan sa nagkalainlaing dapit sa kalibotan aron andamon sila sa haduol na nga “Pagsakgaw” sa mga Cristohanon nga gihisgotan sa 1 Tesalonica 4:16-17.

Kining mga Cristohanon Iya usab nga ginganlag Pangasaw-onon ni Cristo o Buotan nga Ulay (*Wise Virgins-matud sa Mateo 25*) tungod sa pagpakadawat nila sa “Lana” sa ilang lamparahan nga nagsimbolo sa Bautismo sa Espiritu Santo sa nagkalainlain nilang mga kinabuhi. Pito ka mga Mensahero ang sugoon sa Dios aron pagawason ang mga nahiapil sa Pangasaw-onon ni Cristo nga gikan sa tanang kanasuran ug mga denominasyon sulod sa pito ka kapanahunan. Kini maoy katumanan sa tagna sa Pinadayag Capitulo 1 hangtud sa 3.

Human ikabubo ang Espiritu Santo niadtong adlaw sa Pentecostes, didto nagsugod ang Dios sa pagpakig-uban sa

kaliwatan sa mga Gentil. Ang panahon sa Gracia sa mga Gentil nagsugod niadtong A.D. 53 hangtud sa atong adlaw karon. Ang una nga gisugo sa Dios mao si Apostol Pablo aron imantala ang kaluwasan alang sa mga Gentil.

“Ania karon, mangadto kami sa mga Gentil”, nga mao ang mga tinun-an nila ni Pablo ug Bernabi sa **Mga Buhat 13: 44-48**. Sa Mga Taga **Roma 11:25**, gipasabot usab ni Pablo nga, “*Tungod kay dili ko buot, mga igsoon, nga dili ninyo hisayran ang maong tinagoan, tingali unya magpakamaalamon kamo diha sa inyong kaugalingong panghunahuna nga ang katig-a anha sa usa ka bahin sa Israel, hangtud sa panahon nga mahisulod na ang hingpit gidaghanon sa mga Gentil.*”

## ANG KAPANAHONAN SA IGLESIA SA EFESO

(Sugod sa A.D. 53 hangtud sa A.D. 170)

BITOONG-MENSAHERO SA EFESO:

**APOSTOL PABLO**



**S**a **Pinadayag 2:1-7** mabasa: “*Ngadto sa manolunda sa Iglesia sa Efeso, isulat mo kini: Mao kini ang mga Pulong sa nagakupot ug pito ka mga bitoon diha Iyang too nga kamot, ang nagalakaw sa taliwala sa pito ka mga kandilrong bulawan: Nasayud ako sa imong nabuhat, sa imong paghago, ug sa imong pag-antus, ug ikaw dili makapailub sa dautan nga mga tawo hinunoa giusisa mo ang mga nanag-ingon nga sila mga apostoles apan dili diay, ug nasuta mo sila nga mga mini. Nasayud ako nga ikaw naga-antus, ug nagapailub tungod sa akong ngalan, ug nga ikaw wala abutag kataka. Ngani batok kanimo aduna akoy ikasumbong nga mao kini, nga imong gibiyaan ang paghigugma nga diha kanimo kaniadto. Busa hinumdumi diin ka gikan mahulog, paghinulsol ug buhata ang buhat nga imong gihimo kaniadto. Kay kondili*

*man, anhaon ko ikaw ug kuhaon ko ang imong kandeliro gikan sa iyang dapit, gawas kon maghinulsol ka. Hinoon adunay pabor kanimo nga mao kini, nga ginadumtan mo ang mga buhat sa mga Nicolaita, nga gidumtan ko usab. Ang adunay igdulongog magapatalinghug sa gisulti sa Espiritu ngadto sa mga iglesia. Ang magamadaugon pagatugotan ko sa pagkaon sa bunga sa kahoy nga nagahatag ug kinabuhi nga anaa sa paraiso sa Dios.”*

Ang mesahero (o manolunda) sa iglesia sa Efeso mao si Apostol Pablo. Nga siya maoy mensahero sa unang kapanahunan sa kaliwatan nga Gentil nga dili ikalimud. Apan diha kang Pedro gikapiyal ang katungod nga ablihan ang ganghaan sa mga Gentil, ug gikahatag kang Pablo nga mahimong apostol ug profeta. Siya maoy Profeta nga Mensahero sa Gentil. Ang iyang profetanhong katungdanan, tungod kini sa pagpakadawat niya sa tibuok pinadayag sa Pulong alang sa mga Gentil, kini nagpamatuod kaniya ingon nga ilang apostol nga mensahero.

Gitukod ni Pablo ang Iglesia sa Efeso sa tungatunga sa unang siglo. Kini naghatag kanato ug kasayon aron ibutang ang petsa sa pagsugod sa Kapanahunan sa Iglesia sa Efeso niadtong 53 A.D. Si Pablo tinuod nga matinud-anon sa Pulong. Wala gayud siya bisag unsaon motipas dinhi (Mga Taga Galacia 1:8-9.). Ang iyang pagpamuhat ilalum sa gahum sa Espiritu (1 Cor. 2:1-5). Ug nasiguro niya ang kalig-on sa bunga sa iyang bulohaton nga gihatag sa Dios sa 2 Corinto 11:2.

## ANG KAPANAHONAN SA IGLESIA SA ESMIRNA

(Sugod sa A.D. 170 hangtud sa A.D. 312)

ANG BITOONG MENSAHERO SA

**ESMIRNA: SAN IRENAEUS**

Sa **Pinadayag 2:8-11** mabasa “*Ug sa manolunda sa iglesia sa Esmirna isulat mo kini: Mao kini ang mga Pulong niya nga*



mao ang Sinugdan ug ang Katapusan, ang namatay ug nabuhi pag-usab; Nasayud ako sa imong kasakit ug sa imong kakabus (apan datu ikaw) ug sa pagpasipala kanimo sa mga nanagingon nga sila mga Judio apan dili diay, hinonoa sinagoga sila ni Satanas. Ayaw kalisangi ang mga butang nga sa dili madugay imo nang pagaantuson. Tan-awa, ang uban kaninyo hapit nang ibanlud sa yawa ngadto sa bilangoan, aron masulayan kamo, ug pagasakiton kamo sulod sa napulo ka adlaw. Himoa ang pagkamaunongon kanako bisan pa sa kamatyon, ug hatagan ko ikaw ug purongpurong nga kinabuhi. Ang aduany igdulogog kinahanglan magpatalinghug sa sulti sa Espiritu ngadto sa mga iglesia. Kaniya nga magamadaugon walay gahum sa pagdaot kaniya ang ikaduhang kamatayon”.

Ang ngalan sa ikaduhang Iglesia mao ang **Esmirna**, nga nagkahulogan sa “**kapaitan o mira**” Kini may kalabotan sa kamatayon, tungod kay ang mga Cristohanon sa maong panahon gipamatay. Ang usa ka gilutos nga iglesia, mao ang iglesia sa Esmirna nga milabang sa nagdilaab nga hudno sa mga pag-antus, apan kana maoy usa ka maamyon nga kahumot kang Cristo. Ang giingon nga napulo ka adlaw sa kasakitan nagkahulogon “*napulo ka tuig nga mga dugoong pagpanglutos*” nga nahitabo sa maong panahon. Kini maoy labing dugoon sa tanang mga paglutos sukad pa kang Nero sa 67 A.D. si **Diocletian** mao ang emperador sa maong panahon nga nangulo sa mga tuig 303 hangtud sa 312 A.D.

Si **Irenaeus** mao ang bitoong mensahero sa Esmirna. Siya maoy mensahero sa Dios sa maong panahon tungod kay siya maoy misakop sa Pransya (Gaul), ug nagtukod sa mga iglesia. Ang matag usa kanila nahitukod sa bautismo sa Espiritu Santo, sa pagsultig mga sinultihan, sa pagbanhaw sa mga patay, sa pagpang-ayo sa mga masakiton, nga nagpahunong sa ulan, ug

naghimog mga milagro adlaw-adlaw. Hingbaw-an ni Irenaeus nga ang Dios buhi sa tunga sa iyang kanahonan ug siya Iyang gisugo.

## ANG KAPANAHONAN SA IGLESIA SA PERGAMO

(A.D. 312 hangtud sa A.D. 606)

### ANG BITOONG MESAHERO SA PERGAMOS: **SANMARTIN DE TOURS**



Sa **Pinadayag 2:12-17** mabasa: “Ug ngadto sa manolunda sa Iglesia sa PERGAMO isulat mo kini: Mao kini ang mga pulong sa nagabaton sa mahait nga espada nga duhay sukab: Nasayud ako sa dapit nga imong gipuy-an. Sa dapit diin anaa ang trono ni Satanas. Hinuon gihawiran mo ang akong ngalan ug wala mo ilimod ang imong pagtoo kanako bisan pa sa mga adlaw ni Antipas nga akong saksi, ang akong sinaligan, nga gipatay diha kaninyo, sa dapit diin nagpuyo si Satanas. Apan aduna akoy pila ka butang batok kanimo nga mao kini: anaa diha kanimo ang nanagsunod sa tuloohan ni Balaam, nga mao ang nagtudlo kang Balac sa pagbutang ug kapangdulan atubangan sa mga anak ni Israel pinaagi sa pagdani kanila sa pagkaon sa mga hinalad sa mga larawan, ug sa paghimog pakighilawas. Maingon man anaa usab kanimo ang pipila nga nagsunod sa tuloohan sa mga Nicolaita. Busa paghinulsol; kay kon dili, anhaon ko ikaw sa madali ug gubaton ko sila pinaagi sa espada sa akong baba. Ang adunay igdulogog kinahanglan magpatalinghug sa sulti sa Espiritu ngadto sa mga iglesia. Ang magmadaugon pagahatagan ko siyag usa ka gamayng bato nga puti, nga sinulatan ug usa ka bag-ong ngalan nga dili masabut ni bisan kinsa gawas kaniya nga maoy magadawat niini.”

Ang ikatulong kapanahunan sa iglesia ginganlan nga **Pergamo**. Ang petsa sa pagtungha sa maong iglesia nagsugod sa

A.D. 312 hangtud sa A.D. 606. Ang panahon sa Pergamo maoy kapanahunan sa “*mini nga doctrina, ang pagpamakak ni Satanas, maoy pag-sugod sa pagpangulo sa pagka-papa, ug ang panagkauban sa iglesia ug ang kagamhanan.*” Ug ang bitoon, ang manolunda niini nga iglesia, mao si **San Martin**.


Ang kinabuhi ni San Martin usa sa pinakagamhanan nga puno sa milagrosong kinabuhi. Si Martin gipanganak niadtong 315 A.D. sa Hungary. Sa samang kahimtang, ang iyang pagpamuhat nagasukad sa Pransya diin siya milungtad sa sulod ug sa kasikbit sa Tours ingon nga usa ka Obispo. Namatay siya niadtong 399 A.D. Kining bantugan nga santos tiyo sa usa pa ka banggiitan nga Cristianos nga si San Patrick sa Ireland. Si San Patrick pagumangkon ni San Martin. Siya usa ka sundalo. Usa niana ka adlaw naglakaw siya ug dihay usa ka lalake nga gitugnaw ug nagkurog-kurog. Ug naisip niya ang iyang katungdanan ingon nga usa ka magtotoong Kristiyanos. Dihay iyang usa ka bisti nga kupo diha sa iyang abaga ug gibahin niya kini pinaagi sa iyang espada kaduha ug gihatag niya ang katunga niini didto sa pobri. Ug niadtong gabhiona nagsugod na ang iyang pagkatinawag, tungod kay si JesuCristo nagpakita kaniya sa usa ka panan-awon nga naputos sa mao ra usab nga kupo nga iyang gibahin sa duha. Natuman kaniya ang Kasulatan nga, “*Maingon nga gibuhat mo kini niining mga kabus, gibuhat mo kini Kanako.*” Si San Martin nagpabiling matitud-anon sa lunsay nga Pulong, sama kang Apostol Pablo. Siya maoy Mensahero sa maong kapanahunan niini nga iglesia.

Ang usa ka magsusulat sa kasaysayan sa kinabuhi nagsulat nga sama niini mahitungod kang Martin, “Walay si bisan kinsa nga nakakita kaniya nga nasuko, o nabalaka man, o naguol. Makita sa iyang panagway ang usa ka matang nga langitnon nga kalipay. Bisin kanus-a walay bisan unsang butang nga migula sa iyang baba gawas kang Cristo. Walay bisan unsang butang sa iyang kasingkasing kondili ang pagkabalaan, kalinaw ug kalooy sa isigkatawo. Kanunay siyang maghilak alang sa sala sa kalibotan

ug usab alang niadtong nanagdaot sa iyang kadunganan. Usa siya ka tawong hilumon ug daghan ang nangasuko kaniya tungod sa kabuotan nga dili nila mahimo ug dili nila mahimong suhiron. Ang iyang labing mabangis nga maglulotos sa iyang kanahunan mao ang Obispo sa Iglesia sa Roma.”

## ANG KAPANAHONAN SA IGLESIA SA TIATIRA

(A.D. 606 hangtud A.D. 1520)  
ANG BITOONG MENSAHERO:  
**SAN COLUMBA**



Sa **Pinadayag 2:18-29** mabasa: “*Ug ngadto sa manolunda sa iglesia sa Tiatira, isulat mo kini: Mao kini ang mga pulong sa Anak sa Dios, kinsang mga mata sama sa nagsiga nga kalayo, ug kinsang mga tiil sama sa tumbaga nga nagasidlak: Nasayud ako sa imong mga nabuhat, sa imong gugma ug pagtoo ug pag-alagad ug pag-antus, ug nga ang imong ulahing mga nabuhat labaw pa gani kadaghan kay sa nahauna. Ngani batok kanimo aduna akoy ikasumbong nga mao kini, nga imo lamang gipasagdan ang babaye nga si Jezabel, nga nagaingon nga siya profeta ug nga nagapanudlo ug nagapahisalaag sa akong mga ulipon sa paghimog pakighilawas ug sa pagkaon sa mga hinalad ngadto sa mga larawan. Gihagan ko siya sa panahon sa paghinulsol, apan nagdumili siya sa paghinulsol sa iyang pagpakighilawas. Tan-awa, ibundak ko siya diha sa higdaanag masakiton, ug sila nga makighilawas kaniya akong idan-ok ngadto sa dakong kasakitan, gawas kong ilang hinulsolan ang iyang mga binuhatan; u gang iyang mga anak akong laglagon pinaagig kamatay. Ug unya ang tanang mga iglesia nga ako mao ang magsususi sa hunahuna ug kasingkasing, ug ako magabalus ra sa matag-usa kaninyo sumala sa mahiangay sa inyong mga binuhatan. Apan nganha sa uban kaninyo diha sa Tiatira, sa tanan kaninyo nga wala magsunod sa maong toluohan, nga wala makakat-on sa laglum*

nga mga butang ni Satanas, sumala sa ilang gingalan niini, kaninyo magaingon ako nga wala akoy laing lulan nga ipapas-an kaninyo; mao lamang nga kinahanglan nga kuptan ninyo pag-ayo ang anaa kaninyo, hangtud sa akong pag-anha. Kaniya nga magamadaugon ug magatuman sa akong mga bulohaton hangtud sa katapusan, igahatag ko ang pagpanggahum ibabaw sa kanasuran, ug iyang pagaharian sila pinaagig olisi nga puthaw, nga magadugmok kanila sama sa mga kolon nga pagadugmokon, maingon sa panggahum nga nadawat ko sa akong Amahan; ug ihatag kaniya ang bitoon nga kabugason. Ang adunay igdulogong, kinahanglan magpatalinghog sa sulti sa Espiritu sa mga iglesia.”

Ang ikaupat nga kapanahunan sa iglesia mao ang “**Tiatira**,” nga nagkahulogang “mapasagaron, luag, o dag-umon.” Ang bitoong mensahero mao si **Columba**, nga gikan sa Ireland ug sa Scotland, nga usa ka pag-umangkong ni San Martin. Ang iyang pagpamuhat nagsugod sa mga kan-umag unom ka tuig pagkatapus ni San Patrick.

Ang pulong nga Tiatira, nagkahulogang nga “*Nagapadayong Sacrifesy*” usa ka nagpadayon nga paghalad kang Cristo. Nagkahulogang usab kini sa nagpadayon nga paghalad sa mga kinabuhi ug paghago sa tinud-anay nga magtotoo sa Ginoo. Kining maong kapanahunan gitawag nga “*Mangitngit Nga Mga Kapanahunan*” (**Dark Ages**). Mao kini ang kapanahunan ni **Papa Innocente III** nga miangkong nga siya ang “*ilis kang Cristo ingon nga kinalabwang gamhanan sa iglesia ug sa kalibotan*,” nga siya usab ang nagsugod sa inkwisisyon. Ug ubos sa iyang pamunoan nagbuhos kini sa daghang dugo sa mga Cristohanon kay sa bisan unsa pang panahon sa kasaysayan gawas sa Refomasyon.

Ang Tiatira kapanahunan usab sa mahilas nga talan-awon, ang pagpangulo sa mga bigaon. Ang papa sa Roma dili lamang kay nakasala ra siya sa imoralidad nga pagpakig-iyot (siya nahimo usab nga amahan sa daghang mga anak sa pagpakasala, ug pagpakasala sa pagkasodoma, etc.) kondili nakasala sila sa pagpamaligya sa mga katungdanan sa pagka-pari sa labing hataas nga pumapasaylo.

Kadtong dili mouyon sa Pagtulon-an sa Romano Catoliko sa maong kapanahunan ipakaon sa leon, sunogon, paantuson pag-ayo ug lutoson. Tinoud gayud nga ang maong mga balaan sa Tiatira mao ang “lunod patay sa bulohaton”, puno sa Espiritu Santo ug sa pagtoo, gilalang alang sa maayong buhat, nga nagtanyag sa Iyang pagka-dalaygon, ug wala nila pakamahala ang ilang mga kinabuhi sa ilang kaugalingon, kondili malipayong mitugyan sa tanan nila ingon nga alimyon nga mahumot sa Ginoo.

Si **Columba**, nga maoy mensahero sa Tiatira, natawo sa Country Donegal, North Ireland, sa inila nga pamilya sa Fergus. Siya nahimong usa ka utokan, pinili nga eskolar, nga gisag-ulo ang kadaghanan sa Kasulatan. Gitawag siya sa Dios sa usa ka madungog nga tingog aron mahimong usa ka misionaryo. Human niyang madungog ang ang tingog sa Dios, wala nay si bisan kinsa pay makapugong kaniya, ug ang iyang milagrosong ministeryo naghagit sa daghang mga mag-aasoy aron ituboy siya nga ikaduha sa mga apostol.

Pagka-dalaygon sa iyang ministeryo nga gipaluyohan usab sa labawng katingalahan nga mga ilhanan. Si San Columba maoy nagtukod sa usa ka dakong tulonghaan sa Biblia didto sa isla sa Hy (gikan sa S.W. sa Baybayon sa Scotland). Gikan sa maong isla nagagikan sa Bibia milangyaw ang daghang kaayong mga eskolar nga gikahatagan sa kahibalo ug gahum sa Dios.

## ANG KAPANAHONAN SA IGLESIA SA SARDIS

(A.D. 1520 hangtud sa A.D. 1750)

ANG BITOONG MENSAHERO SA SARDIS:  
**MARTIN LUTHER**



Sa **Pinadayag 3: 1-6** atong mabasa: “Ug ngadto sa manolunda sa iglesia sa Sardis, isulat mo kini: “Moa kini ang mga pulong sa nagbaton sa pito ka espiritu sa

Dios ug sa pito ka mga bitoon:

“Nasayud ako sa imong mga nabuhat, ginadahum ikaw nga buhi, apan patay ikaw. Pagmata ug lig-ona ang nanghibilin nga hapit na mamatay, kay ang imong mga buhat wala ko makita nga hingpit sa atubangan sa akong Dios. Busa, hinumdumi ang imong nadawat ug nadungog; tumana kini, ug paghinulsol. Kay kon dili ka man ugaling magmata, nan moanha ako ingon sa kawatan, ug dili ka mahibalo unsang taknaa pagaanhaon ko ikaw. Hinoon aduna ka pay mga ngalan diha sa Sardis, mga tawo nga wala maghugawhugaw sa ilang mga bisti; ug sinul-obag maputi, kini sila managpanglakaw uban kanako, sanglit takus man sila niini. Sa ingon niini ang mga magmadaugon pagasul-oban ug mga bisti nga maputi, ug ang iyang ngalan dili ko papason gikan sa basahin sa kinabuhi, hinonoa igatug-an ko ang iyang ngalan sa akong Amahan ug sa atubangan sa iyang mga manolunda. Ang adunay igdulogog, kinahanglan magpatalinghug sa sulti sa Espiritu ngadto sa mga iglesia.”

Ang kapanahonan sa iglesia sa **Sardis** nagsugod niadtong 1520 ug natapus niadtong 1750. Moa kini ang kapanahonan nga gitawag nga “**Kapanahonan sa Reformasyon**”. Ang Sardis nagkahulogan nga “pagminyoay”, ang pagminyoanay sa iglesia ug kagamhanan.

Ang mensahero sa ikalimang kapanahonan sa iglesia mao si **Martin Luther**. Ang iyang ngalan inila sa mga tinun-an ug magtutudlo sa Biblia, ug usab sa mga talagsaong mga tawo karon. Si Martin Luther usa sa labing utokan nga eskolar nga adunay matinahurong kinaiya. Siya gi-ordinahan ingon nga usa ka paring Agustino sa Erfurt. Nakita ni Luther ang walay kapuslanan nga buhat nga gipamugos sa simbahang Romano aron magdala sa kaluwasan sa tawo. Ang pulong sa Dios mitidlum sa iyang kasingkasing ug siya mitoo nga “*Ang matarung mabuhi sa pagtoo.*” Mao kana ang mensahe ni Luther ang matarung mabuhi pinaagi sa pagtoo (*The*

*just shall live by faith.*) Si Luther nahimong magtutudlo sa Pulong, ug iyang gipilet, ilabina sa iyang unang mga tuig sa iyang tanan nga kabantugan, nga ang Pulong sa Dios mao ray bugtong basihanan sa kaluwasan. Nabalita ang mahitungod kang Dr. Martin Luther sa Kasaysayan sa Sauer sa Tomo 3, panid 406 nga siya, “*usa ka profeta, ebangelista, mamumulong sa mga pinulongan, maghuhubad, ug usa ka tawo sa gitugyanan sa tanang siyam ka gasa sa Espiritu.*”

Sa dihang si **Leo X** nahimo nang papa, ug miabot si John Tetzel aron magbaligya sa mga indulohinsiya (pagpasaylo) alang sa mga sala sa panahon ni Luther, si Luther walay mahimo gawas sa pagbarog aron pakigbisogan ang maong pagpanudlo nga supak sa Kasulatan. Una, nagwali siya gikan sa pulpito batok niini ug pagkatapos iyang gisulat sa iyang nailado nga **95 Theses** niadtong **Octobre 31, 1517** ug iyang gilansang kini sa pultahan sa **Castle Church sa Wittenberg, Germany**, diin iyang gibutyag ug gisupak ang mga pagpangabuso sa Iglesia Romano Katoliko; ug ang hostiyas ug ang bino iyang giingon nga “*Dili kini leteral nga lawas ug dugo ni Cristo. Kini usa ka biskwit lamang ug gamay nga bino.*” Gipangulohan ni Martin Luther ang Kapanahonang Reformasyon pinaagi sa pagpa-imprenta sa daghang mga Biblia.

Bisan pa kong gipahayag na ni Luther ang pagtudlo sa pagpakabaton pinaagi sa pagtoo ning maong kapanahonan, ang Iglesia Katoliko mihawid sa gihapon sa mga buhat, sa pagpenetinsiya, mga pagpangadye, purgatoryo, ug uban pang mga pagpanudlo nga dili subay sa Balaang Kasulatan. Atong makita nga puno sa kasaysayan ning panahona nga ang paganong pagsimba sa Sardis mao ang pagsimba sa babayeng si **Cybele**. Ang inahan hingpit nga mikuha sa katungod sa Anak, tungod niini dinhi gihatagan sa mga katungodan sa pagkadios si Maria sa mga Romano. Ug ingon nga gipahigawas nga mga Cristohanon ning panahona sa pagwali ni Luther ilang gituboy ang Anak sa Dios nga si Jesus, samtang ang Romano Katoliko gipalahi usab ang ilang pagsimba kang Maria.



**ANG KAPAHONAN SA IGLESIA SA  
FILADELFIA  
(A.D. 1750 hangtud sa A.D. 1906)  
ANG BITOONG MENSAHERO SA  
FILADELFIA: JOHN WESLEY**



Sa **Pinadayag 3: 7-13** giingon: “Ug ngadto sa manolunda sa Filadelfia isulat mo kini: Mao kini ang mga pulong niadtong Balaan ug Tinuod, nga mao ang magabaton sa yawe ni David, ang magaabli ug walay bisan kinsa nga makasira, ug walay bisan kinsa nga makaabli:

“Nasayud ako sa imong mga nabuhat. Tan-awa, gibutang ko sa imong atubangan ang usa ka pultahan nga inablihan, nga walay bisan kinsa nga makasira. Nasayd ako nga ikaw diyotay rag kusog, ngani gibantayan mo akong sulti ug wala mo ilimud ang akong ngalan. Tan-awa sila nga iya sa sinagoga ni Satanas, nga nanagingon nga sila mga Judio apan dili diay, hinonoa nanagpamakak tan-awa, kini sila paanhaon ko ug pahapaon sa atubangan sa imong tiilan, ug pailhon ko sila nga gihigugma ko ikaw.

Tungod kay gibantayan mo man ang akong sulti sa pagkamaintuson, pagabantayan ko ikaw nga mahilikay gikan sa takna sa pagsulay nga hapit nga moabot sa tibuok kalibutan sa pagsulay sa mga nanagpuyo sa yuta. Moanha na ako sa dili madugay, kupti pag-ayo ang imong nabatonan, aron walay makaagaw sa imong purongpurong.

Siya nga magmadaugon, akong pagahimuon nga haligi diha sa templo sa akong Dios; ug dili na siya magagula niini, ug igasulat ko diha kaniya ang ngalan sa akong Dios, ug ang ngalan sa siyudad sa akong Dios, ang bag-ong Jerusalem, nga manaug gikan sa langit gikan sa akong Dios, ug ang akong kaugalingong bag-o nga ngalan. Ang adunay igdulogog, kinahanglan magpatalinghug sa sulti sa Espiritu ngadto sa mga iglesia.’

Ang ika-unom nga kapanahunan sa iglesia gitawag nga **Filadelfia**. Ang Kapanahunan sa Iglesiang Filadelfia milungtad sukad sa 1750 A.D. hangtud sa tuig 1906. Kining maong kapanahunan, ginganlan nga “*Ang Kapanahunan sa Paghigugma sa Mga Kaigsoonan*.” Kining maong kapanahunan usa ka gamhanang kapanahunan sa misyon ug usa ka “*kapanahunan nga bukas ang pultahan*.”

Ang bitoong mensahero ning maong panahon mao si **John Wesley**. Si John Wesley usa ka gamayng lalake nga Anglicano gikan sa Englatira. Nakakita sa kahayag sa Maayong Balita ug iyang gisangyaw ang ikaduhang lakang sa gracia, ang “*pagkabalaan*” (sanctification) pinaagi sa Dugo ni Jesucristo.

Si **John Wesley** gianak didto sa Epworth, niadtong Junio 17, 1703 nga usa sa napulog siyam ka bata nila ni Samuel ug Susana Wesley. Si John usa sa makinaadmanong tinun-an. Si John nagpakita sa maayong binahutan, sama sa paghatag sa mga kabus, ug sa pagduaw sa mga masakiton ug mga binilanggo nga anaa sa bilanggoan. Tungod niini ginganlan siya nga Methodista. Si John Wesley naglakaw sa linibo-libo ka milyas pinaagi lamang sa pagsakayg kabayo aron pagdala sa Maayong Balita ngadto sa haduol ug sa halayo.

Sa tinud-anay, si Wesley naglakaw ug 4,500 milyas matag tuig pinaagi sa pagkabayo. Siya usa ka magtotoo sa gahum sa Dios ug siya nag-ampo sa mga masakiton ug kini misangko sa makapahibulong nga resulta. Nakita diha kaniya ang espirtuhanon nga mga gasa. Si Wesley wala maghandum nga magpatindog ug usa ka bulohaton nga pabor sa denominasyon o kaha may pakisekta nga baruganan. Bisan kong siya usa ka Arminyan sa iyang pagtoo, siya usa ka maayong tigpatuman sa gipanudlo ni Santiago. Iyang

gipasibo ang tinud-anay nga pagtoo nga dinuyogan sa mga buhat. “*Tongud kay ang pagtoo nga walay buhat patay*,” mao kana ang iyang nahimong basihanan.

## ANG KAPANAHONAN SA IGLESIA SA LAODICEA

(A.D. 1906- Hangtud sa Paglalin)  
BITOONG MENSAHERO SA LAODICEA:  
**WILLIAM MARRION BRANHAM**



Ang atong kapanahunan gitawag nga Panahon sa Laodicea nga maoy katumanan sa **Pinadayag 3:14-22**:

“*Ug ngadto sa manolunda sa iglesia sa Laodicea isulat mo kini: Mao kini ang mga Pulong sa Amen, ang kasaligan ug tinuod nga saksi, ang sinugdan sa mga binuhat sa Dios:*

*Nasayud ako sa imong mga nabuhat, nga ikaw dili mabugnaw ug dili usab mainit. Kon mabugnaw ka pa unta o mainit! Ug kay ikaw dagaang man lamang, dili mabugnaw ug dili usab mainit, isuka ko ikaw gikan sa akong baba. Kay ikaw magakanayon, ako datu, ako mauswagon, ug walay nakulang kanako; sa walay pagpanghibalo nga ikaw alaut, makaloluoy, kabus, buta ug hubo. Busa tambagan ko ikaw nga gikan kanako magpalit kag bulawan nga inulay sa kalayo, aron madato ka; ug mga maputing bisti nga imong ikasul-ob aron dili madayag ang pagka-makauulaw sa imong pagkahubo; ug tambal nga ikapadapat sa imong mga mata aron ikaw makakita. Ako magabadlong ug magapanton sa akong mga gihigugma; busa kinahanglan magmadasigon ka ug maghinulsol. Tan-awa, nagatindog ako sa pultahan ug nagatuktok; kon may magpatalinghug sa akong tingog ug moabli sa pultahan, kaniya mosulod ako ug makigsalo ako sa pagkaon uban kaniya, ug siya uban kanako. Ang magamadaugon pagatugotan ko sa paglingkod sa akong trono uban kanako, maingon nga ako usab nagmadaugon ug milingkod uban sa akong Amahan diha sa iyang trono. Ang adunay igdulogog, kinahanglan magpatalinghug sa sulti sa Espiritu ngadto sa mga iglesia.”*

Ang Kapanahunan sa **Laodicea** nagsugod sa pagsulod sa ika-20 ka Siglo, sa tuig **1906**. Ang ngalan nga Laodicea nagpasabot, nga “*tawhonong katungod*” o ‘*katarongan sa tawo.*’ Walay kapanahunan nga ikatandi sa ika-20 ka siglo diin atong makita nga ang tanang mga nasud nanagpamarug ug gipangayo ang panagkangay sa atubangan sa katilingban ug ang panalapi. Sa atong kapanahunan miusbaw usab ang mga kumonista diin usab ilang gitinguha nga ang tanang katawhan kinahanglan managkaangay. Mao usab kini ang kapanahunan sa mga politikanhong partido nga gitawag ang ilang kaugalingon nga *Christian Democrats*, ug *Christian Socialist*, *Christian Commonwealth Federation*, ug sa mga kapunongan sa mamumoo, alang sa kababayen-an, mga katungod sa bayot (LGBT), ug sa uban pang mga pundok nga nangatukod sa mao rang katuyoan.

Ang mensahero sa Kapanahunang Laodicea, sumala sa Balaang Kasulatan, usa ka profeta, tungod kay nahitakdo siya sa Pulong ug kong magprofesiya man siya ug kon anaa siyay pananawon, kanunay kining mamatuman. Siya pagapamatud-an nga usa ka profeta tungod kay husto ang iyang pagpanudlo. Ang kalig-onan nga siya usa ka profeta makita siya sa **Pinadayag 10:7** “*Hinonoa nga sa mga adlaw sa tingog sa trumpeta inighuyop niini sa ikapitong manolunda, pagatumanon na ang tinago sa Dios, sumala sa iyang gipahibalo ngadto sa iyang mga ulipon nga mao ang mga profeta.*” Sa **Amos 3:7** giingon usab, “*Sa pagkamatuod ang Ginoong Jehova dili magbuhat sa bisan unsa, gawas kon ang Iyang tinago ipadayag Niya sa Iyang mga alagad, ang mga manalagna.*”

Kining maong mensahero sa Malaquias 4 ug sa Pinadayag 10:7 magabuhat ug duha sa butang. Ang **una**: Sumala sa **Malaquias 4** iyang pabalikon ang kasingkasing sa mga amahan ngadto sa mga bata, ug ang kasingkasing sa mga bata ngadto sa ilang mga amahan; ang **ikaduha**: Ibutyag niya ang mga tinago sa pito ka mga dalugdog sa Pinadayag 10 nga siya maoy pinadayag nga anaa sa pito ka mga timri. Ang mga langitnong tinago sa maong kamatuoran nadayag ang tinuod nga pagpabalik sa mga kasingkasing sa mga bata ngadto

sa mga amahang Pentecostal” (327-1, Laodicean Church Age, Ch. 9).

Sa pagkahuman sa usa ka halalum nga pag-indiganay sa tanang mga ministro sa Dios nga nagtudlo sa Maayong Balita sa atong kapanahunan sama kang Oral Roberts, Billy Graham, T. L. Osborn ug uban pa, wala kanilay ikatandi sa kinabuhi ug sa ministeryo ni William Marrion Branham, usa ka tinun-an ug profeta sa Dios sa atong generasyon. Si William Branham, sumala sa pagtoo sa maong manunulat, siya mao ang manolunda nga mensahero sa Dios sa Ikapitong Kapanahunan sa Iglesia sa Laodicea.

Ang *Full Gospel Men's Voice*, (karon mao na ang *Full Gospel Businessmen's Fellowship International*), nagpamatuod sa maong butang nga ilang gipatik niadtong Pebrero 1961 diin ilang gisulat ang mahitungod kang **William Branham**: “*Sa mga Adlaw sa Biblia, dihay mga tawo sa Dios nga mga Profeta ug Magtatan-aw. Apan taliwala sa tanang Balaang mga Timaan, walay usa kanila nga makalabaw sa ministeryo ni William Branham, usa ka Profeta ug Magtatan-aw sa Dios, kansang larawan makita sa atubangan nga tabon sa maong balita sa Full Gospel Men's Voice. Si Branham gigamit sa Dios, sa ngalan ni Jesus aron banhawon ang mga patay!*”

Niadtong **Junio 11, 1933**, samtang gibautismohan ni William Branham ang ika-17 ka tawo sa taliwala sa gatusan nga mibalik sa kinasingkasing sa Ginoo didto sa Suba sa Ohio haduol sa Jeffersonville, Indiana, usa ka kahayag nga daw kalayo ang kalit mipakita sa ibabaw niya ug may usa ka tingog nga misulti, “*Maingon nga si Juan Bautista gipadala aron mouna sa unang pag-anhi ni Jesucristo, mao man usab ikaw gipadala aron pag-andam sa Iyang ikaduhang pagbalik!*”

Niadtong **Mayo 1946**, samtang si William Branham nag-ampo sa tungang gabii, usa ka manolunda nga gikan sa Dios ang mipakita kaniya, nga nag-ingon, “Ayaw kahadlok. Ako gipadala sa Dios nga Makagagahum sa tanan aron sultihan ka nga ang imong katalagsaon sa pagkatawo ug dili masabot nga kinabuhi nahitabo

aron ipahibalo nga ikaw magdala ug usa ka gasa sa balaang pagpangayo sa mga tawo sa kalibutan. Kung ikaw magmatinumanon lamang sa imong mga pag-ampo ug makuha mo nga patoohon ang mga tawo kanimo, walay makababag sa imong mga pag-ampo, wala bisan pa ang kancer. Makaabot ikaw sa daghang bahin sa kalibutan ug mag-ampo alang sa mga hari ug mga pangulo ug mga gamhanan. Magwali ka sa daghan kaayong tawo sa tibuok kalibutan ug linibo ang moduol kanimo aron moapil.”

Kini tinuod nga natuman sa kinabuhi ni William Branham, tungod kay gidala siya sa iyang ministeryo sa tibuok kalibutan sa pito ka higayon ug daghang mga tagsa-tagsa nga impluwensyado sa katilingban apil na si Congressman Upshaw sa U.S. A. ug si Haring George VI sa Englatera, nangaayo ingon nga bunga sa iyang pag-ampo. Libo ka libo ang mga nagpamatuod usab nga mga nakakita sa ministeryo ni William Branham ang nagpamatuod nga ang mga buta nanagpakakita na, ang mga bakul makalakaw na, ang mga patay nangabanhaw, ug bisan pa ang kancer wala makadaug sa pag-ampo sa maong alagad sa Dios.



## ANG MENSAHERO NGA PROFETA SA DIYOS SA KATAPUSANG KAPANAHUNAN

*“Sa pagkamatuod ang Ginoong Jehova dili magbuhat sa bisan unsa, gawas kong ang Iyang tinago ipadayag Niya sa Iyang mga alagad, ang mga manalagna.”*  
~Amos 3:7



**S**a tibuok nga giasoy sa Biblia, ang Dios kanunayng makigsulti pinaagi sa usa ka profeta nga Iyang ginahin sa matag kapanahonan.

Maingon nga ang Dios nakigsulti kang profeta Moises pinaagi sa nagdilaab nga kalayo sa kahoy aron kini Iyang sugoon sa pagpagawas sa kaliwatan nga Hebreohanon gikan sa pagkaulipon sa Egipto, sa samang pagkaagi nakigsandurotanay ang Dios sa tanang kaliwatan sa Iyang mga pinili. Gipasabot sa Biblia ang kinabuhi nila ni profeta Jeremias, Daniel, Isaias, Ezekiel, ug daghan pang uban diin sila mga pinadala sa Dios sa ilang kapanahonan aron ilang dad-on ang mahalon nga Mensahe sa Ginoo alang sa mga hintungdan.

Sa Bag-ong Tugon, gipadala usab sa Dios ang profeta nga si Juan Bautista aron ipaila sa nasud nga Israel ang nagsingabot nga Mesias, ug siya usab ang gigamit sa Dios aron ipaila ang bautismo sa tubig nga inubanan sa paghinulsol. Pipila pa ka tuig ang milabay si Apostol Pablo na usab ang gikasugat sa Dios

pinaagi sa usa ka masidlak nga Kahayag sa dalan paingon sa Damascus aron kini ipadala aron husayon ang Iglesia sa Roma, Efeso, Corinto, Galacia, Tesalonica, ug uban pa. (Mga Buhat 9).

Sa sulod sa Daan ug Bag-ong Tugon, bisan kanus-a wala makigsulti ang Dios pinaagi sa sistemang denominasyon o sa pamaagi sa organisadong relihiyon. Kanunay gayud ang Dios makigsulti pinaagi lamang sa usa ka galamiton: ang Iyang gipili nga profeta. Ug Iyang pamatud-an sa tibuok katawhan nga ang maong profeta mismo ang Iyang ulipon pinaagi sa mga labawng katingalahan nga ilhanan, mga panagna ug pananawon nga nangatuman, ug mga milagro nga naganunot sa ilang pagministeryo.

### MAY PROFETA PA BA KARON?

Mahimo pa bang magpadayag ang Dios pinaagi sa usa ka profeta karon? Mahimo pa ba kahang mosugo ang Dios ug profeta sa usa ka modernong kapanahonan nga sa sama niining panahona? May mga milagro pa ba, tagna, ilhanang labawng katingalahan nga mahimong hisabtan sa atong kapanahonan? Ang tubag “oo”! Anaa pa.

Apan unsaon man nato pagpamatuod nga may profeta pang moabot? Unsa may mahimong panagway niya? Unsa may ilhanan nga ipakita niya? Ug unsa may mga capitulo sa Biblia ang iyang gamiton ug tumanon?

### MGA PAMATASAN SA USA KA MATUOD NGA PROFETA

Usa sa mga pamatasan sa usa ka tinuod nga profeta mao ang kaisog ug walay kahadlok nga ibutyag ug supakon ang sayop nga pagpanudlo o pagtulon-an sa mga organisadong relihiyon. Sama kang Elias kong giunsa niya paghagit ang mga

hinanib ni Baal aron mahibaw-an kong kinsa ba gayud ang tinuod nga Dios nga makapakanaug sa kalayo nga gikan sa langit, sa samang kahimtang mao man usab ang iyang kaisog nga ipakita ning maong profeta ang iyang pagka-alagad sa Dios. Sama kang Miquias (1 Mga Hari 22:24) kung giunsa niya pag-atubang niini sa panahon ni Haring Ahab ang hataas nga sacerdote ni Zedekias, napulo sa iyang 400 ka gibuhi nga mini nga mga profeta aron patagnaon ang kabakakon nila, mao man usab nga baruganan atong hikaplagaan ang usa ka tinuod nga profeta karon.

Sumala sa kasaysayan sa Biblia, kasagaran ug kadaghanan nga gibalibaran sa kadaghanang mga tawo ang mga tinuod nga profeta sa Dios. Si Juan Bautista, sa iyang paghiabot, gipunggotan kini sa ulo ni Haring Herodes. Si Ginoong Jesucristo mismo, nga maoy Kinalabwan sa tanang mga profeta, gisalikway ug gipasipad-an usab sa mga relihiyosong Fariseo ug mga Saduceo ug Siya ginganlan nga Beelzebub, nga ang buot ipasabot “Principe sa mga Yawa.” Si Jesus ilang gipasanginlan ug panamastamasan, hangtud nga Siya ilang gikalansang sa krus. Ang tanan nga tinuod nga profeta nga nagagikan sa Dios hing-abotan sa modernong henerasyon. Kasagaran nga sila madali lutoson sa katilingban, nganlan nga irehes, tawagon nga kulto, ug ingnon nga mini nga Cristo.

Bisan kung unsa may pag-isip sa kalibutan kanila, ang Pulong sa Dios nga ilang gidala piho ug sigurado nga mahidangat sa mga pinili sa Dios. Kini dawaton gayud sa mga tinuod nga magtotoo sa matag-henerasyon sama sa pagdawat sa mangingisda nga si Pedro kang Jesus, ug sa maniningil sa buhis nga si Mateo, ug sa usa ka babayeng taga Samaria. Si Jesus giila sa mga yanong tawo lamang, sa mga maniningil sa buhis, sa mga mabangis, sa mga criminal ug bisan pa sa mga

nagbaligyag dungog nga sama kang Maria Magdalena, samtang siya gisalikway man sa mga makinaadmanon ug masinaboton ug sa mga teologo. Samtang diotay lamang nga mga nakaila sa tinuod nga profeta sa Dios. Apan kong ikaw pinili sa Dios, mailhan mo siya ug pamation mo ang iyang bililhong mga mensahe alang kanimo niining siglo nga imong hing-abtan.

## ANG GISAAD NGA PROFETA SA ULAHING MGA ADLAW

Ang katapusang capitulo sa Daang Tugon nagpamatuod nga may umaabot nga profeta sa atong panahon sa dili pa moabot ang makalilisang nga adlaw sa Ginoo:

**Malaquias 4: 5, 6**~ *“Ania karon, akong ipadala kaninyo si Elias nga manalagna, sa dili pa moabut ang daku ug makalilisang nga adlaw ni Jehova. Ug iyang pabalikon ang kasingkasing sa mga amahan ngadto sa mga bata, ug ang kasingkasing sa mga bata ngadto sa mga amahan; tingali unya ako moanhi ug samaran ko ang yuta pinaagi sa pagpanghimaraut.”*

Ang makalilisang nga adlaw sa Ginoo niining capitulo ha naghigot sa adlaw diin ang Ginoo mobalik pag-usab sa yuta aron hukman ang kalibutan sa kasal-anan niini, ug aron tapuson ang pagpatuyang sa tawo, tapuson ang kalibutanong paagi, ug aron hinloan ang kalibutan sa pagkadautan. Iyang hipuson ang mga daotan ug patindugon Niya pagbalik ang Iyang gingharian sa yuta sulod sa 1,000 ka tuig nga ginganlan nga Dakung Millennium (Daniel 2:34-35, Daniel 9:24).

Gamiton sa Dios ang espiritu ni Elias sa profeta nga Iyang ipadala kanato aron sa ingon niana mahibalik ang atong mga kasingkasing sa atong mga amahan sa pagtoo, nga gitawag nga Apostolikanhong Pagtoo.

## LIMA KA HIGAYON NGA GIGAMIT SA DIOS ANG ESPIRITU NI ELIAS

Nahibalo ka ba nga ang espiritu ni Elias lima ka higayon nga gigamit sa Dios sa Biblia? Tinuod gayud kana. Kana nadayag mismo sa Balaang Kasulatan.

**1. Unang miabot si Elias ingon nga si Elias mismo**, sumala sa **1 Mga Hari 18: 38** diin gikuha siya sa Ginoo sa pagsaka sa langit pinaagi sa alimpulos ug carro nga nagdiliab sa kalayo (2 Mga Hari 2: 11).

**2. Ang ikaduhang pag-abot ni Elias mao nga ang iyang spiritu nagdala sa dobling gahum nga mibalhin kang Eliseo** nga iyang matinumanong ulipon ug siya maoy iyang gihatagan sa iyang kupo sumala sa 2 Mga Hari 2:15.

**3. Ang ika-tulong pag-abot ni Elias mao nga ang iyang espiritu misulod kang Juan Bautista.** Miingon si Jesus sa iyang mga apostol kining mga butanga sa **Mateo 17: 12-13**~ “Apan sultihan ko kamo nga si Elias nahi-anhi na, ug wala sila makaila kaniya, hinonoa ilang gibuhatan siya sumala sa ilang gusto. Sa sama nga kaagi ang Anak sa tawo mag aantos diha sa ilang mga kamot.” Ug ang mga tinun-an nakasabot nga nagsulti Siya kanila mahitungod kang Juan Bautista.

**4. Ang ika-upat nga pag-abot ni Elias nahisulat sa Malaquias 4: 5-6b** nga nagaingon, “Ania karon, akong ipadala kaninyo si Elias ang manalagna, sa dili pa moabot ang daku ug makalilisang nga adlaw ni Jehova. Ug iyang pabalikang kasingkasing sa mga amahan ngadto sa mga bata, ug ang kasingkasing sa mga bata ngadto sa ilang mga amahan.” Mao kana ang mahitabo sa dili pa moabot si Cristo sa **Paglalin (Rapture)** aron tawgon

Niya ang Pangasaw-onong pinili gikan sa mga kaliwat nga Gentil ug aron pabalikang ilang pagtoo gikan sa credo ug dogma paingon sa lunsayng Pulong sa Dios. Tigumon sa Dios ang Pangasaw-onong ni Cristo gikan sa nagkalain-laing suok sa kalibutan pinaagi sa usa ka **SINGGIT (Midnight Cry)**. Mao kini ang singgit sa Iyang profeta nga gipasabot sa **Mateo 25:6** Apan sa pagka tungang gabii dihay singgit nga nag-ingon , “*Tan-awa, ang pamanhonon! Paggula kamo ug sugata ninyo siya.* Ug namangon silang tanan nga mga dalaga ug gihikay nila ang ilang lamparahan.”

Kini nga profeta siya usab ang ikapitong manolunda nga magbutyag sa tanang tinago sa Dios sumala sa **Pinadayag 10:7**, siya usab nga mensahero sa Dios sa Laodicea (Pinadayag.3:14) siya usab ang gisugo sa pagpagawas sa mga pinili sa Dios gikan sa pagka-buta, pagka-alaot, makalolooy, ug hubo, ug gikan usab sa pagkadagaang paingon sa mainit nga pagpangalagad sa Dios. Kini usab nga mensahero mao ang magpagula sa mga pinili gikan sa mga sistema sa relihiyon ni Anticristo:

“Ug nadungog ko ang usa ka tingog nga gikan sa langit, nga nag-ingon, ‘Panggula kamo gikan kaniya, mga katawhan Ko, aron dili kamo makaambit sa iyang mga kasal-anan, aron dili kamo makadawat sa iyang mga hampak’” (**Pinadayag 18:4**).

Kining profetaha siya usab ang yutan-ong manolunda nga gipadala sa Dios aron ibutyag ang mga tinago nga mga gililong nga anaa sa Pito ka mga Timri sa Pinadayag 5. **Pinadayag 10:7**~ “Hinonoa sa mga adlaw sa tingog sa trumpeta inig huyop niini sa ikapitong manolunda, pagatumanon na ang tinago sa Dios, sumala sa iyang gipahibalo ngadto sa iyang mga ulipon nga mao ang mga profeta.”

Mao kini ang profeta nga mensahero nga gisaad sa atong kapanahonan diin akong gikuha ang mga hilisgotanan nga akong gihisgotan sa kinatibuk-an niini nga libro.


**5. Ang ika-limang pag-abot ni Elias nahisulat sa Pinadayag 11 diin siya mobalik nga kauban si profeta Moises** (ang duha ka saksi) human mahitabo ang Paglalin sa Pangasaw-onon nga Gentil ni Cristo (1 Tesalonica 4: 16-18); mahitabo kini sa Panahon sa Kasakitan. Ipadala siya aron ilang tawogon ang **144,000** nga mga pinili gikan sa nasud sa Israel pagbalik sa pagpaila kang Cristo ingon nga bugtong Mesias nila. Ilang ipaila sa tibuok nasud sa Israel nga si Jesucristo maoy ilang matuod nga Mesias. Ug sila modawat na usab sa Ginoo tungod kay sila gibutahan lamang sa mga milabayng panahon aron kitang mga Gentil makasulod sa gingharian sa Dios (Roma 11:25).

Gihisgotan sila **Pinadayag 11: 3,4,6~**

*”Ug ang akong duha ka mga saksi, nga nanagsul-ob ug mga bisti nga sako, pagahatagan kog kagahum sa paghimog profesiya sulod sa usa ka libo duha ka gatus ug kanuman ka adlaw. Ang mga saksi mao ang duha ka mga olibo ug mga duha ka kandilero nga nanagbarug sa atubangan sa Ginoo sa kalibutan. Sila may kagahum sa pagsira sa langit sa langit, aron walay ulan nga moabot sulod sa mga adlaw sa ilang pagpanghimog profesiya, (Elias): ug sila may kagahum ibabaw sa katubigan aron sa paghimo niini nga dugo, (Moises) ug sa pagbunol sa yuta pinaagi sa tanang hampak, bisan makapila sumala sa ilang gusto.”*

## ANG PROFETA NGA MENSAHERO SA IGLESIA SA LAODICEA

Alang sa kasayuran sa publiko, natuman na kining maong tagna sa **Malaquias 4:5-6** sa **Pinadayag 10:7** sa kinabuhi ni William Marrion Branham, usa ka yanong tinun-an sa Dios nga dinihogan sa Espiritu Santo aron dalhon ang lunsay nga Mensahe sa Ulahing Kapanahonan sa atong kaliwatan.



**Si William Marrion Branham**

gipanganak sa Kentucky, USA, niadtong Abril 6, 1906. Apan mipanaw ug gikuha na siya sa Ginoo niadtong Decembre 24, tuig 1965.

Sa iyang pagkahimugso mipakita ang usa ka Kahayag sa sulod sa lawak diin ang bata nga si William gipanganak sa iyang inahan nga si Ella. Nakita kini sa mananabang nga nagpaanak kang Ella ang morag dagway sa salampati nga mibatog sa bintana sa payag sa pamilya sa mga Branham.

Usa niadto ka adlaw, sa bata nga edad ni William, samtang naglingkod sa ilalum sa usa ka Kahoyng Poplar, may usa ka tingog nga misulti kaniya ug miingon, “*Ayaw pag-inum ug bino ni sa pagpanabaco man, o kaha sa paghugawhugaw sa lawas mo, tungod kay may bulohaton Ako nga naghulat alang kanimo inig daku mo.*” Nakapalisang kini sa bata nga si William ug nagkapuliki siya sa pagdalagan pauli sa balay nga naghangos tungod sa hilabihang pangurog ug sa kahadlok.

Si **William Branham** misugod pagtuon sa Maayong Balita ni Cristo niadtong tuig 1931. Sa pag-abot sa ika-11 sa Junio, tuig 1933, samtang si William nagbautismo sa Suba

sa Ohio sa iyang ika-17 nga nakabig, usa ka Kahayag ang mipakita na usab sa taliwala sa katawhan ug miingon kaniya, “Maingon nga si Juan Bautista gipadala aron mag-una sa pag-anhi ni Jesucristo, sa ingon ikaw gipadala aron mag-una sa Iyang Ikaduhang Pag-anhi!” Nahipatik ang maong panghitabo sa **Jeffersonville Evening News** nga nag-ulohan nga “*Mysterious Star Appear Over Minister While Baptizing*”.

Bulan kadto sa Mayo, tuig 1946, samtang iyang gisukitsukit ang naglimis nga tinago sa iyang pagkatawo. Nananghid siya sa iyang asawa ug anak ug miadto siya sa kamingawan ug sa sulod sa usa ka langub diin didto siya sa masubsub nag-ampo. Nagabhian siya didto, ug samtang siya nagpadayon sa pag-ampo, usa ka manolunda gikan sa Dios ang mitindog sa iyang atubangan ug miingon, “*Ayaw kahadlok. Ako gipaanihi gikan sa atubangan sa Dios nga Makagagahum sa tanan aron sultihan ka nga ang imong talagsaon nga pagkatawo ug dili hisabtan nga kinabuhi nahitabo aron ipasidaan nga ikaw magdala ug usa ka gasa sa balaang pagpang-ayo sa mga tawo sa kalibutan. Kung matinud-anon ka lamang sa imong mga pag-ampo ug makuha mong patoohon ang mga tawo kanimo, walay makababag sa imong mga pag-ampo, wala, bisan pa ang cancer. Latason mo ang daghang bahin sa kalibutan ug magaampo alang sa mga hari ug mga punoan ug mga kagamhanan. Tudloan mo ang daghang mga tawo sa tibuok kalibutan ug libo ka libo ang moduol kanimo aron mopasakop.*’

## TIBUOK KALIBOTAN NGA PAGPAMUHAT NI WILLIAM BRANHAM

Natuman gayud sa kinabuhi ni William Branham kining maong sugo sa manolunda niadtong 1947 hangtud sa 1965 diin ang mga bakul makalakaw na, ang mga buta makakita na, ang

mga patay gipamanhaw, ug bisan unsang matang sa balatian (bisan pa kong cancer o leukemia) ang tanan nangaayo, pinaagi sa pag-ampo ni William Marrion Branham.

Sa dihang mikaylap ang balita bahin sa labawng katingalahan nga gasa ni William Branham, hapit tanang sekta denominasyon sa America ug sa Canada midapit kaniya aron magwali ug mangampo sa may balatian didto sa dagkong mga awditorium. Sa Jonesboro, Arkansas, niadtong Junio 12,



1947 hapit moabot sa 20,000 ka tawo gikan sa 25 ka estado sa Mexico ang mitambong sa iyang tigum. May usa ka bata nga gipamatud-an nga patay na gikan sa usa ka hospital sa Mexico nga iyang giampoan ug nabuhi kini pag-usab.

Sa Helsinki, Finland usab may usa ka bata nga nadasmagan sa kotse ug namatay sa daplin sa kalsada; ug sa



dihang giampoan ni William Branham diha-diha mibangon pagbalik kini ug nabuhi sa Ngalan ni Jesus.

Sa Durban-South Africa usab, didtoy miabot nga tunga sa milyon ka mga tawo ang mitambong sa iyang krusada ug hapit mapuno sa mga tawong may sakit ang lugar nga lumbaanan (Race Track) sa Durban diin didto buhata ang panagtigum. 300,000 ka tawo gikan didto gikan pa nagkalainlaing mga paganong tribo sa Africa. Tanan kini midawat sa Cristohanon sa dihang ilang nakita ang usa ka bakul nga makapanaw na ang usa ka bata nga gipanganak nga bakul sukad pa sa pagkabata ug sa pag-ampo ug sa pagpandong sa kamot ni William Branham dinhi, kini nakalakaw na. Hapit pito sa truck ang napuno sa mga sungkod ug mga wheelchair ang gipangbilin sa mga nangaayo nga pasyente sa crusada nga nahitabo didto sa Durban, Africa, ang nahipatik didto.

Nalibot usab ni Igsoong Branham ang India, Alemanya ug Europa, diin libohan ka libo ka tawo ang midawat kang Jesucristo ingon nga kaugalingon nilang Ginoo ug Manluluwas tungod sa mga hingsaksihan nilang mga milagro nga kabahin sa maong ministryo ni William Branham. Si William Branham gitooan usab nga “amahan sa diosnong kaayohan” sa “amahan sa Pentecostal rebaybal” sa atong kapanahunan.

Kita tinuod gayud nga giduaw pag-usab sa Dios karon pinaagi sa usa ka profeta. Nasaksihan sa tibuok kalibutan ang mga ilhanan ug makapahibulong nga milagro ug kaayohan, ug labaw sa tanan, nabati sa mga pinili sa Dios ang usa ka bililhong Mensahe nga iyang gidala aron andamon ang Pangasaw-onon ni Cristo sa nagkahiduol nga Paglalin. Sa tinud-anay lamang, hapit tanan nga inyong nabasa ug hingsabtan niining gamayng basahon nga kinuha gikan sa iyang 1,200+ ka mga wali ug sa gipanudlo.

## ANG HALIGI NGA KALAYO

Ang larawan diin imong tan-awa ang haligi nga Kalayo diha sa may ulo ni Rev. William Branham gibitay karon sa hawanan sa *Library of Congress sa Washington D.C.* Kini mao ray bugtong larawan diin nakuha sa usa ka *mechanical* nga *camera* ang usa ka labawng katingalahan nga Kahayag. Kining maong larawan nakuha niadtong *Enero tuig 1950 sa Houston, Texas, USA*, diin si William nagtudlo sa Pulong sa Dios.

Sa maong larawan nga nakuha sa *Douglas Studios* may nakita nga “malingin” (halo) ibabaw sa ulo ni Reverend Branham. Kini gisusi sa bangiitang magsusi sa FBI nga gipangulohan ni George Lacy, magsosusi sa mga gikadudahan nga mga documento. Nasuta ni George Lacy nga dili mini o man giusab ang maong hulagway kondili may tinuod gayud nga kahayag nga miigo sa nigatib sa kamera nga gigamit sa pagkuha.



Pagkahuman sa makuti nga pagsusi, kini gihatagan ug *Certificate of Authenticity* sa FBI ug bisansi Ginoong Lacy miingon kang Igsoong Branham ning mosunod: “*Reverend Branham, mamatay ka nga sama sa yanong may kamatayon, apan kining maong larawan magpabiling pagpamatuod sa mga umaabot pang kaliwatan nga tinuod nga Cristianismo.*”

Gipamatud-an usab sa mga skolar sa Biblia nga ang maong haligi nga Kalayo mao usab kini ang Kalayo nga mikunsad sa mga ulo sa mga apostol sa Adlaw sa **Pentecostes**, ug siya usab ang Kalayo nga nagkulit sa Napulo ka Sugo sa papan nga bato sa panahon ni profeta **Moises**. Siya usab ang Kalayo nga mipakita kang **Pablo** paingon sa Damascus diin

misulti kini nga “*Ako si Jesus nga imong ginalutos*” (**Mga Buhat 9:1-5**).

Siya usab ang **Kalayo** nga nagpagawas kang **Pedro** sa paggula sa bilanggoan sa **Mga Buhat 12:7**. Siya usab ang Kalayo nga nagkuha sa mga anak sa Israel pagpagaws sa Egipto paingon sa Yuta sa Saad. Kining maong Kalayo kauban pa gihapon nato karon ingon nga pagpamatuod nga si “*Jesucristo mao sa gihapon, kagahapon, karon ug hangtud sa kahangturan*” (Hebreohanon 13:8).

### ANG MISTERIOSONG PANGANUD

Usa ka **misteriosong panganod** na usab ang nakuhaan ug hulagway sa kahitas-an niadtong 28 sa Pebrero, 1963 sa Arizona, USA. Kining maong panganud nahibalita sa **Life Magazine sa ilang Mayo 17, 1963** nga pagmantala ug sa **Science Magazine USA sa ilang Apil 19** na balita tuig 1963. Gitooan nga ang maong panganud adunay gitas-on nga **26** ka milyas ug may kalapdon nga **30** ka milyas. Kini may kahabugon diin wala nay panganud pa nga maporma, sumala sa pag-usisa sa siyensiya, tungod kay kini miluwak na man sa kapanganuran.



Alang sa kasayuran sa tanan, kining panganura siya maoy nahimong katumanan sa panan-awon ni Rev. William Branham nga iyang gihisgotan sa iyang pagpanudlo sa Branham Tabernacle, Jeffersonville, Indiana, diin siya nagpastor duha ka bulan sa wala pa kini mahitabo. Ug sa paghiabot na sa bulan sa Pebrero

28, 1963, si William Branham miadto sa bukid sa Arizona diin nangatuman ug nangatinuod ang iyang panan-awon. Pito ka manulonda gikan sa atubangan sa Dios ang mitagbo ug mipakita kaniya ug siya gidala ug nakigsulti didto sa kapunawponawan. Gihatag sa pito ka mga manolunda ngadto kaniya ang bahin sa mga tinago nga gililong nga anaa sa sulod sa **Pito ka Timri (Seven Seals)** nga naghambin usab sa **Pito ka Dalogdug (Seven Thunders)** nga silang nahisulat sa Libro sa Pinadayag Capitulo 6, 7, 8, ug sa 10. Pito ka bililhong Mensahe ang gipiyal kanaya sa mga manolunda aron ipaabot kini sa mga pinili ni Cristo paingon sa atong kahingpitan.

Ug sa pagbiya sa pito ka manolunda kang William Branham diha pa malangkub ang hulagway sa maong misteyosong panganud ibabaw sa Arizona nga kong atong takidlon ang maong larawan paingon sa too atong makita ang dagway ni Ginoong Jesucristo. Kining maong panganud maoy katumanan sa Pinadayag 1:13 nga nagaingon, “*Nga mao rag Anak sa tawp, ang Iyang buhok maputi sama sa maputing balhibo sa karnero, sama sa niyebe.*” Ug unya ilang makita ang Anak sa Tawo nga magaabot nga sinapwang sa panganud inubanan sa kagahum sa dakung himaya,” matud usab sa Lucas 21:27-28.

Gisugo sa Dios si William Branham aron ipakita kanato ang mga tinago nga gililong sa pito ka timri (Seven Seals) sa Biblia nga kanhi gipakita kang profeta Daniel ug kang Apostol Juan apan wala ipasulat kanila. Sa kinabuhi ra ni William Branham matuman ang pagkahimong mensahero sa Pinadayag 10:7 ug ingon nga profetang gisaad sa Malaquias 4: 5-6.

Gitagbo na usab kita sa Dios sa atong panahon sama sa Iyang gibuhay sa kapanahunan sa unang Exodo. Ania na usab ug nakauban nato ang panganod, ang haligi nga kalayo, ug ang usa ka profeta. Ug labaw sa tanan ania usab ang usa ka Mensahe sa Kagawasan nga naghatag kanato sa makapasakgaw nga pagtoo.

“Ug si Jehova milakaw nga nag-una kanila sa adlaw pinaagi sa usa ka haligi nga panganod aron sa pagmando kanila sa dalan, ug sa kagabhion pinaagi sa usa ka panganod nga kalayo sa pag-iwag kanila aron sila makalakaw sa adlaw ug sa gabii.” (Exodos 13:21).

Kita karon ania na sa Ikatulong Exodos. Ang Nahaunang Exodos gipangulohan ni profetang Moises sa pagpagula gikan sa Egipto. Ang Ikaduhang Exodos gipangulon ni Ginoong Jesucristo sa dihang Iyang gipagula ang mga nagtoo gikan sa Judaismo paingon sa Cristianismo. Ang Ikatulong Exodos, kita gipagula karon gikan sa denominasyonismo nga mao ang “Marka sa Mapintas nga Mananap” (Mark of the Beast) paingon sa Mesahe sa Katapusang Kapanahunan.

## ANG TUTOLO KA PAGBIRA

Ang pagpamuhat ni William Branham gilangkuban sa tutolo ka bahin o tutolo ka pagbira (**Three Pulls**) nga gikuha gikan sa samang pagpamuhat sa atong Ginoong Jesucristo.

Sa Juan 14:12 gisulti kini ni Jesus, “*Sa pagkatinuod sa pagkatinuod magaingon kaninyo, nga ang mosalig kanako magahimo usab sa mga buhat nga akong ginabuhay ug labaw pa gani ka dagkung mga buhat kay niini ang inyong pagabuhaton, kay moadto man ako sa Amahan.*”

Ang **Nahaunang Pagbira (First Pull)** mao ang “healing” o pagpang-ayo sa sakit. Ang **Ikaduhang Pagbira (Second Pull)** mao ang “prophesying” pagpanagna nga nangatinuod. Ug ang **Ikatulong Pagbira (Third Pull)** mao ang “Opening or Revealing of the Word” o ang pagbutyag sa mga misteryo ug mga tinago diha sa sulod sa Balaang Kasulatan.

Sa samang paagi usab gituman ni Ginoong Jesucristo ang Iyang pagpamuhat. Gipasubli lamang Niya kini sa Iyang ulahing mensahero aron atong hiilhan nga Siya ang migamit

sa maong mensahero.

Ang **First Pull ni Ginoong Jesus** mao ang bulohaton sa “Pagpang-ayo sa mga may sakit.” Marcos 16:17-18, “*Ug kanila nga motoo maganunot kining maong mga ilhanan: sa Akong Ngalan ilang pagulaon ang mga yawa; magasulti silag mga bag-ong mga sinultihan; makakupot silag mga bitin ug kon makainum silag bisan unsa nga makahilo, dili sila mangadaut; ang mga masakiton pagapandungon nila sa ilang mga kamot, ug mangaayo sila.*”

Ang **Second Pull** mao ang “pagbutyag sa mga tinagoan sa mga tawo” (Juan 4:17-18). Iyang natugkad ang hunahuna sa mga tawo sama sa pagbutyag ni Jesus sa mga Fariseo ug mga Saduceo ug giingnan nga mga “*magarbo ug pinaputi ang inyong mga bisti sa gawas sama sa pinaputi nga mga pantiyon apan sa sulod niini napuno sa mga bukog ug minatay.*” Nahitabo usab sa pagpamuhat ni Igsoong Branham nga iyang mabasa ang hunahuna sa mga tawo, ug hiilhan niya ang ilang mga ngalan, ug bisan pa ang ilang nangabuhay nga kasal-anan sa kinabuhi.

Ug ang **Third Pull** usab mao ang mahitungod sa pagpanudlo sa Iyang halalum nga doctrina nga misaway sa mga tradisyon ug mga gipanudlo sa mga Fariseo ug mga Saduceo. Himatikdi nga ang Third Pull maoy nahimong sinugdanan sa hinungdan kung nganong mibiya ang kadaghanan nga Iyang sumosunod si Jesus. Gawas sa napulog-duha ka mga apostol anaa pay iyang kapitoan ka dicipulo (Lucas 10:17). Nangapangdol sila sa dihang nagtudlo si Jesus nga “*Gawas kon mokaon kamo sa Akong Uno dug moinum sa Akong dugo walay kinabuhi diha kaninyo*” (Juan 6: 53) “*Tungod niini daghan sa iyang mga tinunan ang mitalikud, ug wala mosunod Kaniya*” sumala sa Juan 6:66.

Ug ngano man kaha nga nanalikud man sila? Kana tungod kay dili nila matulon sa hingpit ang misteryo nga gipadayag ni Jesus mahitungod sa “pagkaon sa unod ug sa painum sa dugo”. Unodnon ang ilang pagpanabot maoy

hinungdan nga nangapangdol sila Nagtoo sila nga mangahimo silang mga cannibal ug bampira kung ilang buhaton ang maong butang. Disan pa kong malisud sabton ang maong butang, nagpabilin pa gihapon kaniya ang 12 apostoles, bisan kung usa niana mao si Judas. Bisan kung hingit nga wala nila hisabti ang maong mga butang, nagpadayon pa sila sa gihapon sa pagsunod kang Jesus tungod kay nangadani ug nakasiguro sila nga tinuod ug kasaligan ang maong pagpanulti sa ilang Ginooon. “Ug si Jesus nangutana sa Napulog-Duha, “Buot usab kamong mobiya Kanako?” Si Simon Pedro mitubag kaniya, Ginoo kang kinsa man kami moadto?Ikaw mao ang may mga pulong mahitungod sa kinabuhing dayon. Ug kami nagatoo, ug among nasinati nga ikaw mao ang Balaan sa Dios.” (Juan 6:67-69).

Sa samang kahimtang usab miatubang ang matag usa kanato karon. Daghan na ang makadungog ug nakabasa ning maong Mensahe nga gikan sa Dios apan ang kadaghanan nangapangdol pag-ayo sa pagtulon-an sama sa “Serpent Seed,” “Predestination”, “One God = One Person ug Water Baptism in the Name of Jesus Christ”. Kini tinuod gayud nga natago sa mga mata sa mga utokan ug makinaadmanon ang gibutyag nga kamatuoran. Ang bugtong mga pinili lamang sa Dios ang makasabot ug makadawat niini.

Ang kasagarang tinguha lamang bitaw sa tawo kaniadto kang Jesus nga makakaon ug ,mamaayo lamang sa ilang mga balatian (First Pull only). Ug ang uban usab nga hisabtan lamang nila ang mga katingalahan apil ang Ebanghelyo ni Cristo (Second Pull only). Apan sa pag-hiabot na halalum nga pinadayag o Third Pull Ministry daghan na ang nangapangdol ug wala na makapadayon. Nagkabalik-balik lamang bitaw ang kasaysayan. Ang bugtong tinuod nga pinili lamang sa Dios ang gihatagan sa kahigayonan sa pagpakasabot ug makapadayon hangtud sa Third Pull Ministry karon. Kining maong Mensahe sa Ulahing Kapanahunan gitago ngadto sa mata ug pag-sabot sa

mga teologo. Kining maong MeNsahe dili tiaw nga gisalikway sa mga buta nga nagaguyod sa mga buta ug sa mga punoan sa organisadong relihiyon karon nga sama sa mga Fariseo ug Saduceo sa ilang Kapanahunan. Madali kini nilang tawgon nga kulto, sama nga kung giunsa nila pagtawag kang Jesus nga Beelzebub sa Iyang generasyon.

Apan dinhi sa maong Mensahe nahimutang ang matuod nga Pagsakgaw sa Pangasaw-onon ni Cristo sa hinungdan nga kini ang maoy Bato sa Pinadayag nga giingon ni Jesus sa Mateo 16:18- “Ug sa ibabaw niining Bato akong tukoron ang akong Iglesia; ug ang ganghaan sa Hades dili gayud makabontog kaniya.” Ug usab nasubli ang maong panghitabo sa ministeryo sa profeta nga Iyang gipadala sa atong kapanahunan diin iyang gibuhat ang katumanan sa Lucas 17:30-“Sa adlaw nga ang Anak sa Tawo ipadayag na usab”. Ang “Anak sa Tawo” nagpasabot sa usa ka bulohaton sa usa ka profeta (prophetic office).

## PIPILA KA MGA TESTIMONYO SA ILADONG MGA MINISTRO BAHIN KANG WILLIAM MARRION BRANHAM

Ania ang pipila ka pamahayag ug gisugid sa pipila ka inila bahin kang Reverend William Branham:

Kini mao ang pamahayag ni **Rev. TOMMY OSBORN-** “Ang Dios nagpili sa nagkaraiya ug milagrosong paagi aron ipakita Niya sa Iyang mga ulipon ilabina niadtong mga gipanagtawag sa dispensasyonal nga mga katuyoan sama kang Igsoong Branham nga pagkatawag. Sa dinalian, ang tawo nga atong nailhan sama kang William Branham gipadala aron ipakita nga ang Dios diha sa unod” (William Branham Memorial Service).

Kini usab ang pamahayag ni **REV. JAMES MORRIS-** “Mao kadto si Branham, labaw pa kang bisan kinsa nga laing ebangelista, kinsa maoy misugod human sa Ikaduhang Gubat

sa kalibutan fundamintalista sa pagpanambal nga rebaybal gisundan sa iyang pagpakigtabo sa manolunda niadtong Mayo 7, 1946. Ang Pulong midilaab sa matag dapit nga ang tanang matang sa mga sakit ug mga pag-antus nangaayo dihadiha pinaagi sa gamayng magwawali sa Indiana. Bisan pa ang kaso sa pagbanhaw sa patay gimantala usab.” (The Preacher)

Ug kini mao ang pamahayag ni **REV. GORDON LINDSAY**- “Sukad walay atong hingbaw-an nga bisan kinsang magwawali nga mitawag sa bungol, amang ug buta nga katawhan nga ampoan, ug unya aron tan-awon kadtong katawhan nga nangaayo dihadiha... usa ka pagpamuhat nga labaw bisan kinsa kaniadto nga atong nasaksihan” (The House that the Lord).

Kini usab mao ang pamahayag ni **REV. JACK MOORE**- “Ang natingban sa mga gasa sa tanang ebangelista.” (All Things Are Possible book by David Harell, Jr.)

Ug bisan si **ORAL ROBERTS** nagtestimonyo kang William Branham. “Usa ka mapaubsanon nga tawo sa Dios.” (Healing Waters, July 1948)

## VOICE OF GOD RECORDINGS, MANILA

1,200+ ka mga wali ni WILLIAM BRANHAM: makuha alang sa tanang pangasaw-onon ni Cristo~ Sukad sa tuig 1947 hangtud sa tuig 1965 adunay kapin kung kulang sa 1, 200+ ka mga wali ang nahi-rekord sa pinulongang Iningles gikan sa pagpanudlo ni Rev. William Marrion Branham. Kini anaa sa magnitikong mga tep, booklets, MP3 formats ug pipila ka bugtong video. Si bisan kinsa nga nagtinguha pagpakabaton sa pipila ka libring kopya sa mga wali ni William M. Branham mahimong motawag o makig-sabot sa tinugyanan sa maong basahon o sa **Voice of God Recordings (www. Branham.org.)** na may buhatan sa **019 St. Mary St. Brgy. E. Rodriguez, Cubao Quezon City, PH-Tel. 3763253.**

# ANG PINADAYAG SA PITO KA TIMRI

**P**inadayag 5:1~ “Ug nakita ko, sa toong kamot niadtong naglingkod sa trono, ang usa ka basahong linukot nga may sinulat diha sa sulod ug sa likod niini, nga minarkahan ug pito ka timri.”

**Pinadayag 6:1~** “Ug nakakita ako sa diha nga ang Cordero mibukhad sa usa sa pito ka mga timri, ug nadungog ko ang usa sa upat ka mga buhing binuhat nga nag-ingon, sa tingog nga daw dalogdog, “Umari ka!”



Atong mabasa diha sa Biblia nga ang Dios anaay usa ka basahon nga senilyohan ug PITO KA MGA TIMRI nga nagbaton sa mga tinago sa Dios nga maoy nagpugong sa mga tinago ngadto sa kapanahonan. Unsa may kahulogan niining Basahona alang kanato, mga Cristohanon?

Ang profeta nga si Daniel sa Daang Tugon nakakita sa Basahon diha sa iyang mga panan-awon apan gisultihan sa pagtimri sa mga pulong niini hangtud sa panahon sa katapusan. Ang nahisulat sa maong Basahon nakita usab ug nadungog ni Juan diha sa Basahon sa Pinadayag Capitulo 10.

Apan wala hisayri sa kadaghanan karon, kining pito ka mga timri nga naablihan na kini ug ang mga tinago nga anaa sa sulod niini abli na alang kanato. Apan ang mga pinili lamang

nga katawohan sa Dios maoy takus sa pagpakasabot sa sulod sa maong Basahon. Kini gililong sa mga mata sa dili magtotoo. Si Jesus sa matin-aw miingon sa Mateo 11:25~ “Unya nag-ampo si Jesus, “Amahan, nga tag-iya sa langit ug sa yuta, gidayeg ko ikaw tungod kay ang kamatuoran nga gililong mo sa mga tawo nga giilang maalam ug may taas nga kahibalo, gipasabot mo sa mga tawo nga gamay lang ug kaalam sama sa mga bata.”

Ang hinungdan ngano nga kining basahona gipadayag karon aron ang katawohan sa Dios maandam alang sa ikaduhang pagbalik sa Ginoo. Kong ang imong ngalan wala mahisulat niining Basahona, kinahanglan nga hidunggan mo ang tawag sa katapusang panahon karon ug kobkuba kining mga tinago aron ang imong “pagkapanili ug pagkatinawag masiguro” (2 Pedro 1:10).

### ANG PITO-KA TINIMRIHANG BASAHON

Ang pito-ka tinimrihang Basahon gipakita ni Juan diha sa **Pinadayag 5:1-7**~ “Ug nakita ko, sa toong kamot niadtong naglingkod sa trono, ang usa ka basahong linukot nga may sinulat diha sa sulod ug sa likod niini, nga minarkahan ug pito ka timri.

Ug nakita ko ang usa ka kusgan nga manolunda nga nagapahibalo pinaagi sa makusog nga tingog nga nagaingon, “Kinsa ba ang takus sa pag-abli sa basahong linukot ug sa pagtangtang sa mga timri niini?”

Ug walay mausa sa langit o sa yuta o sa ilalum sa yuta nga arang makaabli sa basahong linukot o sa pagtan-aw sa sulod niini. Ug ako mihilak sa makusog kay walay bisan kinsa nga nakaplagaan nga takus sa pag-abli niini o sa pagtan-aw sa sulod niini.

Unya usa sa mga anciano miingon kanako, “Ayaw paghilak; tan-awa, nagmadaugon ang Leon sa banay ni Juda,

ang Gamut ni David, nga tungod niana makahimo siya sa pag-abli sa basahong linukot ug sa pito ka mga timri niini.”

Ug diha sa kinatung-an sa trono ug sa upat ka mga buhing binuhat ug taliwala sa mga anciano, nakita ko ang usa ka Cordero nga nagtindog nga daw gipatay, nga may pito ka sungay ug pito ka mata, nga mao ang pito ka espiritu sa Dios nga gipadala ngadto sa tibuok nga yuta.

Ug siya miadto ug iyang gikuha ang basahong linukot gikan sa toong kamot niadtong naglingkod sa trono.

Taliwala niining mga simboloha, atong tinoon nga kini walay lain kondili ang atong Ginoong Jesu-Cristo kinsa maoy gihisgotan dinhi ingon nga Nagkadugo nga Cordero, ang Gamot ug Kaliwat ni David, ug ang Leon sa Banay ni Juda, kinsa maoy mikuha sa BASAHON gikan sa trono sa Amahan. Si Jesus lamang kinsa mao ray takus pagkuha ug pagbawi sa Basahon ug sa pagtangtang sa mga timri niini. “Ug nanag-awit sila sa usa ka bag-ong awit nga naga-ingon, Takus ikaw sa pagkuha sa basahong linukot ug sa pag-abli sa iyang mga timri, kay ikaw mao man ang gipatay ug pinaagi sa imong dugo gilukat mo ang mga tawo alang sa Dios, gikan sa tanang kabanayan ug pinulongan ug katawhan ug kanasuran” (Gipadayag 5:9).

Kining maong Basahon mao kadtong giwala ni Adan ug ni Eva didto sa Tanaman sa Eden sa dihang maoy ilang gipili pagkaon ang Kahoy sa Pag-ila sa maayo ug dautan inay nga magpabilindihasaKahoysaKinabuhi.AngBasahongilangkuban sa mga ngalan sa pinili sa Dios sa tanan kapanahunan, sila nga mga pinili ug ginahin nang daan diha kang Cristo sa wala pa matukod ang kalibutan sumala sa **Pinadayag 13:8** ug sila maoy laktod nga katawohan sa pagtubos sa Dios. Sila usab mao ang gihisgotan sa Mga taga Roma 8:29-30~ “Kay sukad pa kaniadto, nasayran na sa Dios kon kinsa ang iyang mahimong mga anak. Ug giplano na niyang daan nga mahisama sila sa iyang Anak nga si Jesus, aron siya ang mahimong kamagulangan sa daghan

*nga mga managsoon. Busa ang mga tawo nga gipili na niyang daan iyang gitawag nga mahimong iyang mga anak; ug ang mga tawo nga iyang gitawag, iya usab nga gipakamatarong; ug ang iyang gipakamatarong, iya usab nga gipasidunggan.”*

### ANG PANAN-AWON NI DANIEL

Ang profeta nga si Daniel nakakita sa BASAHON diha sa panan-awon apan gisultihan sa Dios nga timrihan kini hangtud sa panahon sa katapusan, sumala sa atong mabasa sa mosunod nga mga berseculo: **Daniel 12:4,8,9**~ “*Apan ikaw, Oh Daniel, himoang tinago ang mga pulong, ug takpi ang basahon, bisan pa hangtud sa panahon sa katapusan: daghan ang modalagan ngadto-nganhi, ug ang kahibalo mouswag.*

*Ug ako nakadungog, apan ako wala makasabut: unya ako miingon: Oh Ginoo ko, unsa ba ang katapusan niining mga butanga? Ug siya miingon: Padayon sa imong panaw, Daniel, kay ang mga pulong himoong tinago ug tinakpan hangtud sa panahon sa katapusan.”*

### SI JUAN UG ANG KUSGAN NGA MANOLUNDA

Si Juan nga pinalangga nakakita ug nakadungog sa mga mensahe diha sa Basahon sa dagway sa “pito ka mga dalugdog” ug nakakita sa BINUKSAN NGA BASAHON nga gipadala sa kalibutan pinaagi sa Gamhanang Manolunda sa Pinadayag 10:

**Pinadayag 10:1-4**~ “*Ug unya nakita ko ang laing usa ka manolunda nga kusgan, nga nagakunsad gikan sa langit. Siya sinul-oban ug panganud, ug sa iyang ulo dihay usa ka balangaw. Ang iyang nawong maingon sa Adlaw, ug ang iyang mga bitiis maingon sa mga haligi nga kalayo. Ug sa iyang kamot dihay binuklad nga usa ka gamayng basahon nga linukot. Ug ang iyang too nga tiil diha niya itunob sa dagat, ug ang iyang wala nga*

*tiil diha niya itunob sa yuta, ug siya misinggit sa makusog nga tingog maingon sa usa ka leon nga nagangulob; ug sa pagsinggit niya, mitingog ang pito ka mga dalogdog.*

*Ug sa nakatingog na ang pito ka mga dalogdog, isulat ko na unta kini, apan akong nadungog gikan sa langit ang usa ka tingog nga nag-ingon, “Ililong ang gisulti sa pito ka mga dalogdog, ug ayaw kini isulat.”*

Kini nga panghitabo nagsugod sa pagkahitabo sa tuig 1963 sulod sa atong panahon. Sa Febrero 28, 1963, didto sa ibabaw sa Arizona, U S A., ang pag-abot niining Manolunda nga Kusgan nahitabo. Usa sa Kahibulongang Panganud, nga naghulagway sa dagway ni Jesu-Cristo nga nagporma gikan sa nagpanon nga pito ka mga manolunda, nga mao ang pito ka mga spiritu sa Dios, nga mipakita kang Reverend William Marrion Branham ngadto sa porma sa singsing nga Panganud. Kining pito ka mga manolunda nga gikan sa atubangan sa Dios nagpadayag kang William Branham sa gililong nga mga tinago sa PITO ka mga TIMRI nga gitimrihan sa panahon ni Daniel aron ipahibalo sa katawohan sa Dios diha sa hingpit nga kabubot-on sa Amahan aron sa pag-andam sa umaabot nga paghari ni Jesu-Cristo sa milenyum dinhi sa yuta.

Mao kadto sa diha nga kining pito ka mga manolunda mibiya kang Igsoong William Branham nga ilang giporma kining kahibulongang panganud nga gimantala sa Life Magazine sa ilang Mayo 17, 1963 nga gula, ug sa Science Magazine sa ilang Abril 19, 1963 nga gula, ang orihinal nga gabonon nga pagkapatik nagpakita sa tibuok nawong ni Jesu-Cristo samtang ang hulagway tan-awon gikan sa tuo nga bahin, “*Ug sa taliwala sa mga kandiliro nakita ko ang daw ingog anak sa tawo, nga sinul-uban sa hataas nga bisti, ug may bakus nga bulawan nga gibakus sa iyang dughan*” (Pinadayag 1:13).

## ANG IKA-PITONG MANOLUNDA NGA MENSAHERO

Kong atong ipadayon pagbasa ang mosunod nga mga berseculo sa **Pinadayag 10:1-7**, atong himatikdan nga ang Gamhanang Manolunda, nga mao si Miguel, mihatag sa mga pinadayag sa mga tinago ngadto sa ika-pitong manolunda nga mao ang mensahero ngadto sa Panahon sa Iglesia sa Laodicea. Ang ika-pitong manolunda usa ka yutan-ong mensahero kinsa gisugo sa Dios aron pagtuman sa katapusang bulohaton sa pagpadayag niining mga tinago sa sulod sa pito ka mga timri ngado sa mga pinili sa Dios niining katapusang mga adlaw, ug sa matin-aw gipasabot diha sa **Pinadayag 10:7**~ *“Hinonoa nga sa mga adlaw sa tingog sa trumpeta inighuyop niini sa ikapitong manolunda, pagatumanon na ang tinago sa Dios, sumala sa iyang gipahibalo ngadto sa iyang mga ulipon nga mao ang mga profeta.”*

Gisultihan ni Jesus si Juan nga ipadala kining Basahon ngadto sa pito ka mga iglesia sa Asia. **Pinadayag 1:11**~ *“Nga nag-ingon, “Ang makita mo isulat sa usa ka basahon ug ipadala kini ngadto sa pito ka iglesia, sa Efeso ug sa Esmirna ug sa Pergamo ug sa Tiatira ug sa Sardis ug sa Filadelfia ug sa Laodicea.”*

Ako nang gikasaysay sa miaging mga capitulo nga kining pito ka mga manolunda nga gisugo sa Dios mao ang pito ka mga lalaki nga gipadala sa pito ka mga kapanahunan sa iglesia aron pagdala sa kahayag ngadto sa matag panahon. Ang nahaunang manolunda o mensahero ngadto sa iglesia sa Efeso mao si Pablo. Ang ika-duhang manolunda sa Esmirna mao si Irenaeus. Ang ika-tulong manolunda sa Pergamos mao si San Martin. Ang ika-upat nga manolunda sa Tiatira mao si Columba. Ang ika-lima nga manolunda sa Sardis mao si Martin Luther. Ang ika-unom nga manolunda sa iglesia sa Filadelfia mao si John Wesley. Ang ika-pitong manolunda sa Laodicea walay lain kondili si William Marrion Branham.

Pamatia ang “TINGOG” sa ika-pitong manolunda ug tun-i ang tinago sa mga gililong sa Dios aron mahiapil ka nga takus ug maisip nga makauban sa pagkasakgaw sa dili pa kining kalibutana tunawon panaagi sa kalayo ug pinaagi sa kapungot sa Dios.

## BASAHON NGA BINUKSAN

Alang kanila nga mitoo diha sa Mensahe sa Katapusan nga Panahon, ang pag-abli sa Pito ka tinimrihang Basahon maoy kasaysayan na lamang alang kanato. Kining kahibulongang basahon naabli na alang kanato pinaagi sa pagpamuhat sa profeta nagsugod sa TULO KA HIGAYON nga pag-anhi sa Ginoo.

Nakakat-on ta gikan kang Igsoon Branham nga ang pagsakgaw o sa ikaduhang pag-anhi sa Ginoo mahitabo sa tulo ka higayon: (1) May mahitabo nga “singgit” nga mao ang Mensahe, nga nagtawag sa katawohan sa Dios sa pagpanggula gikan sa Babeloniya nga kalibog. (Gipadayag 18:4 ug Mateo 25:6); (2) Madungog ang tingog sa “arkangel” ug (3) anaay usa ka tingog sa “trumpeta.” Kana sumala sa **I Tessalonica 4:16-17**, *“Kay ang Ginoo gayud mao ang manaug unya gikan sa langit inubanan ug singgit sa pagsugo, ug sa tawag sa punoan sa mga manolunda, ug sa tingog sa trumpeta sa Dios. Ug unya ang mga nangamatay diha kang Cristo mouna sa pagpamangon; ug kita nga mga buhi pa nga mahabilin, pagasakgawon ngadto sa mga panganud uban kanila sa pagsugat sa Ginoo diha sa kahanginan; ug sa ingon niini kita magapakig-uban na sa Ginoo sa tanang panahon.”*

## UNSAY SULOD NIADTONG MGA TIMRI

Ania karon ang usa ka hamubong asoy kung unsay



gililong sa PITO KA TIMRI sumala sa giwali ni Rev. William Branham.

### ANG NAHAUNANG TIMRI-ANG NAGKABAYO SA PUTING KABAYO

**PINADAYAG 6:1-2** nagsaysay sa pagbukas ug sa sulod sa Nahaunang Timri: *“Ug nakakita ako sa diha nga ang Cordero mibukhad sa usa sa pito ka mga timri, ug nadungog ko ang usa sa upat ka mga buhing binuhat nga nag-ingon, sa tingog nga daw dalogdog, “Umari ka!” Ug nakita ko, ug tan-awa, ang usa ka maputi nga kabayo; ug ang nagkabayo niini may pana, ug kaniya gihatag ang usa ka purongpurong, ug siya milakaw nga nagmadaugon ug aron sa pagpanaug.”*

Palihog bantayi nga ang Unang UPAT KA MGA TIMRI, naglangkob sa mga panghitabo nga mahitabo sa sulod sa natudlong panahon sa Pentecostal hangtud sa atong adlaw, sila gipahibalo pinaagi sa UPAT ka mga espirituhanong mga BINUHAT sa Dios. Kini nga mga binuhat (1) mao ang LEON, (2) BAKA (3) DAGWAY sa TAWO, ug ang (4) NAGLUPAD NGA AGILA.

**Pinadayag 4:7** naghigot mahitungod sa mga mananap: *“Ang nahaunang buhing binuhat daw leon, ang ikaduhang buhing binuhat daw baka nga toro, ang ikatulong buhing binuhat may nawong sa tawo, ug ang ikaupat nga buhing binuhat daw agila nga nagalupad.”*

Ang Dios nagpatindog niining mga mananap aron ipakigbatok sa gahum sa upat ka mga magkakabayo, nga mao si

Satanas mismo, nga nagkabayo pinaagi sa pito ka kapanahunan sa iglesia.

Ang NAHAUNANG TIMRI naghigot mahitungod sa PAGPANGLIMBONG ni Satan. Oo, “Puti nga Kabayo” nga naglarawan sa “pagsundog sa Cristianismo.” Daghang mga Biblikanhong magtutudlo latas sa kapanahunan ang nagtoo nga ang nagkabayo sa maputi nga kabayo naglarawan sa Espiritu Santo nga miabot sa iglesia. Apan ang pinadayag sa ika-pitong manolunda nagpamatuod kanila nga sayup. Ang magkakabayo sa Puti nga kabayo mao si Satan, nga nagkabayo uban sa iyang mini nga pagtulon-an diha unang simbahan pinaagi sa “mini nga mga profeta mini nga mga magtutudlo aron paglimbong sa mga pinili kon mahimo pa” (Mateo 24:24).

Himatikdi nga kining magkakabayo anaay “busogan”, apan walay iyang “udyong”. Kini nagpakita lamang nga siya usa ka “limbongan.” Siya usa ka maglilingla ug bakakon. Himatikdi usab nga siya “gikoronahan”. Ang “pagka-kinoronahan” nagpasabot sa pagkatukod sa mga “Buhat sa Nicolaita”, usa ka gahum nga nagdala ug mistizo nga doctrina ug mga kredo nga gipayuhot ngadto sa tinuod nga iglesia sa Dios. Ang “Nicolaita” maoy usa ka Griego nga pinolungan nga ang katumbas gikan sa pulong “*Nikao*,” nagpasabot nga aron “pagpanaug”, sa “*Laus*,” mga alagad sa Dios. Kini nagsugod sa diha nga ang politika nagsugod sa paghugawhugaw sa simbahan ug mipauswag sa “tawo-labaw sa tawo hirarkiya” mga tawo nga masupilon (mapintas nga mga lobo nga nagtakoban sa pagka-carnero) nga nanglupig sa iglesia sa Dios pinaagi sa pagpanudlo sa pagtulon-an sa tawo mga kredo ug mga kalagdaan.”

Uban sa pagsugod sa Nicolaitanismo, ang pagpangulo sa Espiritu Santo giilisan sa tawhonong hirarkiya. Ang lunsay nga Pulong sa Dios ug ang libre nga kaayohan alang sa tanang tawo gipalagpot tungod sa mga kredo, ug mga kalagdaan, ug mga kalagdaan sa simbahan. Ang pagsimba diha sa Espiritu ug



sa mga Gasa sa Espiritu ug ang tanan mahitungod sa tinuod nga katilingbanon nga panaghiusa sa mga balaan gipanglabay tungod sa liturhiya ug sa literal nga pagsimba sa larawan ug mga fiesta sa mga pagano. Ang mga tawo misugod sa pagpakigtigi tungod sa buhatan sa Obispo uban sa resulta nga kining maong katungdanan gikatugyan ngadto sa labawng edukado ug sa materyal mauswagon ug politikanhong salabatanon nga tawo. Ang tawhonong kaalamn ug programa misugod sa pag-ukopar sa dapit sa Langitnong kaalam ug ang Espiritu Santo wala na makapugong. Kini nahimo nang makalilisang nga kadaotan, tungod kay ang mga Obispo nagsugod na man pagpanglihok nga wala na itugot ang dayag nga Cristohanong pamatasan ngadto sa ministro bisan sa Pulong o kaha sa mga katungdanan sa simbahan tungod kay kadto ang mga elemento ug ang mga seremonyas sa simbahan nga madawat. Kini nagtugot sa daotang mga tawo (mga malimbungon) sa pagbahin sa panon.

Gikasuk-an sa Dios ang ingon nianang sistemaha nga tinawhonon, ingon nga kalig-onan diha sa Iyang mga Pulong diha sa **Gipadayag 2:6**~ *“Hinoon adunay pabor kanimo nga mao kini, nga ginadumtan mo ang mga buhat sa mga Nicolaita, nga ginadumtan ko usab.”*

Maingon nga ang tanang Israel DILI Israelinhon, busa ang tanang mga Cristianos DILI Cristohanon. Sa ingon niini atong hingkat-onan nga ang iglesia gimugna sa duha ka balagon, ang tinuod ug ang mini. Ang duha ka mga balagon gipalihok sa duha ka matang nga espiritu; ang usa anaay Espiritu Santo samtang ang lain gigamhan sa espiritu ni Anti-cristo. Maingon nga ang profeta nagpakita kanato nga ang ‘Anticristo’ nagkahulogan nga supak sa Pulong busa kining mini nga mga profeta miabot nga nagbalit-ad sa Pulong, nga naghatag niini sa kahulogan nga mohaum sa ilang kaugalingon yawan-on nga katapusan. Imo na bang hingmatikdan kong giunsa sa

katawohan ang pagdala sa ubang tawo sa pagkahisalaag nga nagbugkus kanila nga mahiduol sa ilang kaugalingon pinaagi sa kahadlok. Sila magaingon nga kung ang katawohan dili mobuhat kong unsay ilang giingon, ug kong ilang pasagdan, nan ang kalaglagan magasunod. Sila mini nga mga profeta, tungod kay ang tinuod nga profeta kanunayng magahatud sa usa ngadto sa Pulong ug bugkason ang katawohan ngadto kang Jesu-Cristo ug dili niya sultihan ang katawohan nga mahadlok kaniya o kong unsay iyang isulti, kondili mahadlok kung unsay gisulti sa Pulong (~WMB, Seven Church Ages Book).

Ang tibuok panahon nga natalid alang sa Unang Timri nagpasabot nga nagsunod sa pagpamuhat ni Apostol Pablo sa iyang pagsugod sa pagpamuhat ngadto sa mga Gentil, nga nagsugod sa Panahon sa Iglesia sa Efeso. Ang **MAGKAKABAYO SA PUTI NGA KABAYO** walay lain kondili ang espiritu ni **ANTICRISTO**, nga nagdala sa pagpanuhid sa Kamatuoran, nga naningkamot sa paglimbong sa pinili kon mahimo pa.

Kining daotan nga gahum sa Magkakabayo sa Maputing Kabayo giaway pinaagi sa Espiritu sa LEON nga gikan sa Dios. Ang “Leon” nga maoy unang mananap nga nagpahibalo sa pagbukas sa nahaunang timri, nga naghulagway sa **KAISOG sa pagwali sa Maayong Balita**”. Kining mananaug nga espiritu gibuhian pinaagi kang Apostol Pablo, aron pagsukol sa gahum niining magkakabayo sa maputi nga kabayo. Kadto maoy kalig-onan nga si Pablo dili mahadlok sa pagwali sa Maayong Balita. Iyang gibadlong ug gisaway ang tanan nga nangangkon nga mga Cristohanon apan mini. Kining kaisog ni Pablo maoy bunga sa iyang pagwali sama sa iya sa **Mga Taga-Galacia 1:8**-*“Apan bisan pa kon kami, o usa ba ka manolunda nga gikan sa langit, magawali kaninyog Maayong Balita nga supak sa amo nang gikawali kaninyo, ipatunglo siya.”*

## ANG IKADUHANG TIMRI—ANG MAGKAKABAYO SA PULA NGA KABAYO

**PINADAYAG 6:3-4**~ “Ug sa pagbukhad niya sa ikaduhang timri, nadungog ko ang ikaduhang buhing binuhat nga nag-ingon, “Umari ka!” Ug migula ang lain na usab nga kabayo nga mapula; ug ang nagkabayo niini gitugotan sa pagwagtang sa pagdinaitay gikan sa yuta, aron ang mga tawo magpinatyanay ang usa sa usa; ug siya gihatagan ug usa ka dakung espada.”

Ang IKADUHANG TIMRI nagpadayag sa MAGKAKABAYO SA MAPULA NGA KABAYO. Mao ra kadto nga magkakabayo si Satanas ra usab mismo, igo lang mag-ilis ug kabayo gikan sa “Puti ngadto sa Pula”. Mao kana ang misunod nga ang-ang sa dalan ni Satanas. Kadto maoy katumanan sa profesiya diin ang mga Cristohanon pagalutoson tungod sa ilang pagtoo sumala sa nahisulat sa **Mateo 24:9** nga naghisgot, “Unya ila kamong itugyan ngadto sa mga kasakitan, ug ipapatay kamo nila; ug pagadumtan kamo sa tanang kanasuran tungod sa Akong ngalan.”

Ang “Pula” nga Kabayo nagkahulogan sa mga paglutos ug kasakitan nga naghatud ngadto sa Balaang Pagpamatay sa Roma. Mao kadtong panahona nga ang Romanhong Simbahan nagsugod sa pagpanglutos sa mga Cristohanon. Minilyon sa mga Cristohanon ang gipangsunog diha sa usok, gipakaon sa mga leon, ug gipanagsakit hangtud sa kamatayon sa Simbahang Romano Catoliko nga bisan gani giapil si **Joan sa Arc** ug si **San Patrick**.

Sumala sa giasoy sa kasaysayan, sukad sa panahon ni San Agustin sa 300 A D hangtud sa AD 1850, 68 milyones ka mga

Protestante ang gipamatay sa Simbahang Romano Catoliko tungod sa wala pagsunod sa ilang doctrina. Kining panahona ang pagsakay sa “Mapula nga Kabayo” aron sa pagpamatay kanilang tanan uban sa espada sa kasakitan.

Ang sistema sa Nicolaita nagpadayong miuswag hangtud niining panahona. Kini mipalagpot sa matarung mga magtutudlo ug nagsunog sa mga basahong linukot. Ang mini nga iglesia miingon, “Gikinahanglan ang pinasahi nga kaalam sa pagbasa ug sa pagsabot sa Pulong. Oo bisan pa si Pedro miingon nga daghang mga butang ang gisulat ni Pablo nga malisod sabton.” Diin gikuhaan ang Pulong gikan sa katawohan, ug dayon miabot sa katawohan nga naminaw lamang kung unsay giingon sa pari, ug nagbuhat kong unsay gisulti kanila. Ilang ginganlan nga ang Dios ug ang Iyang balaan nga Pulong. Ilang gipanguha ang mga hunahuna ug ang mga kinabuhi sa tawo ug naghimo kanila nga mga ulipon sa mahari-harion nga mga pari. Kadtong nakig-away niining makalilisang nga antiCristo nga simbahan mahiagum sa pagkalaglag. Kadtong nagpabilin uban niini makita nila ang ilang kaugalingon nga pasalig sa simbahan bisan kon sila mga mag-uuma o mga hari. Ang ilang mga kinabuhi dili ilang kaugalingon, ug bisan pa kung ang ilang kinabuhi iya ni Cristo, apan ang ilang naangkon nga lawas, ug kalag, ug espiritu iya sa Simbahan sa Roma.

Ang ngalan, Cristohanon, nga sa sinugdanan nagdala sa mga paglutos, karon nahimo nang ngalan sa mga maglulotos. Dinhi niining panahona nga si **Agustin sa Hippo** (354-430) mipahimutang sa lagda nga kinahanglan sa iglesia mogamit ug gahum kon mahimo pa aron dad-on ang iyang mga anak dad-on pagbalik ngadto sa toril, ug nga kadto mahisibo sa Pulong sa Dios aron pamatyon ang mga herehiya ug mga nanagpanibog. Kong gusto ninyong itandi sa mga sinulat ni Schmucker, ang kang Schmucker “Ang Mahimayaong Reformasyon,” ania karon kong unsay gisulti niini, nga “Sukad sa panahon nga si



San Agustin sa Gippo mipasa nianang paghukom ngadto sa Simbahang Catoliko, kini mipadaku pag-abli sa pultahan alang kanila aron sa pagpamatay ni bisan kinsa nga kinahanglan ilanghigustohan, kanila nga nagalimod sa paganong simbahan. Ug sukad sa panahon ni San Agustin, hapit magtulo ka gatus ka tuig human kang Cristo hangtud sa 1850, ang dakung pagpamatay didto sa Ireland, dihay 68 milyones ka mga Protestante ang gipamatay sa Simbahang Catoliko.” Nahipatik kini diha sa Romanhong pagpang-marter.

Apan samtang si Satanas pinaagi sa Romanhong simbahan nagpadayon sa pagpangdaot sa mga Cristohanon sa panahon sa Esmirna, Pergamo ug sa Tiatira nga kapanahonan, ang iyang daotan nga gahum dihadiha gibabagan pinaagi sa hataas nga sukod sa Dios—ang ikaduhang MANANAP, ang NATING BAKA—nga mao ang espiritu sa usa ka “mananap sa lulan, ang mananap sa pag-antus.” Ang mga balaan sulod niadtong panahona masinugtanon nga mitugyan sa ilang mga kinabuhi alang sa Maayong Balita bisan kong unsa pay mahitabo. Kadto gihatag ngadto sa mga Cristohanon niadtong panahona nga sila magbaton sa “BAKA” nga espiritu, nga modala sa “lulan sa pag-antus” hangtud sa kamatayon. Bisana pa kon sila gilutos, gisakit, gisunog sa mga usok, gipakaon sa mga leon, sa gihapon maisog pa sila ug mga matinumanon hangtud sa kamatayon, nga nanugyan sa ilang mga kinabuhi nga malipayon tungod lamang sa Pulong sa Dios. Sa pagkatinuod ang MAPULA NGA KABAYO gikabay-an sa usa ka gutom sa dugo nga yawa.

**Hebreohanon 11: 36-38~** “Ang uban nanag-antus sa mga pagbiaybiay ug mga paghampak, ug bisan pa gani sa mga talikala ug sa mga pagbilanggo. Gipanagbato sila, gipanagpamutol sila pinaagi sa gabas, gipamatay sila pinaagi sa ispada; sila nanagpanglakaw nga nanagsaput ug mga panit sa mga karniro ug mga kanding, nanag-antus sa kawalad-on, mga sinakit, mga dinagmalan--nga kanila ang kalibutan dili takus--

*nahadiindiin sila sa mga kaawaawan ug mga kabukiran, sa mga lungib ug mga langub sa yuta.”*

## ANG IKATULONG TIMRI—ANG MAGKAKABAYO SA MAITOM NGA KABAYO

**PINADAYAG 6: 5-6~** “Ug sa pagbukhad niya sa ikatulong timri, nadungog ko ang ikatulong buhing binuhat nga nag-ingon “Umari ka!” Ug nakita ko, ug tan-awa, ang usa ka maitom nga kabayo; ug ang nagkabayo niini may timbangan diha sa iyang kamot. Ug nadungog ko ang daw usa ka tingog nga diha sa taliwala sa upat ka mga buhing binuhat, nga nag-ingon, “Kinahanglan usa ka denario ang bili sa usa ka litrong trigo, ug kinahanglan usa ka denario ang bili sa tulo ka litrong cebada; apan ayaw pag-unsaa ang lana ug ang bino.”



Ang IKATULONG TIMRI nagpadayag sa pag-abot sa MAGKAKABAYO SA MAITOM NGA KABAYO. Si Satanas wala matagbaw sa pagpanglutos lamang sa mga Cristohanon, dinhi iyang giilisan na usab ang iyang kabayo gikan sa Mapula ngadto sa Maitom. Nagpailaila sa bag-ong pamaagi sa pagpangusmo sa kinabuhi sa mga Cristohanon sa panahon sa nanagsunod nga kapanahonan- Ang iya sa Sardis ug sa Feladelfia nga kapanahonan.

Ang “MAITOM” maoy usa ka kolor nga nagkahulogan sa “kadalo ug pagpatuyang” sa Simbahan sa Romano Catoliko. Ang Simbahang Catoliko nagsugod sa pagpabayad sa mga novena, ug nagpabayad ug mga salapi aron haw-ason ang mga kalag gikan sa Purgatoryo, samtang walay ingon nga butang Purgatoryo diha sa Biblia. Ang Romanhon nga santo papa

nagsugod sa pagpamaligya sa mga “indulhensiya” ngadto sa mga sapian, paghalad sa kabtangan sa simbahan ingon nga maoy ilis sa mga kabtangan, bulawan ug yuta. Kini naglarawan sa “TIMBANGAN” nga maoy gikuptan sa Magkakabayo sa Maiton nga Kabayo nga gikuptan diha sa kamot.

Ang Romanong simbahan misugod sa pagpangdawat sa mga katigayonan gikan sa mga katawohan ingon nga ilis sa espirituhanong kalooy. Ang kinatibuk-ang butang nagsaysay sa pinulongan KINAHANGLAN USA KA DENARIO ANG USA KA LITRONG TRIGO, ug kinahanglan usa ka denario ang bili sa usa ka litrong cebada”. Ang Romanong simbahan misugod pagtimbang sa mga kinahanglanon nga iyang makuha gikan sa katawohan ug naghimo sa kaluwasan nga mahal nga “palaliton.” Ilang gihimo ang relihiyon nga usa ka dakong negosyo ug sila nagtudlog mga credo ug kalagdaan nga supak na tawhonong kaisipan inay nga sa lunsayng naa sa Biblia. Sila nagtudlo nga ang mga tawo maluwas lamang pinaagi sa “mga buhat” ug “pagkamasinugtanon” diha sa pagtulon-an sa Catoliko nga simbahan, inay nga pinaagi sa pagtoo diha sa pagtoo sa Pulong.

Ang may maarangan kanila nakakita niini nga malipayong pagkabutang sa diha nga si **Papa Leo X** nagtugot kanila sa pagpalit sa mga indulhensiya alang sa mga sala nga wala pa mangabuhat aron sila sa tumang kasayon sa konsensiya makaplano sa ilang mangilngig nga kriminalidad ug unya magpadayon sa pagbuhat kanila, sa hingsayran nila nga ang papa mihatag na kanilag kapasayloan sa ilang mga sala. Ang Pulong sa Dios gipahilayo gikan kanila, busa kinsa man kanila ang mahibalo sa kamatuoran! Maingon nga kamatuoran magaabot man lamang gikan sa Pulong, ang katawohan gipangsirhan diha sa gahong sa Romanhong Simbahan, nga naghulat sa kamatayon, ug human sa kamatayon mao ang paghukom. Apan ang bantugang bigaon, nahubog sa dugo sa mga marter ug sa walay pag-isip sa paghukom, gilambud sa kapintas aron

pamatyon ang kalalaken-an dungan sa espirituhanon ug lawasnon nga kamatayon.

Apan dinhi niining panahona, ang katawohan sa Dios dili gayud mangapildi. Ang Dios nagpatindog na usab ug sulondan sa usa ka tinuod nga Cristohanon pinaagi sa paghatag kanila sa espiritu sa usa ka “TAWO”. Ang “Tawo” may hiyas sa “kaalam ug kahibalo”. Ang Tawo “batid”. Ug tungod niini, kining panahona nagsugod sa PANAHON sa mga “ROFORMADOR.” Mao kadto ang “Panahon sa Reformasyon.” Usa ka BINUKSAN NGA PULTAHAN ang gibutang sa Dios sa atubangan sa mga Cristohanon niining panahona aron sangyawan ang tibuk kalibutan uban sa kamatuoran sa Biblia. **Ang Pinadayag 3:8** nag-ingon, “*Nasayud ako sa imong mga nabuhat. Tan-awa, gibutang ko sa imong atubangan ang usa ka pultahan nga inablihan, nga walay bisan kinsa nga makasira. Nasayud ako nga ikaw diyutay rag kusog, ngani gibantayan mo ang akong sulti ug wala mo ilimod ang akong ngalan.*”


Mao usab kadto ang panahon sa “panagbulag sa simbahan ug sa nasud” sa katapusan sugo nga usa ka balaod. Kini nahimong dalan alang sa reformasyon sa simbahan pinaagi sa tawo nga puno sa Espiritu Santo. Mao usab kadtong panahona ang pagkamugna sa “Pamantalaan” nga namugna sa Germany sa usa ka tawo nga nailhan kang **Gutenberg**. Kini naghatag ug dalan alang sa mga Biblia nga mahipatik pag-usab diin naghatag ug dalan alang sa kamatuoran nga mogawas.

Kining panahona mao usab kini ang panahon ni **Martin Luther**, usa ka pari nga Catoliko kinsa misupak sa Simbahan nga Romano Catoliko pinaagi sa pagbutyag sa mga pag-abuso sa mga papado ug sa iyang mini nga mga pagpanudlo pinaagi sa iyang “95 ka sinulat lantugionon”. Siyay nangulo sa pagpapatik sa mga Biblia sa maong panahon. Iyang gipaila ang doctrina sa “pagkamatarung”, nga nagtudlo sa katawohan nga “ang matarung mabuhi pinaagi sa pagtoo.”

Kining panahona mao usab ang panahon ni **John Wesley**, kinsa nagpaila sa “pagkahinlo” o “pagkabalaan” alang sa iglesia sa buhing Dios. Ang ubang inila nga mga ebanghilista nga mitungha dinhi niining panahon sa “TAWO” mao kadto sila ni **Knox, Calvin, Moody, Sankey, Finney**, ug daghan pang uban. Kining mga tawohana mipalanog sa inhustisiya sa Catolikong Simbahan ug mibulgar sa binuang sa ilang pagpanudlo. Sa pagkatinuod “ayaw paghilabti ang akong dinihogan” mao kana ang mensahe sa Dios ngadto sa YAWA. Ang mga berseculo nga “ayaw pagtandoga ang lana ug ang bino” anaay espirituhanon pagpaila. Ang “Lana” nagkahulogan sa “dihog” sa Espiritu Santo nga gihatag sa Dios niini nga mga reformador. Samtang ang “bino” nagkahulogan sa “pagpadasig sa pinadayag” nga kining mga tawohana nakasinati sa pagkasayud ug paghatag sa kamatuoran sa ilang panahon.

#### ANG IKA-UPAT NGA TIMRI—ANG MAGKAKABAYO SA LUSPAD NGA KABAYO

**PINADAYAG 6:7-8~** “Ug sa pagbukhad niya sa ikaupat nga timri, nadungog ko ang tingog sa ikaupat nga buhing binuhat nga nag-ingon, “Umari ka!” Ug nakita ko, ug tan-awa, ang usa ka maluspad nga kabayo, ug ang nagkabayo niini ginganlag Kamatayon, ug ang Hades nagsunod kaniya; ug kini sila gihatagan ug kagahum aron ilang dag-on ang ikaupat ka bahin sa yuta, sa pagpamatay pinaagi sa espada ug sa gutom ug sa kamatay ug pinaagi sa mapintas nga mga mananap sa yuta.”



Ang Ika-upat nga Timri nagbutyag sa usa ka Magkakabayo sa Luspad nga Kabayo. Kini maoy katapusang

pagsakay ni Satanas sa panahon sa pito ka kapanahunan sa iglesia sa Gentil.

Ang color nga “LUSPAD” kini walay lain kondili ang usa ka pagkasagol sa “puti, pula ug itom”. Mao kini ang hiniusang mga kosug sa gahum ni Satanas gisagol ang PUTI (usa ka paglimbong), PULA (paglutos) ug ITOM (espirituhanong gutom) ngadto sa PAGKA-USA.

Mao kana ang AntiCristo nga mipadulong ngadto sa usa ka mini nga profeta, misakay sa iyang katapusang tunob ang iyang katapusang ang-ang sa pagdumala sa iyang katawohan ngadto sa “Marka sa Mapintas nga Mananap” nga nahitabo na sa atong panahon karon.

Hinumdumi nga ang “Kamatayon ug hades nagsunod kaniya”. Kini naghigot tali sa duha ang natural ug espirituhanon nga kamatayon. Ang pagdawat sa iyang mga pagpanudlo, kalagdaan ug mga kredo, nagkahulogan sa kamatayon ug sa “dayon nga pagkahimulag” gikan sa Dios.

Espada, gutom, balatian, ug kamatay mao kana ang kang Satanas gidala sa mga katawohan karon diha sa iyang katapusang pagsakay, usa ka tinuod nga katumanan sa **Mateo 24:7~** “Kay managgubat ang nasud batok sa nasud, ug ang gingharian batok sa gingharian, ug mahitabo ang mga gutom ug mga linog sa nagkalainlaing mga dapit.”

Ang MAGKAKABAYO sa LUSPAD nga KABAYO nagsakay dinhi sa atong panahon karon, maoy nagpadagan sa politika, kasundalohan, ekonomiya ug relihiyon. Siya mao ang “princepe” sa gahum sa kalangitan. EFESO 6:12 naghigot, “Kay ang atong pakigdumog dili batok sa mga binuhat nga unod ug dugo, kondili batok sa mga punoan, batok sa mga kagamhanan, batok sa mga labawng agalon niining mangitngit nga kalibutan karon, batok sa mga dautan nga espirituhanong panon diha sa mga dapit sa kalangitan.”

Apan ang Dios dili mahimong pildehon ni Satanas.

Ang Dios dinhi niining katapusang panahon, nagpatindog sa Iyang sukdanan sa makausa pa pinaagi sa paghatag sa iyang katawohan ug gahum sa pagpakadaug sa mga dautan nga iya sa **MAGKAKABAYO SA LUSPAD NGA KABAYO**. Ang Dios naghatag sa mga Cristohanon niining panahona sa gahum sa “**NAGALUPAD NGA AGILA**”—ang espiritu sa “profetanhong pagpanglitok”, ang espiritu sa pagpakahimo gihatag ngadto karon sa mga magtotoo aron pagkalot pailalum sa pinadayag sa Dios, aron paglupad pataas ug pagsabot sa mga halalum nga tinago sa Biblia, hangtud nga ang usa mapuno sa Espiritu Santo andam alang sa ‘pagdagit’ diha sa pagsakgaw! Kini mao ang atong panahon, mga higala. Ang Panahon sa Agila.



### ANG IKALIMANG TIMRI-MGA KALAG ILALUM SA HALARAN

**PINADAYAG 6:9-11**~“Ug sa pagbukhad niya sa ikalimang timri, nakita ko nga sa ilalum sa halaran diha ang

mga kalag sa mga gipamatay tungod sa pulong sa Dios ug tungod sa pagpanghimatuod nga ilang gihimo. Ug sila nanagsinggit



sa makusog nga tingog nga nag-ingon, “O Labawng Magbubuot nga Ginoo, balaan ug tinuod, unsa ba kadugay ang dili pa nimo paghukom sa mga nanagpuyo sa yuta ug pagpanimalus batok kanila tungod sa among dugo?” Unya ang matag-usa kanila gihatagan ug maputi ug tag-as nga bisti ug gisugo sa pagpahulay una sa makadiyot, hangtud mahusto na ang gidaghanon sa ilang mga masigkaulipon ug mga kaigsoonan nga pagapatyon usab maingon kanila.”

Ang **IKALIMANG TIMRI** nagpadayag sa mga **KALAG ILALUM SA HALARAN**. Kini sila mao ang mga Judio nga nangamatay ilalum sa kapintas ni **Eichmann, Hitler, Stalin, ug Mussolini** panahon sa Pagpangsunog sa mga Judio. Atong mabasa dinhi sa mga berseculo nga sila nangayo ug panimalus ug nagtuwaw alang sa panimalus batok sa kapintas ilang nadawat gikan niining mga dictador sa dihang gipamatay sila, gipangsakit diha sa lawak sa gas ug diha sa mga talay sa mga pusilonon.

Oo, sila nanagkupot sa “Balaod ni Moises”, nga mao ang pulong sa Dios alang kanila. Ug alang sa panghimatuod nga ilang gikuptan ingon nga mga ‘Judio’, sila gipangpatay ug gipanagsakit ug ania karon sila mao ang mga “kalag ilalum sa halaran”.

Si Igsoong Branham naghulagway kanila sa mga mosunod, “Kining mga kalag nga gipanagsakit dinhi, tinuod nga mga Judio, sila may mga ngalan diha sa Basahon sa Kinabuhi, sila nagkinabuhi sa matarung nga kinabuhi, ug nagbuhat sa maayong mga butang, nagkinabuhi sa husto; ug sila gipanagsakit ni Eichmann ug daghan pang uban. Matinud-

anon nga mga katawohan, minilyon kanila didto ug sila nga mga German mipusil kanila hangtud nga mamatay ug mibuno kanila, ug mipatay kanila, ug mibitay kanila sa mga koral, ug misunog kanila, ug miugdaw kanila ug sa lain pang butang. Kadtong dili dugoon, gutom sa pagpadugo sa kasingkasing. Si Hitler, si Stalin ug Mussolini ug silang mga katawohan nga nagdumot sa mga Judio... Ang Dios nagpagahi sa mga kasingkasing niining mga dectador aron pamatyon kining mga Judio, sama nga gipagahi sa Dios ang kasingkasing ni Faraon niadtong panahon sa pagpamiya sa mga Judio. Kay ngano man? Kana tungod kay anaa man sila, sa pagkabuta kaniadto, gipatay ang ilang kaugalingong Mesiyas, ug ania karon ila nang giani kung unsay ilang gitanum. Sad-an sila sa pagpatay, busa gipamatay usab, sila.” Atong mahinumduman nga kining mga Judioha naninggit sa panahon ni Jesus, “ilansang Siya sa Krus! Ipapaningil ang Iyang dugo kanamo ug sa among mga kabataan.” Ug karon ania na, ilang naani ang unsay ilang gipangayo.

Apan gisaad kanila sa Dios sa paghulat kadiyot sa ilang DUHA ka mga profeta-si Moises ug Elias diha sa Pinadayag 11. Kining duha ka mga profeta maoy motawag sa ilang mga kaigsoonan, 144,000 ka mga Judio nga pagatawgon gikan sa pagka-Judaismo balik ngadto sa tinuod nga Maayong Balita sa atong Ginoong Jesu-Cristo sa panahon sa kasakitan, sa dili pa panimaslan sa Dios ang ilang mga dugo batok kanila nga mipatay kanila. Kining katapusang panimalus mahitabo sa panahon sa Gubat sa Armageddon sa diha nga ang Dios makig-away alang sa Israel sa mga salin nga mga Judio batok sa Gog ug Magog—Russia, Iran, ug sa mga Arabo kinsa modasmag sa Israel, kauban sa bantugan nga Babayeng Bigaon ug sa iyang mga anak nga babaye paingon sa Ikatulong Gubat sa Kalibutan (Pinadayag 19:11-16).

## ANG IKA-UNOM NGA TIMRI—ANG PANAHO SA KASAKITAN

**PINADAYAG 6:12-17**~“Ug sa pagbukhad niya sa ikaunom nga timri, mitan-aw ako, ug ania karon miabut ang usa ka dakung linog; ug ang Adlaw nahimong maitom ingog panapton nga hinimog maitom nga balhibo, ang tibuok nga Bulan nahimong daw dugo, ug ang mga bitoon sa langit nangatagak sa yuta maingon sa pagpangatagak sa mga bungang luyat sa kahoyng higira sa diha nga kosokosohon na kini sa makusog nga hangin. Ang langit nahanaw maingon sa usa ka basahon nga gilukot, ug ang tanang kabukiran ug kapuloan nangabalhin gikan sa ilang matag-usa ka dapit. Ug unya ang mga hari sa yuta ug ang mga kadagkuan ug ang mga heneral ug ang mga dato ug ang mga kusgan, ug ang matag-usa, ulipon ug tawong gawas, mitago sa mga langub ug sa mga pangpang sa kabukiran, ug nanag-ingon ngadto sa kabukiran ug kapangpangan, “Tumpagi kami ug taboni kami gikan sa nawong sa nagalingkod sa trono, ug gikan sa kapungot sa Cordero; kay nahiabut na ang dakung adlaw sa ilang kapungot, ug kinsa bay arang makabangbang niini?”



Ang ika-unom nga timri tulo ka pilo. Nahauna, mao kana ang PANAHO SA KASAKITAN, ang paghinlo sa kinaiyahan. Mga Linog, mga tsunami, pagpamuto sa bulkan, mga bombang nucleyar, maoy mohinlo sa kalibutan aron iandam alang sa umaabot nga paghari ni Jesu-Cristo sa milenyum.

**2 Pedro 3:10-12**~ “Apan ang adlaw sa Ginoong moabut sama sa usa ka kawatan, ug unya ang mga langit mawagtang uban sa dakung dinagook, ug ang mga kasugdanan sa kalibutan



*mangatunaw sa hilabihang kainit, ug pagasunogon ang yuta ug ang mga buhat nga ania niini. Sanglit kining tanang mga butanga pagatunawon man sa ingon, pagkakinahanglanon gayud diay nga magkinabuhi kamo sa pagkabalaan ug pagkadiosnon, nga magapaabut ug magapadali sa pag-abut sa adlaw sa Dios, nga tungod niini pagaduslitan ug pagatunawon ang mga langit, ug ang mga kasugdanan sa kalibutan mangatunaw sa kalayo!”*

Ang Ikaduha, mao kana ang panahon sa paghinlo sa mga BOANG-BOANG NGA BERHIN sa Mateo 25. Ang mga boangboang nga berhin mao kadtong mga Cristohanon nga nanghibilin, nga wala makakuyog sa pagsakgaw. Ilang nasipyat ang pagpamati sa Katapusang Mensahe, ug hingkabsan sila sa “LANA” o sa bautismo sa Espiritu Santo maoy hinungdan nga sila nanghibilin, nga nanagpanghilak, ug nanagkagot ang mga ngipon. Sila pangayamon sama sa mga iro sa mga Anticristo ug pagasakiton hangtud sa kamatayon sa panahon sa Kasakitan. Ilang iula ang ilang dugo aron makuha nila ang ilang kaluwasan.

Ang Ikatulo, kini mao ang PAGTAWAG SA 144,000 ka mga Israelinhon sa pagbalik sa matuod nga Maayong Balita ni Jesu-Cristo. Kung ang Dios matapos na kanato nga mga Gentil, Siya mobalik sa mga Judio ug ablihan ang ilang mga mata alang sa tinuod nga Maayong Balita sa kaluwasan. Ang Dios mopadala sa Iyang duha ka mga profeta, si Moises ug si Elias (ang duha ka mga kahoyng olibo sa Pinadayag 11), aron pagtawag sa mga pinili sa Israel. Si Jesus magwali kanila ug sila modawat Kaniya ingon nga ilang Mesiyas. Kining hitaboa mahisama sa iya ni Jose nga nagpaila sa iyang kaugalingon pag-usab ngadto sa iyang mga igsoon, apan diha sa gilagbasan sa lansang nga mga kamot, samtang sila nagbangotan nga nagsul-ob ug mga sako uban sa mga luha sa ilang mga mata, miila nga kadto si JESU-CRISTO gayud nga mao ang ilang gilansang kinsa mao ang ilang matuod ug tinuod nga Mesiyas.

## ANG IKAPITONG TIMRI—ANG PAGBALIK SA GINOO

**PINADAYAG 8:1**~ “Ug sa giabrihan sa Cordero ang ikapitong timri, dihay kahilum sa langit sulod sa may tunga sa takna.”

Si Rev. Branham nag-ingon niini, “Ang Pito ka tinimrihang Basahon giablihan sa panahon sa Pito ka mga Dalugdog diha sa Pinadayag 10” (~Ang Gintang). Kita, makaingon nga ang Pinadayag 10 mao kanang IKAPITONG TIMRI.

Sa diha nga ang IKAPITONG TIMRI giablihan, kini nagpadayag sa KUSGAN NGA MANOLUNDA nga nanaug uban sa INABLIHAN NGA BASAHON (Mabasa sa Pinadayag 10:1-6). Ug dihay kahilum sa langit sulod sa tunga sa takna. Dihay KAHILUM sa langit tungod kay walay mga manolunda nga nag-awit tungod kay si Cristo nanaug dinhi sa yuta niining panahona nga nagdala sa INABLIHAN NGA BASAHON ngadto sa ikapitong manolunda sa Dios—mensahero didto sa Bukid sa Pagsalopan sa Adlaw. Gikan sa usa ka nagkadugo nga Nating Carnero, Siya nahimong usa ka LEON usa ka nagangulob, nagpadayag sa tinago sa “pito ka mga dalugdog” ngadto sa Iyang profeta.

Si Reverend Branham mihatag kanato niining kasayuran kung unsa kining “ANG PITO KA MGA DALUGDOG” nga gihisgotan: “Karon kining mensahero sa Malaquias 4 ug Pinadayag 10:7 maghimog duha ka mga butang. Nahauna: Sumala sa Malaquias 4 iyang pabalikon ang mga kasingkasing sa mga bata ngadto sa mga amahan. Ikaduha: Iyang ipadayag ang mga tinago sa pito ka mga dalugdog diha sa Pinadayag 10 nga mao ang ‘pinadayag sa sulod sa pito ka mga timri’. Kini mao ang Langitnong nadayag nga mga tinago nga kamatuoran’ nga tinuod nga nakapabalik sa mga kasingkasing sa mga anak ngadto



sa *Pentecostal nga mga amahan. Husto gayud*". (~Panahon sa Iglesia Laodicea Capitulo 9).

*"Kining Pito ka tinimrihang Basahon gipadayag sa panahon sa Pito ka Dalugdog sa Piandayag 10."* (~Ang Gintang)

Ang pito ka mga dalugdog, nan, mao ang 'tinago-nga mga kamatuoran' nga anaa sa PITO KA MGA TIMRI. Mao kana sila ang "tinago nga mga kamatuoran" nga nagadala sa makapasakgaw nga pagtoo sa iglesia. Ang pito ka mga timri usa lamang ka tabon sa Basahon, apan ang anaa sa sulod nianang mga timri mao ang pito ka dalugdog, maingon nga mabasa ta sila sa ibabaw.

Karon ato nang masuta nga ang nahaunang "tinago nga dalugdog" mao kanang Magkakabayo sa Maputing Kabayo." Kinsa man kining magkakabayo sa maputi nga kabayo? Kaniadto, nagtoo ta nga kadto mao ang Espiritu Santo. Karon, human sa pagkaabli sa mga timri, atong hingsabtan nga kadto mao ang espiritu ni Anticristo nga gikoronahan ingon nga usa ka doctrina sa Nicolaita. Mao kadto ang "tinago nga kamatuoran" sa likod sa nahaunang timri.

Ang ikaduhang tinago sa dalugdog nga gibutyag kong kinsa ang "Nagkabayo sa Mapula nga Kabayo." Ug unya, ang ikatulong tinago nga dalugdog nga gipadayag kung kinsa ang "Magkakabayo sa Maitom nga Kabayo". Ang ikaupat nga tinago nga dalugdog nga gipadayag kung kinsa ang "Magkakabayo sa Luspada nga Kabayo". Ang ikalimang dalugdog nga tinago nagpagdayag kong kinsa ang mga "Kalag Ilalum sa Halaran". Ang ikaunom nga dalugdog nga tinago nagpadayag sa "Panahon sa Kasakitan".

Ug ang ikapitong dalugdog nga tinago nagpadayag sa "pagbalik sa Ginoo" diha sa tulo ka mga kahimtang: ang singgit, ang tingog, ug ang trumpeta". Ang espirituhanong kasayuran niining tanan nga mga tinago tinuod nga makahatag kaninyo

sa makapasakgaw nga pagtoo nga gikinahanglan sa pagdagit, samtang magmasinugtanon kita ug ikinabuhi kining gipakita nga Pulong sa atong adlaw.

Diha sa Pangutana ug Tubag, gisulti ni Igsoong Branham (Kining Pangutana ug Tubag, ulohan. COD 64-08-30E) Q-395. "ANG PITO KA DALUGDOG nga KATUMBAS SA PITO KA MGA TINAGO nahipadayag na ba? Nahipadayag na ba sila diha sa Pito ka mga Timri, apan sila—apan WALA pa sila ikapahibalo kanato ingon nga dalugdog pa sa gihapon kanato?"

Tubag: *Wala. SILA IGAPADAYAG SA PITO KA TIMRI; mao KANA ANG GIPASABOT SA MGA DALUGDOG. Sila IGAPADAYAG PA... Ang PITO KA MGA DALUGDOG nga mipalanog sa ilang mga TINGOG ug walay usa nga nakasabot niini kong unsa kadto... Si Juan NAHIBALO kong unsa kadto, apan gidid-an siya sa pagsulat niini. "Apan ang IKAPITONG MANOLUNDA, sa mga adlaw sa iyang paghuyop, ang PITO ka mga TINAGO sa PITO ka mga DALUGDOG IPADAYAG NA." Ug ang IKAPITONG manolunda mao ang MENSAHERO sa panahon sa IKAPITONG iglesia. Nakita mo ba?"*

Ang Ikapitong Timri mao usab ang 'usa ka panahon nga gihisgotan usab diha sa **Lucas 17:30**~"Sa mga adlaw nga ang Anak sa tawo igapadayag pag-usab". Ang ANAK sa TAWO nanaug aron sa pag-alagad sa Iyang Pangasaw-onon dinhi sa yuta pinaagi sa lawas sa usa ka profeta (Kining hitaboa nagsugod sa pagkahitabo sa 1963 ug nanagpadayon sa pagkahitabo hangtud karon, tungod kay ang Dios nagpadayon pa gihapon sa pagpangita sa katapusang pinili nga binhi kang kinsang ngalan nahisulat sa Basahon sa Katubsanan. Sama sa mga adlaw sa wala pa sunoga ang Sodoma pinaagi sa kalayo, ang Dios nanaug ngadto kang Abraham pinaagi sa Iyang langitnon nga lawas-si Melquisedec, aron pag-andam kaniya sa gisaad nga anak, si Isaac.

Karon, ang Dios nanaug ngadto sa harianong KALIWAT pinaagi sa lawas sa usa ka profeta aron andamon sila alang sa pag-abot sa Gisaad nga Anak, si Jesu-Cristo. Ug unya diha pa ang pagsakgaw mahitabo kung ang katapusang ngalan nianang Basahona ikapahibalo na dinhi sa kalibutan.

Langit ug Yuta

Ang Pito ka Kapistahan sa Dios alang sa Nasud sa Israel  
Ang Matuod nga Pagdumala sa Five-Fold Ministry sa Iglesia  
Ang Kapitoan ka Semana ni Daniel (70 Weeks of Daniel)  
Sa mga nagtinguha nga adunay **Home Bible Study ug Revelation Explosion Seminar** sa inyong lugar mahimong makigkita sa nagsulat ning libroha.

# REVELATION EXPLOSION SEMINARS



**Pastor Ronnie Millevo**  
**End Time Message Revival Center**  
58 Sammar1 Street corner Luzon Avenue, Old Balara, Quezon City, Philippines  
**Tel: 7349607, 4563857, CelPh- 09193681887**  
**Email: ronmillevo@yahoo.com**  
**website: www.endtimemessage.info**

**A**ng among buhatan nagtanyag ug libring mga seminar alang sa mga nagtinguha nga makasabot pa ug dugang mahitungod sa nahipadayag na nga gililong sa Biblia sama pananglit sa mga nahisgotan niining libroha. Kini amo nang nabuhat pinaagi sa among **“Revelation Explosion”** mga seminar sa pagpalanog diin ang mga “tinago nga mga kamatuoran” nga anaa sa sulod sa Balaan nga Kasulatan among gihisgotan. Himatikdi ang uban pang bahandianong pagtulon-an nga makapag-uswag sa inyong pagtoo pinaagi sa among mga seminar, sama sa mga mosunod nga tema:

Ang among mga seminar walay bayad ug walay inyong bayran nga honorarium alang sa among mga resource speakers. Apan ang inyong mahimong buhaton inyong andamon ang dapit diin didto ang bulohaton (venue), ug magtinabangay sa pagkaon (meals/snacks) alang sa inyong mahimong tumatambong. Libre usab ang among mga gagmayng mga basahon ug certificates of attendance. Mabuhi kamo ug panalanginan kamo sa Dios!

- \*Ang Tinuod nga Bautismo sa Espiritu Santo ug ang Pamaagi sa Bag-ong Pagkatawo (*New Birth*)
- \* Ang Unom ka Matang sa Tawo sa Listahan sa Dios
- \* Ang Pinadayag sa Ulahing Pito sa ka mga Trumpeta
- \*Ang Babelonyang Bantugan ug ang Marka sa Mapintas nga Mananap (666)
- \*Ang Katumanan sa Pagsakgaw ug ang Adlaw sa Kasakitan
- \*Ang Milenyum ug ang Adlaw sa Paghukom, Paingon sa Bag-ong

## LOCAL CHURCH MINISTRY

Kung kamo ngatinguha nga motambong sa **End Time Message Church** haduol sa inyong dapit, mahimong inyong pakigkitaan ang ministro nga nahisulat diha sa ubos:

NGALAN : \_\_\_\_\_  
 CHURCH ADDRESS: \_\_\_\_\_  
 \_\_\_\_\_  
 \_\_\_\_\_  
 CELPHONE NO. \_\_\_\_\_  
 EMAIL ADDRESS: \_\_\_\_\_